


হে বীর পূর্ণ কর

নাটক

স্বনকুমার শঙ্কর

মন্মথকুমার চৌধুরী



বিক্রয়-কেন্দ্র :

ডি, এম, লাইব্রেরী
৪২, কর্ণওয়ালিশ স্ট্রীট
কলিকাতা,

প্রতিরোধ পাব্লিশার্স
ঢাকা,

চন্দ্রনাথ লাইব্রেরী

ও

মডার্ন বুক ডিপো

শ্রীহট্ট ॥

দেড় টাকা

‘হে বীর পূর্ণ কর’ নাটকের দুইটি গণ-সঙ্গীত (‘লেফট রাইট, লেফট রাইট, চল সেনাদল’ এবং ‘উর্ধ্বে উড়িছে লাল-নিশান’) লিখিয়াছেন শ্রীযুক্ত হেমাঙ্গ বিশ্বাস এবং অন্ত গানগুলি কবি-বন্ধু শ্রীযুক্ত মৃগালকান্তি দাশের রচনা। এই নাটক সম্পর্কে শ্রীযুক্ত মৃগালকান্তি দাশের অকৃত্রিম উৎসাহ ও সহযোগিতা, আমার প্রতি তাঁহার গভীর বন্ধু-প্রীতির নিদর্শন।

আমার বই-প্রকাশ সম্পর্কে কবি শ্রীযুক্ত অশোকবিজয় রাহা নিরন্তর উৎসাহ প্রকাশ করিয়াছেন। আমার প্রথম নাটক যদি তাঁহার সে অভিপ্রায়ের কিছুমাত্র মর্যাদা রাখিতে পারে, তবে আমি যথার্থই সুখী হইব।

‘বাণীচক্রে’র প্রাক্তন সম্পাদক, বন্ধুবর শ্রীযুক্ত নলিনীকুমার ভদ্রের সঙ্গে আমার দীর্ঘ দিনের সাহিত্য-আলোচনার স্মৃতি ডড়িত। আমার নাটকের প্রতি তাঁহার অনুরাগ চিরদিনের। এই সুযোগে তাঁহাকে আন্তরিক ধন্যবাদ জানাইতেছি।

আমার নাটক-রচনা সম্পর্কে শ্রীযুক্ত রম্যাংশুশেখর দাশ ও কবি শ্রীযুক্ত গোপাল ভৌমিকের আগ্রহ এবং উৎসাহের কথা, নাটক প্রকাশের যুর্ভর্তে আমি বিশেষভাবে স্মরণ করিতেছি।

শ্রীযুক্ত বিমলেন্দু দাস বি, এ, ও শ্রীযুক্ত প্রণয়কুমার চন্দ বি, এ, পুস্তক প্রকাশে বিশেষ আন্তরিক্য প্রদর্শন করিয়াছেন। তাঁহাদিগকে আমার আন্তরিক ধন্যবাদ জানাইতেছি।

শ্রদ্ধেয় নাট্যকার শ্রীযুক্ত মনোজ রায়ের ভূমিকা নাটকের গৌরব বৃদ্ধি করিয়াছে।

শ্রীযুক্ত শ্যামাধন সেনগুপ্ত স্বতঃপ্রবৃত্ত হইয়া নাটক প্রকাশের ভার গ্রহণ না করিলে, বইখানা সম্ভবতঃ এখন পর্যন্ত পাতুলিপি অবস্থায়ই থাকিত। তাঁহার নিকট আমার ঋণ, ধন্যবাদ প্রদানের চেয়েও বেশী।

প্রচ্ছদপট—শিল্পী শ্রীযুক্ত শঙ্কর চক্রবর্তীর অঁকা ।

বই প্রকাশে মেসার্স পি, সি, দাস এণ্ড কোং সহযোগিতা করিয়াছেন ।

নাটকের পাণ্ডুলিপি-প্রস্তুত প্রভৃতি নানাভাবে যাঁচারা আমাকে বই প্রকাশে সাহায্য করিয়াছেন, নাম অনুলিখিত থাকিলেও, তাঁহাদের সকলের নিকট আমি সমভাবে কৃতজ্ঞ ।

শ্রীহট্ট, তেলিহাওর

১৮ই আষাঢ়, ১৩৫১

মন্মথকুমার চৌধুরী

উৎসৰ্গ

‘বাণীচক্ৰ’ সাহিত্য-বৈঠকেৰে অন্ততম প্ৰতিষ্ঠাতা

শ্ৰীযুক্ত অমিয়াংশু এন্দ্ৰ

কৱকমলেষু ।

প্রথম মুদ্রণ :

আষাঢ়, ১৩৫১

শ্রীমদভগবতগীতা

রচনাকাল :

পৌষ, ১৩৫০

। 'বাণীচক্র-ভবন' হইতে শ্রীশ্রীমাধন সেনগুপ্ত কর্তৃক প্রকাশিত এবং

শ্রীহট্ট, 'সারমা প্রেস' হইতে শ্রীবিনয়ভূষণ দত্তিদার কর্তৃক মুদ্রিত ॥

ভূমিকা

বাঙলা সাহিত্যে নবনাট্য আন্দোলন শুরু হয়েছে এবং না হয়ে উপায় নেই, কারণ বাঙালীর জীবনও নব নব ঘাত প্রতিঘাতে আন্দোলিত হয়ে উঠেছে। বিংশ শতাব্দীর প্রথম বিশ ত্রিশ বৎসরে বাঙলাব নাট্যক্ষেত্রে পৌরাণিক ও ঐতিহাসিক কাহিনীই ছিল প্রধান নাটকীয় উপাদান—কারণ বাঙালীর সামাজিক জীবন তখন ছিল অনেকটা বৈচিত্র্য-হীন। একনিষ্ঠ প্রেম, ধর্মব্রহ্মতা, কন্যাদায়, জমিদারের ও মহাজনের অত্যাচার এবং বিলাতী শিক্ষার প্রসারজনিত সামাজিক চাঞ্চল্য—আমাদের জাতীয় জীবন এমনি কতকগুলি স্থূল সমস্যা নিয়ে বিব্রত ছিল—তদানীন্তন নাট্যসাহিত্যেও এই সব বিষয়বস্তুই প্রতিফলিত হয়েছিল বেশী। বিংশ শতাব্দীতে বাঙালীর জীবন যে কয়টি রাজনৈতিক আন্দোলনে খুব বেশী করে প্রভাবিত হয়েছে, তা হচ্ছে বঙ্গভঙ্গ-আন্দোলন, অসহযোগ আন্দোলন, আইন-অমান্য আন্দোলন আর বাঙলাব বিপ্লববাদ। পরাধীনতা-জর্জর বাঙালী জীবনে স্বাধীনতা ও স্বরাজ

লাভের যে তীব্র আকাঙ্ক্ষা এই কয়েকটি আন্দোলনে মূর্ত হয়ে ওঠে -- বাঙালার নাট্যসাহিত্যে তা সুস্পষ্ট হবার সুযোগ ও সুবিধা না পেলেও কতকগুলি ঐতিহাসিক ও পৌরাণিক নাটকে তা প্রতিধ্বনিত হয়েছে সন্দেহ নেই। যেমন গিরিশচন্দ্রের 'সিরাজদৌল্লা', 'মীরকাশিম', দ্বিজেন্দ্রলালের 'রাণাপ্রতাপ', 'মেবার পতন', 'দুর্গাদাস'; শচীন 'সেনগুপ্তের 'গৈরিকপতাকা' 'সিরাজদৌল্লা'; আমার 'কারাগার' ও 'মীরকাশিম' মহেন্দ্র গুপ্তের 'নন্দকুমার' 'টিপুসুলতান' এবং অন্যান্য নাট্যকারেরও কোন কোন নাটক। এর মধ্যে গিরিশচন্দ্রের 'সিরাজদৌল্লা' ও 'মীরকাশিম' এবং আমার 'কারাগার' নাটক রাজরোষে পড়ে বঙ্গ রঙ্গমঞ্চ থেকে অপসারিত হয়।

কিন্তু বাঙালীর বর্তমান জাতীয় জীবনে শুধু পরাধীনতার সমস্যা নিয়েই আজ জর্জরিত নয়, নানাবিধ বিরুদ্ধ ভাবসজ্জাতেও বিভ্রত। বর্তমান মহাযুদ্ধের প্রতিক্রিয়াও বাঙালীর জীবনে প্রত্যক্ষ ও পরোক্ষভাবে অতি জটিল সমস্যার সৃষ্টি করেছে। প্রভিন্সিয়াল অটোনমির দরুণ আর কিছু না হোক সাম্প্রদায়িক বৈষম্য বিকট রূপ ধারণ করেছে। কংগ্রেসের মধ্যে দলাদলি, বাঙালীকে কোনঠাসা

করার জন্য গুণ্ডালীর অপবিত্র প্রচেষ্টা—একদিকে চিত্তরঞ্জন, যতীন্দ্রমোহন, সুভাষচন্দ্র, অন্যদিকে রবীন্দ্রনাথ, আশুতোষ মুখোপাধ্যায়, জগদীশ বসু, প্রফুল্ল রায় প্রমুখ বাঙালী কর্মবীরগণের অন্তর্ধান এবং পরিশেষে গত বৎসর ও বর্তমান বর্ষে বাঙালীর জীবনে মন্বন্তরের যে তাণ্ডব শুরু হয়েছে বাঙালী তাতে উদভ্রান্ত হয়ে পড়েছে। মুসলিম লীগ, হিন্দু-মহাসভা, ফারওয়ার্ড ব্লক, র্যাডিক্যাল, কম্যুনিষ্ট, ফ্রেণ্ডস্ অব সোভিয়েট, এ, আর, পি, জনযুদ্ধ, ব্ল্যাক-আউট, সাইরেন, রাসম, পারমিট, কন্ট্রোল আজ আমাদের দিশেহারা করেছে।

এমন এক অর্থনৈতিক বৈষম্য দেখা দিয়েছে যাতে ধনী হচ্ছে আরো ধনী এবং গরীব হয়ে যাচ্ছে আরো গরীব।

শ্রীযুত মন্থকুমার চৌধুরীকে আমি ব্যাকুলত ভাবে জানি না, তাই যেদিন তাঁর 'হে বীর পূর্ণ কর' নাটকের পাণ্ডুলিপি এবং ঐ নাটকের ভূমিকা লেখবার জন্য অনুরোধ এল, খুব যে একটা আশা ভরসা মনে জেগেছিল তা নয়। কিন্তু নাটকখানি পড়ে আনন্দে মন ভরে উঠেছে। নানা দিক দিয়েই তিনি আমাকে বিস্মিত করেছেন। বর্তমান বাঙালী-

জীবনের প্রায় প্রত্যেকটি সমস্যা, বর্তমান বাঙালী মনের প্রতিটি ভাবসজ্জাত—তিনি নাটকে রূপায়িত করতে চেষ্টা করেছেন এবং সাফল্যও লাভ করেছেন আশাতীত রূপে। নাটকের পটভূমিকায় মনে হ'ল আমরা সবাই আছি—আমাদের সব কিছু দেখছি—এবং ওদের সবাইকেও চিনি। এই জন্মেই বলবো মন্থকুমার চৌধুরীর 'হে বীর পূর্ণ কর' নাটকখানি আরক নবনাট্য আন্দোলনের সার্থক অগ্রদূত। এই নাটক পড়ে আমার মনে যে আশা, যে স্বপ্ন আজ জেগে উঠেছে—মন্থকুমারকে বলব—সে আশা, সে স্বপ্ন

হে বীর পূর্ণ কর।

৩০, কর্ণওয়ালিশ স্ট্রীট,

কলিকাতা।

মন্থকুমার

হে বীর পূৰ্ণ কর

শিবকুমার শৰ্মা

“প্রভাত-সূৰ্য্য, এসেছ কক্ষসাজে
দুঃখের পথে তোমার তূৰ্য্য বাজে
অরণ-বহি জালাও চিত্তমাঝে...”

শিবধনরায়ের গল্প

নাটকের নরনারী

শিবধন রায়	বিখ্যাত বনেদী বংশের দেউলে জমিদার ।
মৃত্যুঞ্জয় ঘোষাল	জনৈক মহাজন. শিবধন রায়েব সহচর ।
বিজন রায়	শিবধন রায়েব বড় ছেলে, বেকাব এবং পিতার মত থিয়েটার-বাতি কপ্ত ।
অশোক রায়	শিবধন রায়েব ছোট ছেলে, রাজনৈতিক আন্দোলন সংশ্লিষ্ট ।
রায়বাহাদুর গণপতি চৌধুরী	হিন্দুমহাসভাপন্থী, এম্, এল, এ ।
হীরালালপ্রসাদ মিত্র (ওরফে পল্টু)	ঐ ভাগ্‌নে, কন্ট্রাক্টার ।
মুরারী চৌধুরী	প্রসিদ্ধ চাউল বাবসারী, গণপতি চৌধুরীর ছেলে ।
সিতিকণ্ঠ সিংহ	জাপান-ফেরৎ বয়ন-বিশেষজ্ঞ ।
শঙ্কর দাশগুপ্ত	কম্যানিষ্ট কর্মী ।
প্রভুল ভবকদার	“আওয়াজ” কাগজের সম্পাদক ।
সুকুমারী	শিবধন রায়েব স্ত্রী ।
মণিকা	ঐ কনিষ্ঠা কন্যা ।
কুন্তলা	গণপতি চৌধুরীর একমাত্র মেয়ে ।
সুজাতা	কুন্তলার বান্ধবী ।

জনৈক বন্ধু, কম্যানিষ্ট মেয়েরা, চাকর, বেয়ারা এবং জনতা ।

নবকুমার গরায়

প্রথম দৃশ্য

ঢাকার একখানি অতিপুরাতন, ক্ষীর্ণ বাড়ীর
দক্ষ। আসবাব-পত্রগুলি সাবেকী এবং দামী কিছু
ভগ্নপ্রায়। ববনিকা উঠিলে দেখা গেলো ককটি শূন্য,
প্রায়াক্ষকার—গৃহস্থামীর পাস্‌কামরা এবং বৈঠকখানা,
দুই প্রয়োজনেই ব্যবহার করা চলে। ভিতর হইতে
নাটকীয় কণ্ঠের আনুষ্ঠিত ভাসিরা আসিতেছে, যেন
কোন নাটকের মহলা চলিতেছে।

“শেষে—শেষে আমাদেরই হাতে উঠবে পরাধীনতার প্রথম শৃঙ্খল ?
আমাদেরই জীবনে প্রথম ডুববে—আমাদের এত কালের স্বাধীনতার সূর্য !
জগৎশেষ ! রায়দুর্লভ ! ভেবে দেখুন—একটীবার ভেবে দেখুন, জাতির
ইতিহাসে, দেশের ইতিহাসে কি প্রেতমূর্তিতে আমাদের বিচরণ করতে হবে
চিরকাল”।

“অমিয়ট সাথে বলেছেন উনি হিন্দু এবং হে সাথে শুঁর কানে কানে
একথাও বোধহয় বলে দিচ্ছেন আমি মুসলমান। এত কাল এসব আমরা
ভুলে বসেছিলাম, হঠাৎ আজ এসব বেরিয়ে পড়ল। বেইমানি করবার সময়
এসব মনে ছিল না—মনে পড়ল কখন জানো ? যখন দেশের ক্ষমতা এদের
কাছে সাহায্য ভিক্ষা কবলাম। শুধু, সাহায্য করতে না চান, করবেন না।
শুধু একটা প্রার্থনা—আর বেইমানি করবেন না।...অন্ধকার রাত্রে হতাশ
হ’য়ে যখন আকাশের পানে চাই, কেবলি দেখি সিরাজের অস্তিম হাহাকার—
‘বেইমান !’ ‘বেইমান !’”

হে বীর পূর্ণ কর

স্পষ্টই বোঝা গেলো 'মীরকাশিম' নাটকের মহলা চর্চিত্তেছে। এর মাঝখানে যেরে ঢুকিলেন মুদ্রাজয় ঘোষাল—বয়স পঞ্চাশের কাছে। অস্তিত্বতা ও কৃটবুদ্ধির ছাপ চেহারায। চুল শাদা হইয়া আসিয়াছে তবু অটুট স্বাস্থ্য, এমন কি এই বয়সেও চশমা ধরেন নাই। এ বাড়ীতে তার অবাধ গতি যত্র তত্র—রায় পরিবারে তিনি 'ঘোষাল কাকা'। 'বেইমান'। 'বেইমান'।

নিয়া প্রথমটায় খমকিয়া দাঁড়াইলেন। কিন্তু বুদ্ধিমান ঘোষালের বুদ্ধিতে দেবী হইল না যে শিবধন রায় পাট আওড়াইতেছেন। তার খেয়াল ও নেশাব সঙ্গে তিনি পরিচিত ও জড়িত। তবু একটুখানি হাসির ঝলক খেলিয়া গেল তার লম্বা মুখে। বসিয়া পুরাণো পঞ্জিকা-খানা হুলিয়া লইলেন। মহলা আরো জোরে ভাসিয়া আসিল। চাকর গুড়গুড়ি আনিয়া দিল। ঘোষাল অশ্রুমনস্কভাবে নশ্রু নাকে গুজিলেন।

"শুধু পাটনার নয় আরাব, শুধু পাটনার নয়—বাংলা বিহার উড়িষ্যার প্রতি শান্তিকামী নিরস্ত্র, নিরীহ নরনারীর বুক-ফাটা কান্নার বোল আকাশে বাতাসে ধ্বনি তুলে আজ গোদাতালার কাছে বেদনার আরজি পেশ করে প্রতিকার প্রার্থনা করছে, কে আছে শহীদ, কে আছে গাজী, কে আছে খোদার নফর—অত্যাচার অবসানের এই পুণা জেহাদে যোগ দিবে পলাশীর পাপ প্রক্ষালন করবার অশ্রু প্রস্তুত হও। পাটনার, মুঙ্গেরে, বাংলার, বিহারে কোম্পানীর প্রতিষ্ঠিত সব কুঠী অবরোধ কর। সমগ্র ইংবেজ বাবসায়ীকে বন্দী করে শাঠোর সমুচিত শাস্তি দিবে পলাশীতে অনুষ্ঠিত পাপের প্রায়শ্চিত্ত কর।"

"মিরকাশিম" বই হাতে নিয়া শিবধন রায়ের
প্রবেশ

শিবধনঃ এই যে ঘোষাল, আগেই এসেছ দেখছি—আমি তোমার ওখানেই
গোক পাঠাচ্ছিলুম।

মৃত্যুঞ্জয় ॥ (চমকিয়া উঠিলেন) “বেইমান ! বেইমান !” শুনে প্রথমটা আমি দমেই গেছলাম রাঘ মশাই, মনেই হয় নি যে আপনি ‘এক্টো’ কবছেন ।

শিবধন ॥ উকিল বাবুটা এসে চেপে ধরলেন, তাই মত দিতে হলো । “মিরকাশিম” প্ল ভালো উৎরেছে, শুনেছি বইখানি হালে খুব নামও কিনেছে ।

মৃত্যুঞ্জয় ॥ রাঘ মশাই ‘এক্টো’ করবেন,—সহবে আবার রৈ রৈ কাণ্ড শুরু হ’লো বলুন ।

শিবধন ॥ (হাসিয়া) চাণক্যের নেশা তোমার চোখে আজও জড়িয়ে আছে ঘোষাল !

মৃত্যুঞ্জয় ॥ নাট-মন্দিরের পুরণো ঝাড়ে আবার তা’হলে সতি সত্যিই আলো জ’লবে রাঘমশাই ।

শিবধন ॥ কী যে বলো ঘোষাল । নাটমন্দিরের একহাত পুরু ধূলা উড়িয়ে প্রবেশ কববেন কবচ কুণ্ডলধারী মহাবীর কর্ণ—আজ সে শুধু আকাশকুমুদ কল্পনা । নেহাতই দুভিক্ষ ভাণ্ডারের সাধায়া করে এ অভিনয়, তাই আর ‘না’ বলতে পারলাম না ।

মৃত্যুঞ্জয় ॥ মহৎ প্রয়াসে ‘না’ বলা আপনারত মানায় না রাঘমশায়—দেশের কোন শুভ কর্মই মানগোবিন্দ রায়ের দান থেকে বঞ্চিত হয়নি ।

শিবধন ॥ তুমি তো বলছ ‘শুভকর্ম’ । কিন্তু খোঁজ নিয়ে দেখো, হয়ত সবাই পেছনে গিয়ে মুখ ভ্যাংচি কেটে বলছে—“শিবু রায় ডোবাতে, মানগোবিন্দ রায়ের রাজ সম্পত্তি, অকাল কুয়াণ্ড ছেলেটা থিয়েটার করে করে খুইয়ে দিলে ।”

মৃত্যুঞ্জয় ॥ (নশ্র নাকে টিপিয়া) সবই লীলাময়ের লীলা । কারো পারে ঢেলে দিচ্ছেন রাজার ভাণ্ডার, কারো হাতে তুলে দিচ্ছেন ভিক্ষুর রুটি । আপনার আমার সাধা কি রাঘ মহাশয়, তাঁর অনন্ত লীলা বুঝব ।

শিবধন ॥ সব কিছু বুঝিনে বলেই না এখনো হেসে খেতে বাঁচতে পারছি ।
(হঠাৎ বিনম্রভাবে) নইলে দু'দিনেই মানগোবিন্দ রায়ের অতুল
ঐশ্বর্য্য ভোজবাজির মতো শূন্যে মিলিয়ে গেলো, এর পরেও শিব
রায়ের হাতে কেউ নাটক দেখতে পেত ঘোষাল ?

• এমন সময় নন্দ পদে ঘরে ঢুকিলে শিবধন রায়ের
ছোট মেয়ে মণিকা । শিবধন রায়ের কাছে আসিয়া কিছু
বলিবার ভঙ্গিতে—

মণিকা ॥ বাবা !

শিবধন ॥ কি মা !

মণিকা নীরব রছিল

শিবধন ॥ সংকোচের কোন কারণ নেই মা । তোমার ঘোষাল কাকার
সামনে আমাদের লুকোবার কিছু নেই ।

মণিকা ॥ (খানিকক্ষণ ইতস্ততের পর) বাজার খরচের টাকা বাবা ! মা
বলেন তার হাতে আজ টাকা নেই ।

শিবধন ॥ শুনে ঘোষাল, নিজের কানেই শুনে তো । শাস্ত্রে কি লেখা
আছে বলছিলে—অতীব বিচিত্র এই সংসার, নইলে মানগোবিন্দ
রায়ের বংশধররা টাকার অভাবে বাজার করতে পারছে না—তা
কি কেউ কখনও ভাবতে পেরেছিল ? অথচ যে জুড়ী গাড়ী চড়ে
মানগোবিন্দ রায় হওয়া খেতে বেরুতেন তার ঘোড়ার দামেই ওমন
কত পরিবার বর্তে যেত । আচ্ছা তুমি যাও মা, আমি দেখছি ।

মণিকার প্রস্থান

মৃত্যুঞ্জয় ॥ সবই লীলাময়ের গীলা । আজ যে পর্বতের চূড়ায়, কাল সে
পথের ধূলোয় । শাস্ত্রেরই কথা 'হরতি নিমেষাৎ কাল সর্বম ।'

শিবধন ॥ এয়ার ভবু আর শাস্ত্রের কথা থাক । যে জন্তে তোমাকে ডেকে
পাঠিয়েছিলাম... আমার পাঁচশ টাকা চাই ঘোষাল—

মৃত্যুঞ্জয় ॥ (অমায়িক হাসিতে) আপনার টাকার দরকার ? সে জন্তে একটা আদেশ, না, না. তাও নয়, শুধু ইচ্ছে প্রকাশটাই যথেষ্ট রায়মশাই। তবে আপনি তো সবই দেখছেন, এই যুদ্ধের বাজারে তেজারতির কারণে বেন হঠাৎ জুড়িয়ে এলো। মহাজনীটা আজকাল মোটা লাভের বাবসা থাকতে না রায়মশাই।

শিবধন ॥ (গম্ভীরভাবে) ওত ভণিতা না করে সোজা ভাষায়ই বলো না কেন ঘোষাল—কিছু বাধা না রেখে টাকা আগাম দেবার ইচ্ছে তোমার নেই।

মৃত্যুঞ্জয় ॥ (বিনয়ান্বিত ভঙ্গীতে) ও কথা বলে আর আমাকে ঋণী করবেন না।

শিবধন ॥ দেউলে শিবধন রায় ! কপদকহীন শিবধন রায় (অমুতাপে ও ক্ষোভে) আমার চাওয়াটাই ভুল হয়েছিল।

মৃত্যুঞ্জয় ॥ এসব বলে শুধু আমারই অপরাধ বাড়াচ্ছেন রায়মশাই।

শিবধন ॥ বেশ, বাধাই রাখব, তবু পাঁচশ টাকা আমার চাই-ই। তা এই বাড়ীটাত এখনো আছে—এটাই তোমার কাছে বাধা রইলো, লিখে দিচ্ছি।

মৃত্যুঞ্জয় ॥ কিছু না, কিছু দরকার হ'বে না। আপনি মুখে বলেছেন তাই যথেষ্ট। হাকিম বদলালেও হুকুম বদলাবে না।

শিবধন ॥ টাকাটা কালই দিচ্ছ তো ?

মৃত্যুঞ্জয় ॥ টাকা যদি আপনাদের দশজনের কাজে না লাগলো—তবে যথেষ্ট ধনের মত এগুলো আগলে ত আমি সারা জীবন বেঁচে থাকব না রায়মশাই ॥ জীবনটা হচ্ছে পদ্মপত্রে জলবিন্দুর মত, অতীব ক্ষণস্থায়ী, অতিশয় চপল, আর বিষয় বলুন, সম্পত্তি বলুন, যতদিন চোখ খোলা আছে ততদিন সবই আমার, আর দুচোখ বুকলেই সব অন্ধকার—

শিবধন ॥ আমি সেই অন্ধকারের বুকেই ছুটে চলেছি—উষ্কার গতিতে। কেউ এর গতিরোধ করতে পারবে না, কেউ না। (অকস্মাৎ তিনি মোহাচ্ছন্নের মত আবৃত্তি করিতে লাগিলেন) “ইচ্ছে করে কাঁদি, চীৎকার করে কাঁদি, আমার অশ্রুজলে পৃথিবী ভেঙে চূরে ভাসিয়ে দিই। কিন্তু অশ্রু উৎস শুকিয়ে গেছে। মাঝে মাঝে মনে হয় ভিতরে অশ্রু জমাট হ’য়ে গেছে, আবিচারে অত্যাচারে ঈশ্বরকে পর্যাস্ত ছেয়ে ফেলেছে।”

মৃত্যুঞ্জয় ॥ আজ্ঞে...

শিবধন ॥ ভাবছ সম্পত্তির শোকে লোকটার মাথা ধরাপ হয়ে গেলো নাকি। না ঘোষণা, সব জিনিষের মধ্যে ঐ মাথাটাই এখনো ঠিক আছে—আর মাথাটা ঠিক রাখবার জন্তেই সংসারকে ভুলে থাকতে চাই—অভিনয়ে

চাণক্যের পাট আবৃত্তি করিতে লাগিলেন

“মাঝে মাঝে সমুদ্রের মত তরঙ্গ তুলে’ ধেয়ে আসি কিন্তু তীরে বাধা পেয়ে গভীর হতাশ্বাসে ফিরে যাই। কোন শক্তি নেই, কোন শক্তি নেই। বিচক্ষণ, বিদ্বান, কুট না? ঠিক, শুনেছিলে, কেবল শুনি যে তার হৃদয় নেই, তার মেরুদণ্ড ভেঙ্গে গেছে।”

সচেতন হইয়া উঠিলেন

(উৎফুল্ল কর্তে) ঘোষণা, আমি নাটক করব, চাণক্যের পাটে শিবু রায় আবার সারা সহরে উন্মাদনা জাগিয়ে তুলবে। হালে সাত রকম দেখিয়েছে, আমি দশ রকম করে ফুটিয়ে তুলব। আমাদের নাট-মন্দিরে আবার জাগবে ঐক্যতান, আবার বাজবে নর্তকীর সুপূরধ্বনি। সব গেছে—বাড়ীটাও যাক, তোমার কাছে বাধা রইলো। টাকা আমার চাই-ই ঘোষণা— টাকা আমার চাই-ই।

হে নার পূর্ণ কর

৭

চাকর একটি কার্ড আনিয়া শিবধন রায়ের
হাতে দিল। তিনি পড়িলেন

H. P. Mitter

Military Contractor & order Supplier.

ঠিক চিনতে পারছি না তো

চাকরকে লক্ষ্য করিয়া।

আচ্ছা, আসতে বল।

শিবধন রায় উত্তেজনার ঘন ঘন তামাক টানিতে
লাগিলেন। অল্প দরজা দিয়া হুট পরিহিত একজন
যুবক প্রবেশ করিল। বয়স ত্রিশের কাছাকাছি।
শিবধন রায় প্রথমে চিনতে পারিলেন না। তারপর
চশমা চোখে আঁটিয়া বসিলেন। হীরালাল প্রণাম
করিল।

ও! আমাদের পল্টু। আমি তো ভেবেই পাইনে H. P. Mitter
কোথেকে এলেন? তা' আজকাল বৃষ্টি কার্ড পাঠিয়ে সব
দেখাশুনা করছ?

হীরালাল ॥ আচ্ছ, তা নয়। অনেক বদলে গেছি কিনা। সেই একমাথা
ঝাকড়া চুলের হাফসটি পরা ছরস্তু পল্টুতে আর হীরালালে অনেক
তফাৎ জ্যোঠামশাই। ভাবলাম হঠাৎ দেখলে হয়ত চিনতেই
পারবেন না।

মৃত্যঞ্জয় ॥ (টানিয়া টানিয়া) চৌধুরী ম'শায়ের ডানপিটে ভাগনে না
রায়মশাই?

হীরালাল ॥ (প্রণাম করিয়া) আমাকে তো এত সহজে ভুলবার কথা নয়
ঘোষাল কাকা। আপনার ফুল বাগানের ছরবস্থার জন্তে এ
হতভাগাইত দায়ী।

মৃত্যঞ্জয় ॥ বসো বাবাজী, বসো।

হীরালাল চেয়ারে বসিল

একেবারে হাটকোট পরে সাহেবটি সঙ্গে আছ বাবাজী।

হীরালাল ॥ (মৃত্যুঞ্জয়ের দিকে) সারাদিন সাহেব সুবোর সঙ্গেই কারবার কিনা, সূট ছাড়া দেখাটি করার জো আছে নাকি । আজ কলকাতায়, কাল বোধে, টাই আর কলার টাইট না থাকলে দোরগোড়া থেকেই বলবে “আভি নিকেল যাও ।”

শিবধন ॥ (হীরালালের দিকে) কন্ট্রাক্ট নিয়েছ ? বাঁশ, না বোল্ডার ?

হীরালাল ॥ ও ছটোতে মোটেই মার্জিন নেই জোঠামশাই শুধু পরি-শ্রমটাই পণ্ড্রম । আমি পাঠা খাসির চালান দিচ্ছি ।

মৃত্যুঞ্জয় ॥ (নাগিকা কুঞ্চিত করিয়া) হিন্দুর ছেলে হ'য়ে পাঠা খাসি জবাই করছ ? কাজটা কি খুব সঙ্গত হ'লো বাবাজী !

হীরালাল ॥ ওসব উচ্চ অর্থনীতির কথা কাকা, ওসবের রহস্য আপনি বুঝবেন না ।

শিবধন রায় নিরবে তামাক টানিতে লাগিলেন

মৃত্যুঞ্জয় ॥ তা বটে, তা বটে ।

হীরালাল ॥ আর এই পাঠা খাসি কেটেই আমার বাড়ীতে আশ্রয় পেলাম ঘোষাল কাকা ।

শিবধন ॥ (উঠিয়া দাঁড়াইলেন) কাটো হে কাটো, মানুষ গুলোকে বাচ দিয়ে যত খুসী কাটো । (মৃত্যুঞ্জয়ের দিকে) আমার আছিকের সময় হ'লো ঘোষাল, তা টাকাটা কালই পাঠিয়ে দিও । তুমি বস পন্ট ।

শিবধন রায় ভারিকী ভঙ্গীতে প্রস্থান করিলেন

মৃত্যুঞ্জয় ॥ আমাকেও উঠতে হয় ! বাবাজী সবই লীলাময়ের লীলা, তাঁর ইচ্ছা ।

মৃত্যুঞ্জয়ের প্রস্থান । হীরালাল একখানি দেখালে টাকানো ছবির নিকট উঠিয়া গেল । একটু পরেই পান হাতে নিয়া ধীর পদক্ষেপে প্রবেশ করিল নাগিকা ।

মণিকা ॥ (হীরালালের পাশের টিপয়ে পান রাখিয়া) আপনার পান ।

হীরালাল ॥ (পেছন ফিরিয়া উৎফুল্লস্বরে) পান. তা' আমি তো আর পালিয়ে যাচ্ছি না । এত বাস্তবতা কিসের ?

মণিকা ॥ (সংযতকণ্ঠে অন্তর্দিকে তাকাইয়া) বাবা চা দিতে বলেছিলেন, কিন্তু আমাদের চিনি ফুরিয়ে গেছে । তাই চায়ের বদলে শুধু পানই দিতে হ'ল ।

হীরালাল ॥ কেন এসব মিছিমিছি হাঙামা করা ।

মণিকা ॥ এতদিন পর আমাদের বাড়ীতে এসেছেন, শুধু মুখে ফিরে যাবেন সেটা যে আমাদের পক্ষে কতখানি লজ্জার...

হীরালাল ॥ লজ্জা ভাবলেই লজ্জা, নইলে আমি ত তোমাদের অতিথি হয়ে আসিনি যে চা, পান এসবের জন্ত সারা বাড়ী তোলপাড় করে বেড়াচ্ছি ।

মণিকা ॥ শুধু মুখে চলে গেলে মা ভারী রাগ করবেন ।

হীরালাল ॥ আমি যে এ ক'দিনেই তোমাদের এত পর হয়ে গেছি, তা তো, জানতাম না ।

মণিকা ॥ (প্রসন্ন হাসিতে) আপনি আমাদের সব জানেন বলেই তো, ভেতরের কথা খুলে বলতে আমার সংকোচ নেই ।

হীরালাল ॥ থাকা উচিত নয়, ক'বছর আগেও পেয়ারা কেড়ে নিয়ে তোমায় জ্বালাতন করেছি. আজ আবার না চা, পানের জন্তে অতিষ্ঠ হয়ে উঠ ।

মণিকা ॥ এসব বলে আমাদের লজ্জা আর বাড়াবেন না পল্টুদা ।

হীরালাল ॥ আমি কি এ বাড়ীতে নতুন, না জেঠামশাই তাঁর ডানপিটে ভাইপোর সঙ্গে সম্পর্কটা একেবারেই তুলে দিলেন !

মণিকা ॥ বাবা আজকাল কারো সঙ্গেই বড় একটা দেখাশোনা করেন না
কি না ..

শীরালাল ॥ এই যে সরলতা, এই যে আন্তরিকতা, আমি যে কত খুসী হয়েছি
মণি, এর বদলে মাংস পোলাও দিয়ে অভ্যর্থনা করলেও আমি
বেশী সন্তুষ্ট হতাম ভাবো ?

মণিকা ॥ আপনি তবু নিজের জোরে বরাত ফিরিয়ে নিলেন, দাদা' ত এখনো
সেই থিয়েটার নিয়েই মত্ত । চাকরীর নাম শুনলেই তার হাড়ে
কাঁটা ফুটতে থাকে ।

শীরালাল ॥ ভালো, তবু ভালো,- একটা নেশা নিয়ে আছে, আর্ট, কালচার ..
আমাদের জীবন তো শ্রোতের শাকুলা ।

মণিকা ॥ পরিবার যে ডুবতে বসেছে সেদিকে যদি একটু নজর থাকুক ।

শীরালাল ॥ (বিহ্বল-কণ্ঠে) ঠিক আমার মত—ভেসে যাচ্ছি—আশ্রয়ের অভাবে।

মণিকা ॥ না'র সঙ্গে আপনার আলাপ হলো না.—তঁাকে ডেকে দোব ?

শীরালাল ॥ আজ এই বেশে, এই সাহেবী পোষাকে নয়, (আবেগ-বিহ্বল
কণ্ঠে) আমার বত কথা তোমাকে বলার জন্তে ।...

মণিকা ॥ এসব কথা আজ থাক পন্টুদা !

শীরালাল ॥ রাগ করে তুমি না শুনতে পার, তবু তোমাকে আমার জানাতেই
হবে । একটা আশ্রয়, একটা অবলম্বন ছাড়া পুরুষের সংসার
গড়ে উঠে না, টাকাকড়ি, বাড়ী গাড়ী থাকলেও না ।

মণিকা ॥ এসব জেনে কা'র কী লাভ ?

শীরালাল ॥ তোমার শুনে হয়ত কিছুই লাভ নেই, কিন্তু এ সব না জানালে
আর একজনের ক্ষতির তুলনা নেই । (আবেগ স্পন্দিত কণ্ঠে কাছে
গিয়া) তুমি বিশ্বাস কর মণি, তোমার প্রতি আমার সের্টিফিকেট,
সে আজকের নয় ।

এমন সময় আবৃত্তি করিতে করতে বিজন
নাটকীয় বেশে ঘরে ঢুকিল। প্রিয়দর্শন, চোখে পাশ-
নে, সর্ষি ধরোধরো ভাব, "সীতা" নাটক আবৃত্তি
করিতেছিল। মণিকার দ্রুত প্রশ্নান

"কার কণ্ঠস্বর, ওরে কার কণ্ঠস্বর।

স্বর্ণময়ী দেবীর প্রতিমা

মানসী হুইয়া চির পরিচিত পুরাতন কণ্ঠস্বরে...

হীরালালের দিকে চোখ পড়িতেই নিজের ভ্রম কি সত্যি
দুঝিবার চেষ্টা করিল।

তুমি ? Are you ? Really ?

খুসীতে তার বাক্য নিঃসৃত হইল ন। হীরালালকে
প্রায় জড়াইয়া ধরিল

হীরালাল ॥ শ্রীহীরালাল প্রসাদ মিত্র—ওরফে পণ্টু, মিলিটারী কন্ট্রাক্টার এণ্ড
অর্ডার সাপ্লাইয়ার।

বিজন ॥ একটা খবরও দিতে নেই!

হীরালাল ॥ তুমি তো সীতার বিরহে কাতর, আমাদের ডাক তো তোমার
কানে পৌছবে না।

বিজন ॥ (তৃপ্তি ও গর্কের হাসিতে) সরস্বতী পূজাধ 'সীতা'প্নে মামাচ্ছি
কি না—তাই একটু বাস্তব আছি।

হীরালাল ॥ তা'ত শুনতেই পেলাম। তুমি তো কিম্বল এ কিং এ সেই
সেকেও-টু-নান বিজনই আছ।

বিজন ॥ (বিনীত লজ্জায়) নেহাতই মেয়ে একটারেব অভাব, নইলে মেয়ে
ছাড়া কি মেয়ের পাট মানার ? (চিত্রাঙ্গদা হইতে আবৃত্তি)

বিজন ॥ 'দক্ষিণ সমীরে দূর গগনে
একেলা বিরহী গাহে বুঝি গো
কুঞ্জবনে মোর মুকুল যত
আবরণ বন্ধন চিঁড়িতে চাহে' ।

ধারা শুনেছে, তারাই বলেছে 'ইউনিক' । ও পাটে মেরেয়াও হার
মেনে যেত ।

যরের অপর প্রান্ত হইতে সোমা প্রশান্ত হাসিতে
পবেশ করিলো শঙ্কর । পরণে খন্ডরের কাপড় ও
পাঞ্জাবী, কমানিষ্ট কর্মী

শঙ্কর ॥ তাব কারণ বাংলা দেশের পুরুষরা সব মেয়ে হয়ে যাচ্ছে বিজনবাবু ।

কপালে চোখ তুলিয়া ব্যঙ্গকণ্ঠে

বিজন ॥ কে তুমি বাবা 'সার্মন-কৌং', বিবেকানন্দের বীরবাণী শোনাতে এলে।

তারপর পশ্চাৎ কিরিয়া তাকাইয়া

হালো, কমরেড মার্কস, চাষা মজুরদের বেশ তো ফেপিয়ে
বেড়াচ্ছিলে, আমাদের গরীবদের কথা হঠাৎ কি ভেবে স্মরণ করলে
কমরেড দাদা ।

শঙ্কর ॥ (উদার হাসিতে) রাজনীতি নিয়ে তাহলে আজকাল নাড়াচাড়া
করছেন ?

বিজন ॥ রাজনীতিটা তোমাদের মনোপলি থাক ভাই । আমাদের ঝুকিয়ো না ।

শঙ্কর ॥ দয়া করে একবার মণিকাকে ডেকে দেবেন ।

হীরালাল বাঁকা দৃষ্টিতে তাকাইল

বিজন ॥ মহোদর ভাইটির মাথা ত খেয়েছ, এখন দয়া করে মণির কানে
লাল ইস্তাহার আর জাপানকে রুখবার মন্ত্রণা চুকিয়ো না কমানিষ্ট
ডিম্বার, আমাদের মুখের দিকে তাকিয়েও ওকে দয়া কর ।

হীরালাল ॥ আমার সাথে ছ'টার ছোরে যেতে হবে—এবার উঠি তবে।

বিজন ॥ আমারও রিহার্সাল,—চলো একসঙ্গেই যাই।

হুইজনের প্রধান। শঙ্কর নীরবে কাগজ পড়িতে-
ছিল, হঠাৎ বেগে প্রবেশ করিল হীরালাল, শঙ্কর কিছু
জিজ্ঞাসা করিবার জন্ত মুখব্যাপন করিল। হীরালাল
টুপি ফেলিয়া গিয়াছিল, টুপি নিয়া শঙ্করের দিকে
কুটিল কটাক্ষপাত করিয়া বাহির হইয়া গেলো। শঙ্কর
আবার দৈনিকে মনোনিবেশ করিল, একটু পরেই
প্রবেশ করিল মণিকা

মণিকা ॥ (কাছে গিয়া বিস্মিত কণ্ঠে) শঙ্কর দা...

শঙ্কর ॥ (উজ্জ্বল হাস্তে) খুব অবাক হয়ে গেছ ত—আমাকে হঠাৎ এভাবে
এ অবস্থায় দেখে।

মণিকা ॥ অবাক তো তুমি আমার আজ নতুন করলে না, (কাছে ধেঁষিয়া)
কখন এলে ?

শঙ্কর ॥ এই খানিকক্ষণ।

মণিকা ॥ ডাক নি কেন ?

শঙ্কর ॥ ডাকলেই কি আসতে ?

মণিকা ॥ (বাঁকাসুরে) তার মানে ?

শঙ্কর ॥ এত বড় বাড়ী, কে কার ডাক শুনতে পার ?

মণিকা ॥ তুমি হাসালে শঙ্কর দা।

শঙ্কর ॥ কান্নাটা আমি মোটেই পছন্দ করিনি কিনা।

মণিকা ॥ তোমার গলার আওয়াজ চিনে মিতে আমার এক মিনিট ও দেবী
হতো না, অবশ্য যদি...

শঙ্কর ॥ এ কি? কথা কইছ না যে?

মাণিকা ॥ ভাবছিলাম...

শঙ্কর ॥ নিশ্চয়ই আমার শরীরের কথা ভাবছিলে? 'নয়মে কাওয়া নিয়মে শোয়া, এট তো? পুরুষদের বুড়ো পোকোর মত আগলে না রাখতে পারলে মেয়েদের তৃপ্তি নেই।

মাণিকা ॥ (স্বপ্নালু সুরে) ভাবছিলাম আজ থেকে তিন বছর আগে, এমন এক শীতের রাতে

মুহুর্তে মঞ্চের আলো নিভিয়া গেলো। মঞ্চ অন্ধকার।
ভিতর হইতে নাটকের আবৃত্তি শাঙ্গিয়া আসিতেছে।

“ঐ তাবা আস্ছে—তুমি অন্তরালে অবস্থান কর। স্বাধীনতা রক্ষার সাধনা যদি ব্যর্থ হয়— পরাধীনতা দূর করবার সাধনা নিয়েই যাব ভারতের গ্রামে গ্রামে—ঘরে ঘরে—কিন্তু স্বাধীন দেশের চেয়ে পরাধীন দেশে হবে ভীষণতর দুঃসময়— স্বাধীনতার এই সমাধিতে সেই বেইমানদের ধ্বংস করে তবে আমরা যাব।”

মঞ্চ আলো জ্বলিয়া উঠিল! মাণিকার শয়নকক্ষ খাটের একাংশ দেখা যাইতেছে। স্কার্ফ খাটের উপর ছড়ানো। মাণিকা আরনার সামনে প্রসাধনরত। এখনই শুইতে যাবে। পরণের কাপড় অবিন্যস্ত। রাত্রি প্রায় এগারোটা! সারা বাড়ী নিস্তরক, হঠাৎ খুট করিয়া শব্দ হইল! মাণিকা চমকিয়া উঠিল। অবিন্যস্ত বসনে একটা লোক ঘরে প্রবেশ করিল—হাতে চামড়ার ব্যাগ, মাণিকা অপ্রস্তুতভাবে স্কার্ফটা গায়ে জড়াইয়া সাহসের সঙ্গে ঘুরিয়া দাঁড়াইল।

মণিকা ॥ কে, কে, আপনি ?

আগন্তুক ॥ আমি ? (ব্যাগটা টেবিলে রাখিয়া) আমি মানুষ ।

মণিকা ॥ ঠাট্টা করবার জায়গা যে এটা নয়, তা বোঝাব মত জ্ঞান আপনার নিশ্চয়ই আছে ।

আগন্তুক ॥ (ক্লিষ্ট হাসিতে) ঠাট্টা. জীবন মরণের প্রশ্ন নিয়ে কেউ ঠাট্টা কবে না শ্রীমতী. (থামিয়া) আমার আশ্রয়দাতার নাম জানতে আপনি আছে কি ?

মণিকা ॥ জানবার দরকার নেই ! এত ব্যক্তিরে ভদ্রলোকের বাড়ীতে ঢুকতে আপনার ভদ্রতায় বাধলো না ?

আগন্তুক ॥ ভদ্রতার খাতিরে পুলিশের দাড়ি হাতে পরবার শখ আমার নেই । অবিশ্যি এ ঘবে যে কোন মেয়ে আছেন তা আমি জানতাম না, আর জানলেও আমাকে ঢুকতেই হতো ।

মণিকা ॥ কে আপনি ?

আগন্তুক ॥ আমি কে তা নাই বা জানলেন । আত্মীয়তা পাতাতে আমি আসিনি, কাল ভোরের আলো ফুটবার আগেই আমি এ শহর ছেড়ে চলে যাব ।

মণিকা ॥ কী আপনার উদ্দেশ্য ?

আগন্তুক ॥ (পরম নির্ভয়ে ইঁজি চেয়ারে বসিয়া) চুরি নয়, ডাকাতি নয়, তা চেহারা দেখেই বুঝতে পারছেন ।

মণিকা ॥ তবে কেন আপনি এত ব্যক্তিরে ঢুকেছেন ?

আগন্তুক চুপ করিয়া রহিল । তারপর পাশের বইটির

প্রথম পৃষ্ঠার চাপ বুলাইয়া অনুচ্চকণ্ঠে পড়িল—

মণিকা কয়
। jkrishna .

আগন্তুক ॥ এই দেখুন নাম জানবার দরকার নেই বলছিলেন তবু জানলাম, জানার দরকার ছিল ।

মণিকা ॥ একুণি যদি আপনি বেরিয়ে না যান ..

আগন্তুক ॥ তা হলে আপনি দারোয়ান ডাকবেন তো? এখানে এলে দারোয়ান, বাইরে বেরুলে পুলিশ; কি মুন্সিলেই যে ফেলেছেন ।

মণিকা ॥ আপনার গল্প শুনবার মত মনের অবস্থা আমার নয় ।

আগন্তুক ॥ দারোয়ানই ডাকুন আর পাড়ার লোকই জড়ো করুন, বাইরে আমি সিকি পাও বাড়ানি না ।

মণিকা ॥ আপনি যাবেন না ?

আগন্তুক ॥ এখন অবশ্যই নয়, কাল ভোরের আগে নিশ্চয়ই ।

মণিকা ॥ এ জিন্দেব মানে ?

আগন্তুক ॥ আশ্রয়, শুধু এক রাত্রির জন্তে মাথা গুঁজবার মত একটু খান ঠাই ।

মণিকা ॥ এই বুঝি আশ্রয় চাইবার নমুনা? জোর করে রাত এগারটায় ..

আগন্তুক ॥ রাত এগারোটায় ফেরারী আসামীকে কে জামাই আদরে ডেকে আনতো বলুন ?

পকেট হইতে আগন্তুক একটা রিভলভার বাহির করিল ।

মণিকা ॥ (অসুচ আর্জুনাদে) পিস্তল ?

আগন্তুক ॥ (হাসিয়া) না, রিভলভার । আপনার অত খুটিয়ে জানবার কথা নয় ।

মণিকা ॥ বিপ্লবী (আচ্ছন্ন বিন্ময়ে) আপনি বিপ্লবী ?

আগন্তুক ॥ বিপ্লবী বলে প্রাপ্যের অতিরিক্ত সম্মান দেওয়া হয় । তার চেয়ে বলুন ডাকাত—স্বদেশী ডাকাত ।

এমন সময় ভিতর হইতে শিবধন রায়ের আবৃত্তি
ভাসিখা আসিল ।

“ধিক, ধিক শত ধিক জীবনে আমার ।
সভামাঝে উচ্চকণ্ঠে কহিল বমণী
সুত পুত্রে না ববিব কভু ।
বিষণলা সম বাণী পশিল অন্তবে
তুর্নিবার জ্বালা তাব সহিতে না পাবি
মৃত্যু শ্রেয় : শতগুণ মৃত্যু শ্রেয়
লাঙ্কিত জীবন হতে ।”

শঙ্কায় মণিকার মুখ শুকাইয়া গেল, করুণ
কণ্ঠে

মণিকা ॥ আপনি যান, দয়া করে আপনি যান, বাবা হয়ত একুনি এসে
পড়বেন ।

আগন্তুক ॥ আপনার বাবা ? আবৃত্তি শুনলাম কার—রাত এগারোটায় ?

মণিকা ॥ (শঙ্কিত গলায়) বাবা বিহার্সেল থেকে ফিরলেন, সারাদিন নাটক
নিয়েই মেতে আছেন (মিনতি করিয়া) আপনি যান, তঠাৎ যদি
এসে পড়েন তবে আর রক্ষে থাকবে না ।

আগন্তুক ॥ তা বেশ ত, আপনি শ্রুতে যান, আমি না হয় ইজি চেয়ারটা
বাইরের বারান্দায় নিয়ে যাচ্ছি । চাদর মুড়ি দিয়ে ওতেই রাত
কাটিয়ে দোব ।

ভিতর হইতে শিবধন রায়ের গলা শোনা গেল
'বড় বৌ, বড় বৌ' । মণিকা শঙ্কায় বিবর্ণ ও চঞ্চল
হইয়া উঠিল ।

মণিকা ॥ (খানিক ভাবিয়া) এই ঠাণ্ডায়, বারান্দায় ? না, না, তার
চেয়ে ঐ পাশের কামরা খোলা আছে, ছোড়নার বিছানায় শুয়ে
পড়ুন । ওর আজ বাড়ী ফেরবার আশা কম ।

আগন্তুক । (কৃতজ্ঞচিত্তে) ধন্যবাদ (বাগটা হাতে নিয়া) হয়ত এই প্রথম
ও শেষ দেখা, রাজনৈতিক ফেরারী আসামীর এক পা ত এমনি
জেলে, তবু যদি আবার দেখা হয়...

মণিকা ॥ ক্ষণিকের পরিচয় অন্ধকারেই হারিয়ে যাবে না ।

আগন্তুক ॥ নিশীথরাতের অতিথি ও ভুলে যাবে না--তার আশ্রয়দাত্রীকে,
দেখা যদি না-ই বা হয় তবু দূর থেকে সে জানাবে কৃতজ্ঞ নমস্কার ।

মণিকা ॥ যদি কোনদিন দেখা হয়, বিপ্লবী বলে ভয় পাব না--পেতে দেন
আশ্রয়ের আসন ।

হুজনেই ভাবঘন হইয়া আসিল, গভীর নীরবতা ।

আগন্তুক ॥ এই মুহূর্তের আশ্বাস এক সৃষ্টি-ছাড়া বিপ্লবীর জীবনে চিরদিনের
সম্পদ হযে বেঁচে থাকবে । নমস্কার মণিকা দেবী ।

মণিকা বিস্ময়-বিহ্বল দৃষ্টিতে চাহিয়া রহিল, নারবে
হাত তুলিয়া প্রতি নমস্কার করিল, আলো নির্বিয়া
গেলো, আবৃত্তি ভাঙ্গা আসিল ।

“খুব বেশী হলে, এক লক্ষ ? দু’লক্ষ ? আমি তোমায় সমগ্র মুঙ্গের
অর্পণ করছি । বিশ্বাসঘাতকতা করো না । তাতেও যদি তৃপ্ত
না হও, তুমি কি চাও বল. অসংকোচে বল । কিন্তু বেইমানি,
বেইমানি করো না আরাব আলি । নিজের ক্ষুদ্র স্বার্থসিদ্ধির
জন্তে একটা স্বাধীন জাতিকে, একটা স্বাধীন দেশকে—বিদেশীর
কাছে বিক্রয় করো না ।”

মঞ্চে আলো জলিয়া উঠিল । পূর্বের দৃশ্য—শহর ও
মণিকা ।

মণিকা ॥ (স্বপ্নালু সুরে) শহর ছাড়া তোমার হলো না । পুলিশের চোখে
ধুলো দেবার জন্তে তুমি পালিয়ে বেড়ালে এ বাড়ী থেকে ও বাড়ী,
আর লুকিয়ে লুকিয়ে আমি ছুটে গেলাম তোমার পেছনে, ধাবার

হাতে নিয়ে । তারপর তোমাকে ধরলো সর্বনাশা রোগে—চলে
গেলে তুমি দূরে—শহর ছেড়ে, সবাইকে ছেড়ে, আমাদের ছেড়ে ।

শঙ্কর ॥ সে সব পুরণো কথা মনে পড়ছে ?

মণিকা ॥ পড়েছ, ঠিক যেন স্বপ্নের মত, ছবি মত ।

শঙ্কর ॥ স্বপ্নটা সত্য না হয়ে উঠলে তা সুন্দর থাকে না—আঘাতে,
বেদনায় হয়ে উঠে কুৎসিত । ছবিকে স্পষ্ট না রাখতে পারলে,
জ্ঞান হয়ে যায় অবহেলায় ।

প্রথমে ইস্তাহার ও পরে পুস্তিকা নিয়া

এই আমাদের ছবি ও স্বপ্ন—দেশের, স্বাধীনতার । আর একে
সত্য করে তুলবার দায়িত্ব শুধু পুরুষের নয়, তোমাদেরও ।

শঙ্কর উঠিয়া দাঁড়াইল

মণিকা ॥ এরই মধ্যে উঠবে ?

শঙ্কর ॥ হ্যাঁ. এগুলো রেখে যাচ্ছি,

শঙ্করের হাত হইতে প্রচারপত্রগুলি গ্রহণ করিল

মণিকা ॥ রিভলবার ছেড়ে কলম ধরেছ ?

শঙ্কর ॥ মতটা বদলে গেল কি না—তাই পথটা ও ছাড়তে হলো ।

শঙ্করের প্রস্থান । প্রায় সঙ্গে সঙ্গেই অশোকের প্রবেশ:

অত্যন্ত ত্রস্ত ভঙ্গী. হাতে একটা বাণ্ডুল, হাক্‌সার্ট গায়ে ।

মণিকা ॥ ছোড়না, তবু ভালো বাড়ীর কথা মনে পড়লো ।

অশোক ॥ (একটা বাণ্ডুল মণিকার প্রতি আগাইয়া) এটা ঠাকুর ঘরের
কুর্শির নীচে চুট করে রেখে আয় তো, দেখিস খুব সাবধানে, কেউ
যেন জানতে না পারে ।

মণিকা ॥ এটা কি ছোড়না ?

অশোক ॥ সে পরে বলবখ'ন । এখন আমার সময় নেই ।

মণিকা ॥ ঘোড়ায় চড়ে আসছ, ঘোড়ায় চড়ে যাচ্ছ, বাড়ীতে ক'দণ্ড
থাক তুমি শুনি ?

- অশোক ॥ তর্ক করবার সময় আমার নেই। ওটা আগে রেখে আর।
- মণিকা ॥ আজ লক্ষ্মীবার, চান করে এসেছি, ওতে কি না কি, যা তা ছুঁয়ে
আবার গা ধুতে পারব না।
- অশোক ॥ উঃ, জাত আর জেরা (অসহিষ্ণু ভঙ্গীতে) রেখে আর না চাই।
- মণিকা ॥ আগে বলো ওতে কি ?
- অশোক ॥ ওতো উকিল বারিষ্টারের মত জেরা কেন শুনি ?
- মণিকা ॥ রুজি রোজগারের সঙ্গে তোমাদের যে রকম অহিনকুল সম্বন্ধ,
শেষে আমাকেই উকিল, বারিষ্টার কি ডাক্তার, যা হোক একটা
কিছু হতে হবে।
- অশোক ॥ লেকচারটা একটু থামাত, বাণ্ডুলটা রেখে আয় দিকিন্।
- মণিকা ॥ আগে শুনি কী এমন সাতরাজার ধন গজমোতির হার ওতে লুকনো
আছে।
- অশোক ॥ হার নয়, হাতিয়ার, (গলা নামাইয়া) তার কাটার সব বস্ত্রপাতি।
- মণিকা ॥ (আতঙ্কে শিহরিত হইল) কী সাংঘাতিক, তুমি বুঝি ওদেব দলে
আছ ?
- অশোক ॥ চূপ, আশু বন্। বাবা শুনতে পেল কুরুক্ষেত্র কাণ্ড বাধাবেন।
- মণিকা ॥ এ সব ষড়যন্ত্রে জড়ানো তোমার ভালো হচ্ছে না ছোড় দা।
- অশোক ॥ এর নাম ষড়যন্ত্র ! মেয়েদের এ জন্মেই সিরিয়াম্ কিছু বলতে
নেই। ছুনিয়ার সব বড় আদর্শ বার বার মেয়েদের জন্মেই পণ্ড
হয়ে গেছে।
- মণিকা ॥ দেখনি, মার শরীর দিন দিন কি রকম শুকিয়ে যাচ্ছে—শুধু
তোমাদের কথা ভেবে। তুমি কলেজে পড়বে, পাশ করবে,
চাকরী করে মার দুঃখ ঘোচাবে...
- অশোক ॥ সারা দেশ জুড়ে আজ ছুর্ভিক্ষ, মহামারী আর প্লাবনের তাণ্ডব
নৃত্য। এমন দিনে আমি পুঁথিতে মাথা গুঁজে শুধু পাশ করে
যাব ?

মণিকা ॥ এব পবিণাম ফল কি ভেবে দেখেছ ?

অশোক ॥ এ পথে অনেক দুঃখ, অনেক লাঞ্ছনা। কিন্তু ভুলে যাচ্ছিস কেন পায়রার পালকে শুয়ে যুক্ত করা চলে না।

মণিকা ॥ তোমার যদি ভাল মন্দ একটা কিছু হয়, তার অবস্থা কি হবে ?

অশোক ॥ জানি, তার বৃকে বাজবে, দারুণ বাজবে, হয়ত এ আঘাত তিনি সহিতে পারবেন না।

মণিকা ॥ তবে কেন ওপথে পা বাড়াচ্ছ ?

অশোক ॥ তাঁর মত শত শত মায়ের বুক থেকে ছেলেকে ছিনিয়ে নিয়েছে দেশের দাবী। হাজার হাজার ছেলের আত্ম-বলিদানে গড়ে উঠেছে জাতির মুক্তি-যুদ্ধের ইতিহাস—এ সহিতে হবে, হাসিমুখে সহিতে হবে।

এমন সময় শিবধন রায়ের গলা শোমা গেল "মণি, মণি, কার গলা শুন্ছি মা। অশোক এসেছে "" অশোক ঠোঁটে আঙ্গুল দিয়া চুপ থাকিতে বলিল। তারপর পা টিপিয়া টিপিয়া নিঃশব্দে বাহির হইয়া গেল।

দ্বিতীয় দৃশ্য

রায় বাহাদুর গণপতি চৌধুরীর ড্রিং‌রুম। রায় বাহাদুর হিন্দু মহাসভাপন্থী এম. এল. এ। তাই আধুনিকতার সঙ্গে ভারতের অতীত ঐতিহ্য এবং সংস্কৃতির প্রতি মমত্ববোধের এবং শ্রদ্ধার সংমিশ্রনের ছাপ আছে গৃহ-রচনায়। শ্রীঅরবিন্দ, রামকৃষ্ণ, চৈতন্য, বৃদ্ধ প্রভৃতি ধর্ম‌নেতা এবং সমাজ সংস্কারকদের তৈলচিত্র সাজানো আছে, একদিকে পিয়ানো—অন্য ধারে বৌদ্ধ মূর্তি। পিছনে দোতালার হইতে নামিবার সিড়ির অর্ধাংশ দেখা যায়।

রায়বাহাদুর গণপতি চৌধুরী এবং সাপ্তাহিক 'আওয়াজ' সম্পাদক প্রতুল তরফদারের প্রবেশ। হিন্দু মহাসভাপন্থী গণপতি চৌধুরী এম, এল এ. কথা বলেন দৃঢ়তা‌বাপ্তক আবেগে। "অথও হিন্দুস্থান" এবং হিন্দু প্রাধান্য ও প্রতিপত্তিতে বিশ্বাস তাঁর ভবিষ্যত ভারতের রাষ্ট্রীয় স্বাধীনতার স্বপ্নে উজ্জ্বল ও উচ্চারিত। চুলগুলি শুভ্র, দীর্ঘ, ঋজুদেহ, মধ্যাদা-দীপ্ত চলন ও বলার ভঙ্গী। একহাতে দামী চুরুট অন্য হাতে দৈনিক কাগজ। প্রতুলবাবুর পরণে মোটা ধকর, পায়ে পাম্পসু, জুহর‌ব্যাণ্ড ভেস্ট পরা—খুব তুগোড় এবং প্রত্যাৎপন্নমতি, রাজ-নৈতিক মতবাদে তিনি উগ্রপন্থী, বয়স প্রায় পঁয়ত্রিশ, একটু ছন্নছাড়া। দুজনেই আলোচনা করিতে করিতে প্রবেশ করিতেছেন। মুরারী কি একটা ভিসাব দেখিতেছে, শঙ্কর জবাবের প্রত্যাশায় উদ্‌গীৰ।

গণপতি ॥ মর্গ, তারা মর্গ ! বই পড়ে যারা পলিটিক্স করতে নামে, তারা হিন্দুকেও জানে না, মুসলমানকেও না। তাই গোটা দেশটাকেই তাদের জানা হয় না।

তিনি কাগজে মনোযোগ দিলেন।

প্রতুল ॥ মর্গ সবাই প্রথমে বলেছিল সুর, তারপর র্যাডিকেল লীগ যখন কম্পাস বেব করে ইঞ্চি মাপে দেখিয়ে দিলে— ভারতের স্বাধীনতালাভ করার প্রশ্নটা এখন আর উঠছে না, প্রশ্নটা হচ্ছে কী ভাবে শ্রাশক্তাল গবর্নমেন্ট formed হবে।

গণপতি ॥ (কাগজ ছুড়িয়া ফেলিয়া দিয়া উত্তেজিতভাবে) ধাপ্পা, ধাপ্পা, লোকের চোখে ধূলো দেবার একটা নতুন কৌশল।

উত্তেজিতভাবে পর্যাচারি।

প্রতুল ॥ লোকে বলে এটা আমাদের নতুন ডিগ্বাজী কিছু যখন কম্পাস খুলে ইঞ্চি মাপে চোখে আঙুল দিয়ে দেখিয়ে দেয়া হলো থিয়োরিটা আমাদের সার্বেন্টফিকেলি কী অদ্ভুতভাবে এ্যাকুরেট।

গণপতি ॥ (অসন্তোষের দৃষ্টি নিক্ষেপ করিয়া) কি সব লম্বা লম্বা কথা বলছ, এ দিকে ক্যাবিনেটের ডিসিশনটা দেখেছ ?

প্রতুল ॥ (আশ্চর্যভাবে) ও, র্যাডিকেল লীগ সম্বন্ধে কিছু বলছেন না।

গণপতি ॥ (প্রায় স্বগতভাবে) কথা, কথা, শুধু বড় বড় কথা। এদিকে গোটা জাতটা উপোস করে মরতে বসেছে, তোমরা আছ শুধু থিয়োরী নিয়ে। (ব্যঙ্গ কর্তে) নিজের দেশের হাড়ির খবরটা জানা নেই, বৃটিশ ইম্পিরিয়ালিজম নিয়ে লম্বাচওড়া গবেষণা।

শঙ্কর কি বলিতে যাইতেছিল, রায়বাহাদুর সে সূযোগ দিলেন না, কাগজ খুলিয়া।

এই দেখ, মজুতবিরোধী অভিযান থেকে কলকাতা হাওড়াকে বাদ দিয়ে দিয়েছে। তার অর্থ কি জানো ?

হে বীর পূর্ণ কর

প্রতুল গভীর ঔৎসুক্যে খবরে চোখ দিল। রায়-
বাহাদুর বসিয়া পড়িলেন ও গভীর উত্তেজনায় চুকট
খাইতে লাগিলেন।

ওরা কি ভেবেছে বলত? বাংলাদেশে সব লোকই কি টাকার
বিকিয়ে গেছে যে, ওরা মানুষের জীবন নিয়ে খুসীমত ছিনিমিনি
খেলবে?

প্রতুল ॥ এই জন্মেই তো গবর্নমেন্ট মেসিনারীগুলো কাপ্‌চাব করা চাই।
তা কংগ্রেস ত সে কথা কানেই তুলে না।

শঙ্কর ॥ আমি চা'ল সম্পর্কেই আপনার কাছে এসেছিলাম রায়বাহাদুর।

গণপতি ॥ (শঙ্করের দিকে তাকাইয়া) বেশ, বলো।

শঙ্কর ॥ চালের অভাবে শীগ্‌রই বোধ হয় লঙরখানা বন্ধ করে দিতে হবে।
আব লঙরখানা বন্ধ মানে ...

গণপতি ॥ মারাংঅক, (মুরারীর দিকে) তোমাদের ফার্ম থেকে কত দেয়া
হয়েছে মুরাবী?

মুরারী ॥ (হিসাব বহি হইতে মুখ না তুলিয়া) আছে, দুই কিস্তিতে পাঁচশ
টাকা।

গণপতি ॥ আরো হাজার টাকার চেক পাঠিয়ে দাও।

শঙ্কর ॥ মুসকিল কি জানেন রায় বাহাদুর, নগদ টাকা আমাদের হাতে
আছে, কিন্তু চা'ল পাচ্ছি না।

গণপতি ॥ বেশত (মুরারীকে) ঐ টাকার অনুপাতে বস্তা কয়েক চা'লই
পাঠিয়ে দাও মুরারি।

মুরারী ॥ (মুখ তুলিয়া) ষ্টকের চা'লের জন্য আগাম বায়না নেয়া হয়ে
গেছে, করেন কন্ট্রাক্ট।

গণপতি ॥ তার পাঠিয়ে cancel করে দাও।

মুরারী ॥ কন্ট্রাক্টের চা'ল ঠিক সময় সাপ্লাই না দিতে পারলে হয়ত গোল বাধতে পারে ।

গণপতি ॥ সব কিছুরই Emergency measure আছে তো ।

মুরারী ॥ তা ছাড়া ফার্মের ও ড্রনাম, বাবসার ও প্রচুর ক্ষতি ।

গণপতি ॥ দেশের লোক না খেবে মরবে, আর এদিকে তুমি ফার্মের সুনাম আর বাবসার লাভের জন্য বাংলার চা'ল বাইরে পাঠাবে ? (একটু থামিয়া) বাবসাই ত করতে বসেছ, কসাইতো হওনি ।

মুরারী ॥ এ দেয়ার কি শেষ আছে বাবা ? অজগরের ক্ষুধা মেটাবার সাধ্য আমাদের নেই ।

গণপতি ॥ তবু যা পারা যায়, যতটুকু করা যায় ।

মুরারী ॥ (শঙ্করের দিকে) আপনি এখন যান । বিকেলে একবার আপিসে এসে চা'ল নিয়ে যাবেন ।

গণপতি ॥ হ্যাঁ, তাই দাও, যা লাগে তাই দাও । আমি মিনিষ্টারকে লিখে রিলিফের জন্যে কন্ট্রোল রেটে চা'ল আনিখে দিচ্ছি ।

শঙ্করের প্রস্থান

একবার এসো তো প্রতুল ও ঘরে । একটা কড়া তার পাঠাতে হবে প্রিমিয়ারকে । এসেছলী সেশানে কিন্তু ঘুণাকরেও জানায়নি যে এই ছিল তাদের আসল মতলব ।

উভয়ের প্রস্থান

মুরারী ॥ (ফোন হাতে নিয়া) 203 ম্যানেজার বাবু, চৌধুরী এও সন্দ—হ্যাঁ বাড়ী থেকে বলছি । চা'লের মণ কত পড়তা পড়েছে—তিরিশ টাকা ছ'আনা, কত রেট ফেলেছেন...তা'হলে পুরো নব্বই টাকা করেই দিন...সে আপনাকে ভাবতে হবে না । যে রেইটই দিন আমাদের কার্ম থেকেই চা'ল নিতে হবে । ঢাকার আর চা'ল মজুত

নেই।... মানে বাবা রিলিফ কমিটিকে চাল দিতে বলেন কি না তাই...ও দামটা তো আর আমরা পকেট থেকে দিতে পারিনে...
হ্যাঁ, তাঁর সঙ্গে তর্ক করে লাভ নেই... হিন্দু-মহাসভার নামে তিনি
গোটা দোকানটাই বিলিয়ে দিতে পাবেন... আমরা তো অন্নসত্র
খুলে বসিনি।

ফোন ছাড়িয়া হিসাবের খাতা সহ মুরারীর প্রস্থান।
একখানি 'মনুসংহিতা' হাতে নিয়া অপর দরজা দিয়া
প্রবেশ করিলেন রায়বাহাদুর। চিন্তার জটিল বেধা
মুখে, ইজিচেয়ারে বসিয়া চুরুট টানিতে টানিতে
সিলিংর দিকে তাকইয়া কি ভাবিতে লাগিলেন।
মাঝে মাঝে নইথানায় ও চোখ বুলাইতে লাগিলেন।
উপরের তালায় কুস্তলার গলার স্বর শোনা গেল।
১৮।১৯ বছরের তরুণী তঙ্গী যেন পল্লবিনী সঞ্চরিতা
লভেব। বুদ্ধি ও ভাবালুতার সংমিশ্রণে চেহারার জাহ্নু
আরো আকর্ষণীয়। চঞ্চল ভঙ্গী, চটুল তার
কথাবার্তা। জীবনের দীপ্তি যেন সারা অঙ্গে ফাটিয়া
পড়িতেছে। নাচের ভঙ্গীতে সে সিঁড়ি দিয়া গান গাহিয়া
গাহিয়া নামিয়া আসিল।

"লেফট রাইট, লেফট রাইট চল সেনাদল
সমর শিবিরে শোন হাঁকে বিউগিল্'
ঐ হাঁকে বিউগিল্'।"

গণপতি চৌধুরীর কাছ ঘেষিয়া

কুস্তলা ॥ তোমাকে নিয়ে আর পারা গেলো না বাবা।

গণপতি ॥ (কৌতুক মিশ্রিত হাসিতে) আবার কি হলো ?

কুস্তলা ॥ কি যে হলো না তাই ভেবে দেখো। কাল থেকে বলছি আমার

কতকগুলো অর্ডিনারী শাড়ী চাই, তা তোমরা কানই দিলে না।

গণপতি ॥ বাবু বোঝাই শাড়ীগুলোর ডিজাইন বুঝি একদিনেই পুরণো হয়ে গেছে মা!

কুম্ভলা ॥ তোমাকে যে কাঁ করে বোঝাব। একুশে জাণুয়ারী আমাদের লেনিন-ডে। ঐদিন পাটি থেকে আমরা একটা কালচারেল প্রোগ্রাম তৈরী করেছি - ওতে থাকবে গণ-সঙ্গীত, গণ-নাটিকা লালফৌজের মার্চ-সঙ্গীত এমনি সব নতুন জিনিস। সে জন্মে ড্রেস চাই ত! আমার তো সব জর্জেট আর ঢাকাই...ও সব পরে তো আর গণসঙ্গীত হয় না।

গণপতি ॥ এতক্ষণে বুঝলাম মা, রাজনীতি নিয়ে মেতেছিস।

কুম্ভলা ॥ আমি তো তোমারই মেয়ে বাবা।

(সুরে) ঐ আসে দুঃখের দস্যুর দল

ধর ধর হাতিয়ার বীর সেনাদল

চল বীর সেনাদল।

জানো বাবা, মেয়েদের আঙ পুরুষের কাঁধে কাঁধ মিলিয়ে ফ্যাশিষ্টদের বিরুদ্ধে অভিযান করতে হবে - রাশিয়ার মেয়েরা তাই করেছে, সে সবই তো তোমার জানা।

গণপতি ॥ আজকাল তোদের কলেজে মেয়েদের এসব শেখাচ্ছে বুঝি ?

কুম্ভলা ॥ (চপল ভঙ্গীতে, মৃদু অনুরোধে) তোমার ও যেমন কথা বাবা। আমি হলাম গিরে রায়বাহাদুর গণপতি চৌধুরীর মেয়ে কমরেড কুম্ভলা। আমার কি ঘরের কোণে লজিকে নিয়ে ঘাড় গুঁজে থাকা মানায় ? আচ্ছা, তুমিই বলো না বাবা ?

আদরে এলায়িত হইল।

গণপতি ॥ আমাকে আর বলবার ফুরাং দিচ্ছিস্ কই ?

কুন্তলা ॥ ফুসরৎ সতিাই নেই বাবা (বন্ধুতার ভঙ্গীতে) ঘারের পাশে
বর্ষের জাপানী দস্মা, দেশের অভ্যন্তরে বিভীষণ বাহিনীর গুপ্ত ছুরি,

হাত উঁচাইয়া সঙীন ভোলার ভঙ্গীতে

নষ্ট করবার মত ফুসরৎ আমাদের নেই ।

(আবৃত্তির সুরে) মুক্তি আহবে চলে বিশ্বমানব

ধ্বংস করিব চল ফ্যাশিষ্ট দানব

যত ফ্যাশিষ্ট দানব ।

গণপতি ॥ দেখ কুন্তলা, যাব যা মানায় না, সে যদি তা নিয়ে মাতে তবে
উদ্দেশ্য ত নিষ্ফল হয়ই, সঙ্গে সঙ্গে সে নিজেও ব্যর্থ হয়ে যায় ।
মেয়ের—মেয়ের মতই থাকা উচিত ।

কুন্তলা ॥ বাশিয়ার মেয়েদের তো তুমি দেখোনি । তাই ও কথা বলছ ।

' মেয়েরা পুরুষের পাশে না দাঁড়ালে ওরা যুক্ত করবার জোর পাবে
কোথেকে ? কে তাদের অঙ্গুপ্রাণিত করে বলবে

বন্ধন-জর্জর-ক্ষিপ্ত কুধির

উন্নত শির চল নির্ভীক বীর

চল নির্ভীক বীর ।

গণপতি ॥ রাশিয়ায় কোনদিন যাইনি কিনা, ওদের মেয়েদের দেখব কি করে
বল ?

কুন্তলা ॥ ও আর গিয়ে দেখতে হয় না বাবা, কমরেড দাশগুপ্ত নিজে
বলেছেন । মস্ত বড় মার্কসিষ্ট । একজন গুণী লোক ।

গণপতি ॥ কমরেডী গান গেয়ে আকাশ ফাটালেও বিদেশী সরকার একটুও
টলবে না মা । অমন ফাঁকা আওয়াজে ওরা ভয় পায় না ।

কুন্তলা ॥ আজো শিরে সরকারী জুলুমের রাজ

একতার হাতিয়ারে আনিব স্বরাজ

মোরা আনিব স্বরাজ ॥

কমরেড দাশগুপ্ত বলেছেন মার্কস কখনও ভুল হতে পারে না। রাশিয়ার বা হয়েছে. আমাদের দেশে তা না হবার কোন কারণই নেই।

গণপতি ॥ এটা রাশিয়ার নয়, ভারতবর্ষ। সাতাশ কোটি হিন্দুর দেশ এই দেশ, এই ভারতবর্ষ, অথচ তাদের মধ্যে সাতাশ খুঁটিনাটি নিয়ে মতভেদ। এদের সজ্জবদ্ধ করতে না পারলে তোমরা কমরেডরা সবাই মিলে চোঁচালেও দেশকে জাগাতে পারবে না মা।

কুম্ভলা ॥ এত দেরী করার সময় কোথায় বাবা? (বক্তৃতার ভঙ্গীতে) পূর্ব সীমান্তে ফ্যাশিষ্ট দস্যু, তবু তুমি আছ হিন্দুমহাসভা আর হিন্দু সংগঠন নিয়ে?

সাথে আছে সোভিয়েট বীর মহাচীন

বিশ্বের সাথে হবে ভারত স্বাধীন

হবে ভারত স্বাধীন।

পরাজয় মানিব না বল বাববার

বেওনেটে বেওনেটে তোল ঝংকার

আজ তোল ঝংকার ॥

গণপতি ॥ এদেশের আকাশে বাতাসে ভগবান বুকের মৈত্রীর বাণী, এ জাতের অস্তিমজ্জায় শঙ্করাচার্যের দর্শন, এ দেশের সমাজনীতিতে মনুর আদর্শ, এ জাতের রক্তে বিবেকানন্দের স্বপ্ন—রাশিয়ার দোহাই দিলেই এ দেশের ঐতিহ্য, সংস্কৃতি, একদিনে মিথ্যা হয়ে যেতে পারে না কুম্ভলা। বিদেশী চারা এদেশে শুধু রসের অভাবেই শুকিয়ে মরবে।

কুম্ভলা ॥ এদেশ আর ওদেশ কি বাবা, সব দেশই এক দেশ—মানুষের দেশ। ফ্যাশিষ্ট আক্রমণের বিরুদ্ধে সেই দেশকে বাঁচাবার জন্তেই তো আমার কমরেডরা হাতিয়ার হাতে নিয়ে রুখে দাঁড়িয়েছি—এই যুদ্ধ অক্ষমতার বিরুদ্ধে মিত্রশক্তির যুদ্ধ। তার মানে ফ্যাশিষ্টদের

ছে বীর পূর্ণ কর

বিরুদ্ধে রাশিয়ার যুদ্ধ আর রাশিয়ার যুদ্ধ মানেই জনযুদ্ধ। আর
আমরা হচ্ছি সব ইন্টারন্যাশনাল ফ্রিডম-ফাইটারস্।

(সুরে) লেফট রাইট লেফট রাইট চল সেনাদল
সমব শিবিরে শোন হাকে বিউগিল
ঐ হাঁকে বিউগিল।

গণপতি ॥ (উঠিয়া দাঁড়াইলেন) আমাকে আবার statement প্রেসে পাঠাতে
হবে। (গমনোত্তত) দেখিস্ বেশি বাড়াবাড়ি করলে সোজা
নাম কেটে কলেজ থেকে বের করে দেবে।

গণপতির গমন-পথের দিকে তাকাইয়া

কুম্বলা ॥ কা'ব বয়ে যাচ্ছে কলকাতায় ফিরে যেতে — কমরেড দাশগুপ্ত বলেন
আমাদের সব চেয়ে বড় কর্তব্য হচ্ছে দেশকে রক্ষা করা, দেশ
বাঁচলে তবে তো তোমার কলেজ আর কাউন্সিল।

গণপতি ॥ (পেছন ফিবিয়া হাসিলেন) তুই একটু ও বদলাস্নি...তেমনি
ছোটাই আছিস।

প্রস্থান। কুম্বলা পিয়ানোর কাছে গিয়া সুর তুলিল

ইনক্রাঙ্ক জিন্দাবাদ
পতিত জমি কর আবাদ
ভুলো যত বাদ বিবাদ
মিলাও সবে কাঁখে কাঁখে
কাহারে ডরাই।

একটু পরেই প্রবেশ করিল সূজাতা। ছিপছিপে
গড়ন, শ্রামবর্ণ, তীক্ষ্ণ বুদ্ধির দীপ্তি সারা
চেহায়ায়। খুবই সাধাসিধে পোষাক তপস্বিনীর
সংযম বসনে ভূষণে—ধন্দরের শাড়ী ও ব্লাউজ—ধীর
স্থির। চেহারায় দীপ্ত আদর্শানুরাগের ছাপ। ক্রান্ত
পথে ঘরে ঢুকিয়া সোকার শ্রান্ত শরীর এলাইয়া
দিল।

কুম্ভলা ॥ এতক্ষণে এলি পোড়ারমুখী।

সুজাতা ॥ তো'র মত অথও অবসর ত আমাদের নেই। বালাবাল্লা সে'রে,
ঘরের পাঁচটা ফুটফরমাস কবে তবে ত বেকতে হয়।

কুম্ভলা ॥ আর সাফাই গাইতে হবে না। তো'র জন্মে সতিা দুঃখ হয়।

সুজাতা ॥ গরীবের কপালে পথ চলতে ঘাসের ফুল ফুটেনা ভাই।

কুম্ভলা ॥ মান দেখাতে হবে না কুম্ভনন্দিনীর।

প্রচারপত্র হাতে দিয়া।

তো'র জন্মে বেখে গেছে।

সুজাতা প্রচার পত্রে মনোনিবেশ করিল।

আমি কিন্তু তো'ব মত অমন অহলার তপস্যা করতে পারতাম না
সুজি।

সুজাতা ॥ দু'ভাগী আমারই, অমন রূপ ও নেই, অমন নামী বাবার মেয়ে ও
আমি নই।

কুম্ভলা ॥ তুই বলতে চাস... শুধু রূপ, আর বাবার নামেই ও আমাকে
ভালোবাসে ?

সুজাতা ॥ মাপ কর ভাই। তো'র ঐ ভালবাসাবাসির কথা আমি ঠিক ঠা'ই
করে উঠতে পারি না। তার চেয়ে যা...এক প্লেট খাবার নিয়ে
আয়।

কুম্ভলা ॥ তুই মিছে ভাবছিস। কাঞ্চনমালা কিন্তু কুণালকে ঠিকই পেয়েছিল।

সুজাতা ॥ অর্থাৎ ঢেকৌকে স্বর্গে গেলেও ধান ভাঙতে হবে। এই ত ?
কিন্তু স্বামী নিয়ে সুখে বরকলা করাই কি মেয়েদের জীবনে চরম
কামনা ? রান্না আর বাসরঘর ছেড়ে এ পরাধীন দেশের মেয়েরা
কি কোন দিন মানুষ হবে না।

কুম্ভলা ॥ রান্না আর বাসরঘর ছাড়লে ত মেয়েদের বেকার বসে থাকতে
হয়।

সুজাতা ॥ চরেছে। এবার চটপট চা আর খাবার নিরে আর। সারা দিন
বুরেছি। তুই হ'লে সিমলা কি মুসৌরী বাবার জন্তে বারনা
ধরতিস্।

কুন্তলা ॥ অত খাটলে কি আর কাজ হয়। শুধু কাজের নামে নিজকে
জাহির করাই সারা হয়।

(আবৃত্তির সুরে)

কুন্তলা ॥ এ বরণ গান নাহি পেলে মান
মরিবে লাঞ্জে
ওগো প্রিয়তম, দেহে মনে মম
ছন্দ বাজে।

কুন্তলার ঠোঁটে রহস্য-মধুর হাসি। তাতার আকাশে
অকুরাগের রঙ ধরিয়াছে। সে স্পন্দিত হইল সুরে ও
স্বপ্নে, লীলায়িত দেহ-ভঙ্গীতে।

সুজাতা ॥ একেবারে অর্থে জলে হাবুডুবু খাচ্ছি। দেখিস্ জোয়ারের
জলে নিরপেক্ষ হয়ে ভেসে যাসনে।

কুন্তলা ॥ (সুরে) যৌবন সরসী নীরে...

সুজাতা ॥ আমার কিন্তু বড্ড ক্ষিধে পেরেছে।

কুন্তলা ॥ আমার গান গাইতে ইচ্ছে কবছে।

সুজাতা ॥ খালি পেটে গান? কুইনাইন গেলাও এর চেয়ে ঢের সহজ।

কুন্তলা ॥ তুই যখন না খেয়ে গান শুনবিনে আর আমিও যখন তোকে
গান না শুনিয়ে ছাড়ব না, তখন "সন্ধি হোক হ'জনে
নির্জনে।"

আকাশ আমার রঙিন হলো ফুলের আমন্ত্রণে
ঐ পলাশ শিখার শাখায় শাখায়
রঙের পরশ বনে বনে ।
দখিন হাওয়ায় কী কথা কয়,
উত্তল হলো সারা জদয়,
বৃষ্টি, তার আসার সময়
হয়েছে এই লগনে ।

বেয়ারা চাও খাবার দিয়া গেল । কুস্তলা তাহাকে
খাবার দিতে মানা করিল । সূজাতা খাবার তুলিয়া
নিল ।

মৌমাছিদের পাখায় পাখায়,
সেই বারতা পত্রলেখায়,
সেই পথিকের পথ চেয়ে হায়
রচি মায়া মনে মনে ॥

কুস্তলা গান-শেষে সূজাতার গাল টিপিয়া দিল।

সূজাতা ॥ কী দস্যি মেয়েবে বাবা !

ভটোপুটিতে সূজাতার গোপা এলাইয়া পড়িল।

যতনিকা

তৃতীয় দৃশ্য

মণিকার ষ্টাভি । অতি সাধারণভাবে সাজানো ।
হীরালাল একটি টেবিলের উপর পা তুলিয়া চুরুট
ফুকিতেছে । মণিকা টেবিলের পাশে দাঁড়াইয়া,
চোখে মূগে তার অনুরোধের চিহ্ন পরিক্ষুট ।

মণিকা ॥ এই উপহার পাঠানো, রুমাল তৈবীর বায়না, এ সবে মানে কি
পন্ট, দা ?

হীরালাল ॥ মানে ? (অর্ধপূর্ণ হাসিতে) সব কিছুরই একটা স্পষ্ট মানে
থাকে নাকি ? (একটু থামিয়া) মৌমাছি যখন এসে
ফুলের উপর উড়ে বসে, তখন কেউ প্রশ্ন কবে না, ওটা কেন
এলো ?

মণিকা ॥ একরাশি উপহার পাঠিয়ে দিলেই মেয়েদের মন জয় করা যায়, এ
থেয়াল আপনার মাথায় কে ঢুকিয়ে দিলে বলুন ত ?

হীরালাল ॥ থেয়ালই বলা, আর নেশাই বলা, তোমার হাতে ছোটো খুচরো
জিনিষ তুলে দিতে না পারলে, তোমার পন্ট, দা তো শাস্তি পায়না
মণি ।

মণিকা ॥ কন্ট্রাক্টারদের টাকা শস্তা জানি, কিন্তু তা কি এতই শস্তা-বে
খোলাম-কুচির মত যেমন খুসী ছড়িয়ে দিতে হবে ?

হীরালাল ॥ তুমি শুধু টাকাটাই দেখলে, দেখলে না তার পেছনের মন...

মণিকা ॥ জিনিষগুলো নিরে আপনি চলে যান ।

হীরালাল ॥ তুমি, তুমি জিনিষগুলো ফিরিয়ে দিচ্ছ ?

মণিকা ॥ আপনি মিছে রাগ করছেন। এ নিয়ে পাড়া শুকোটি টি। আপনি শুধু এগুলো ফিরিয়ে নিন, আমি অনুরোধ করছি...

হীরালাল ॥ তোমাদের অভাবের সংসার, ঝাঁকের মাথায় পরিবারের সর্বনাশ ডেকে এনো না মণিকা।

মণিকা ॥ আমাদের অভাব আমাদেরই থাক...করণার দানে সে লজ্জাকে আর বাড়াবেন না পণ্টু দা।

হীরালাল ॥ সে কী বলছ? তুমি হ'লে গিয়ে হিরণগড়ের রাজা শিবধন রাঘের মেয়ে শ্রীমতী মণিকা দেবী। তোমার মুখে অতি-বিনয়টা নেহাতই বেমানান শোনায় ডালিং...

ক্রুর পরিহাসে তাহার ভবাতার মুখোস সম্পূর্ণ খসিয়া পড়িল।

মণিকা ॥ ছোড়া বাড়ীতে থাকলে...

হীরালাল ॥ ও থাকলেও বিশেষ কিছু লাভ হতো না। এক শ্রীমান্ত ত ফিল্ম ফিল্ম করেই বেহাশ হয়ে আছেন। আর একজন দেশোদ্ধারে বেরিয়েছেন হাতিয়ার হাতে নিয়ে... তা 'বডি এও সোলকে টুগেলার' রাখতে হলে কিঞ্চিৎ 'সলিড সাবস্টেন্স' পেটে দিতে হবে ত? সেটি তো আর দেশের লোক 'ফ্রি অব কস্ট' জোগাচ্ছে না ডালিং...

মণিকা ॥ আপনি সীমা ছাড়িয়ে যাচ্ছেন হীরালালবাবু...

হীরালাল ॥ দাদা থেকে একেবারে বাবু—সাহারা থেকে সাইবেরিয়ার জাম্প! কিন্তু দাদাই তো সব চেয়ে নিরাপদ। আধুনিক যুগের দাদারাই তো তোমাদের Knight Errants.

মণিকা ॥ আপনি যদি একুনি চলে না যান...

হীরালাল ॥ যাচ্ছি, যাচ্ছি। তোমার মত না পেলে আমি তো এখানে পাকাপাকি আসর পাততে পারব না। উপহারগুলো রইলো ডিয়ারি (আবেগে)। আর খোলা রইলো আমার মনের দরজা

হে বীর পূর্ণ কর

তোমার অন্তে—চিরদিনের অন্তে । Good night, Miss Roy.

কুটিল ভঙ্গীতে প্রশ্ন। মণিকা মিনিট করেক রক্ত
বেদনার কাঁপিতে লাগিল, একটু পরে শঙ্করের প্রবেশ

শঙ্কর ॥ প্যাম্পলেটগুলো লেখা শেষ হয়েছে ?

মণিকা ॥ (খানিকক্ষণ পরে) আমার প্রতি বিশ্বাস হারাবার কোন কারণ
ঘটেছে ?

শঙ্কর ॥ সোনা সব সময় সোনাই থাকে। সে ধুলায়ই লুটাক আর ছাইতেই
টাকা পড়ুক, কিছুই তাকে মলিন করে দিতে পারে না।

মণিকা ॥ রাজনীতির হুজুগটা কী না ছাড়লেই নয় শঙ্কর দা ?

শঙ্কর ॥ হঠাৎ এই অনুযোগ ?

মণিকার ॥ অনুযোগ নয়, অনুরোধ। যে অসুখ থেকে তুমি উঠেছ...

শঙ্কর ॥ (বাধা দিয়া) এই যে শহরের লোক একশ' টাকা মণ দরে ও
চাঁল পাচ্ছে না—এর অন্তে যে আন্দোলন. এর নামও কি হুজুগ ?

মণিকা ॥ ওসব রাজনীতির জটিল সমস্যা। মেয়েদের ওসবে না থাকাই
ভালো।

শঙ্কর ॥ আমাদের সংগ্রাম মানুষের মুক্তির সংগ্রাম। মেয়েদের ত দূরে
সরে দাঁড়ালে চলবে না মণিকা।

মণিকা ॥ পুরুষকে চিরদিন বীরের বেশে জয়টিকা পরিয়ে যুদ্ধক্ষেত্রে
পাঠিয়েছে নারী, আজ হঠাৎ কেন এই ব্যতিক্রম !

শঙ্কর ॥ কারণ আজ সে যুদ্ধক্ষেত্র ছাড়িয়ে পড়েছে সারা দেশের ঘরে ঘরে ?
দেশের মুক্তি আনবে পুরুষ, আর মেয়েরা তার অর্ধেক হাত
বাড়িয়ে ভাড়ারে তুলবে, সে শুধু হাশ্বকর করনা।

উঠিয়া দাঁড়াইল

একটা শতাব্দীর পরাধীনতা আর মানির পুঞ্জীভূত পাপ ভেদ করে
জাতির জীবন-আকাশে আগবে—স্বাধীনতার নতুন সূর্য, সে
তপস্বী শুধু পুরুষের একলার নয় মণিকা। কম্যুনিষ্ট পার্টি নারী

পুরুষের সে যুক্তিকেই এগিয়ে আনতে চায়। (একটু থানিয়া)
প্যান্পলেটগুলো দাও।

মণিকার হাত হঠাতে প্রচারপত্র নিয়া শঙ্করের প্রস্থান।

একটু পরে বিজন 'মা' 'মা' বলিয়া প্রবেশ করিল।

বিজন ॥ এই মণি, মা কোথায় রে ?

মণিকা ॥ বাবার ওষুধ তৈরী করছেন।

বিজন ॥ তোর ত দেখছি অবসর। পল্টু তোকে ছ'থানা রুমাল তৈরী
করতে দেখনি ? শেষ হয়েছে ?

মণিকা ॥ (প্রচারপত্র তুলিতে তুলিতে) বাজে কাজে নষ্ট করবার মত যথেষ্ট
সময় আমার নেই দাদা ॥

বিজন ॥ ও ; ভারী আমার কাজের মেয়েরে ! কাজের মধ্যে ড্রয়িংরুমে বসে
ফপরদালালি করা। ভালো হবেনা বলছি, আমার বন্ধুর
অপমান আমি সহিব না।

মণিকা ॥ ওকে বন্ধু বলতে তোমার লজ্জা করা উচিত।

বিজন ॥ লজ্জা ত মেয়েদের ভূষণ, ও মেয়েদেরই মানায়।

মণিকা ॥ কিন্তু সে লজ্জাটুকুও তুমি কেড়ে নিতে চাচ্ছ। (ঘৃণা ও অন্তর্দাহে)
কিসে মেয়েদের ইজ্জত নষ্ট হয়. সে টুকু বোঝবার মত জ্ঞানও তোমার
অবশিষ্ট নেই।

দ্রুত প্রস্থান

বিজন ॥ থাক, আর লেকচার ঝাড়াতে হবেনা (চোঁগাইয়া) মা, মা।

ওষুধের খল হাতে সুকুমারীর প্রবেশ।

সুকুমারী ॥ (স্নিগ্ধকণ্ঠে) গুঁর পেটের ব্যথা আবার বেড়েছে বিজু।

বিজন ॥ (তাচ্ছিল্যে) ও ত chronic pain (হঠাৎ যেন ককরী কথা
মনে পড়িল) তোমাকে যা বলতে এসেছি। চোখের সামনে টাকা
ছড়িয়ে দিলেও যদি কুড়াতে না পার তবে কে কী করতে পারে বলো ?
এই আমাদের পল্টু ! পল্টু কীসে মণির অযোগ্য গুনি ?

সুকুমারী ॥ (দ্বিধায়) ওরা যে বংশে আমাদের চেয়ে অনেক নীচুৱে । উনিই
রাজী হবেনা । তা ছাড়া.....

বিজন ॥ (বাধা দিয়া) বংশ! বংশের লেজুড় ধরে কি স্বর্গ প্রাপ্তি ঘটবে
নাকি ? জানো ত মা, অতি দর্পে হত লক্ষা ।

সুকুমারী ॥ ওর স্বভাব চরিত্রও নাকি সুবিধের নয় বিজু ।

বিজন ॥ এই বুঝি আর একটা নতুন বায়না ধরলে ? বংশ, স্বভাব, চরিত্র...
(মাথায় ছ'হাত দিয়া) উঃ ! তোমার ফরমাস মত অমন কাণ্ডিক
ঠাকুর ত্রিভুবন খুঁজলেও পাওয়া যাবে না মা । (গলা বাঁকাইয়া)
পন্টুকে বুঝি তোমার গরবিনী মেয়ের পছন্দ হলো না ?

সুকুমারী ॥ তাই বলে বা'র তা'র গলায় ত জুড়ে দেওয়া যায় না ।

বিজন ॥ জানো ! পন্টু কন্ট্রাকটে কত টাকা পেয়েছে ? ইচ্ছে করলে
সে সারা হিরণ্যগড় কিনে নিতে পারে ।

সুকুমারী ॥ টাকা আজ আছে, কাল নেই । আজ নেই, কাল হবে । সে
জন্মেই ত মেয়ের বিয়েতে সৎ পাত্র খুঁজতে হয় ।

বিজন ॥ তোমার ডুডু ও খাব তামাক ও খাব, ও একসঙ্গে চলবে না
মা । মেয়ের বিয়ে হবে পুরুষের সঙ্গে—সে পুরুষে হ'লেই হ'লো,
তার আবার বংশ চাই, স্বভাব ভালো থাকা চাই । আর কী
কী চাই বলা, বলা না...

সুকুমারী ছেলের রাগে হাসিতে লাগিলেন ।

সুকুমারী ॥ ওকে ওষুধ খাওয়ানোর সময় হলো । তুই চা খেয়ে একবার ও ঘরে
যাস্ মত । মকরধ্বজ আনতে হবে ।

প্রহান । উল নিবার জন্য মণিকার প্রবেশ ।

বিজন ॥ (উল নিয়া চলিয়া বাইতেছিল) । শোনু ত । তোর কেমন লাগে ?

এই প্রথম মেইল পাঠে নামছি কিনা

“সীতা, প্রাণেশ্বরী

জীবন-সর্বস্ব মোর,

কেমনে কঠিন্য হলে !

চির পরিচিত পুরাতন প্রেম

কেমনে হঠলে বিস্মরণ ?

মণিকাকে “সীতা” কল্পনা করিয়া তার দিকে অনুরাগ

ভঙ্গীতে আগাইয়া গেল। মণিকা নির্বাক বিরক্তিতে

উল হাতে নিয়া দাঁড়াইয়া রহিল।

ভিটরিয়াম্ থেকে গলা শুনতে পাবেত ? ভয়েসটা ঠিকমত

“থো” করতে পারছি কিনা লক্ষ্য করিস্।

‘নির্মম নিয়তি !

জীবনের পরিপূর্ণ সুখ

দেখাইয়া বিজলি ঝলকে

আবার কাড়িয়া নিবি ?

মণিকাও বিজনের অজ্ঞাতসারে পিছন দিকে

হটুওয়াটার ব্যাগ পেটে চাপিয়া লাঠি ভর দিয়া

শিবধন রায় আসিয়া দাঁড়াইলেন।

‘তোমার চেষ্টা বিফল করিব।

য়ে লক্ষণ,

আন আন মোর শর-শরাসন,

সপ্তসিকু মধিত করিয়া,

জানকীরে ফিরায়ে আনিব !

‘সীতা, সীতা, সীতা’ !

কেমন লাগছে বলত ?

শিবধন ॥ চমৎকার । তুমি এত ভালো পার্ট করতে পারো তা'ত জানতাম না।

বিজন ॥ (চমকিয়া উঠিল, মণিকা সঙ্কুচিত হইল । ব্যস্ত সুরে)

এই, মা কী বলছিলেন ?

শিবধন ॥ দয়া করে বসুন ! রিহার্সেলের পর এক কাপ চা খান । এত পরিশ্রম করেছেন—এরপর মা'র খবর নেবার সময় কোথায় ? যা ত মা মণিকা, বাছার জন্তে কড়া এক কাপ চা নিয়ে আয় ত, গলা বোধ হয় শুকিয়ে গেছে ।

বিজন ॥ (মণিকাকে) তা, তা চা'ল আর মকরধ্বজ আনতে হবে মণি, মা'র কাছ থেকে টাকাটা চেয়ে নিয়ে আয় ত ।

শিবধন ॥ সে কী ! পয়সার অভাবে ঠাকুর চাকর নেই বলে তুমি কষ্ট করে বুড়ো বাপের জন্তে ওষুধ আনতে যাবে ? মডার্ন যুগের ছেলে তোমার । তোমরা মা বোন—ওরা আছে কি করতে ? রান্না নান্না সেরেও ওরা যথেষ্ট সময় পাবে বাজারে যাবার—তোমার থিয়েটারের ক্ষতি করে, বাজারে গেলে পোষাবে কেন ?

মণিকার প্রস্থান । বিজন মাথা ঠেট করিয়া করিল । খল হাতে নিয়ে স্কুমারীর প্রবেশ ।

স্কুমারী ॥ (শিবধন রায়কে) পেটের বাথা নিয়ে আবার তুমি উঠে এসেছ ? উত্তেজনা পেলেই যে বাড়বে ।

শিবধন ॥ তোমার গুণধর ছেলের তা'তে কী আসে যার বড়বৌ । থিয়েটারে নাম কিনলেই ত আমাদের পেট ভরবে ! (অসু-শোচনার হাসিতে) আমারই ছেলে ত ? তুমি রত্নগর্ভা বড়বৌ, যেমন বড় রায়, তেমনি ছোট রায় !

স্কুমারী ॥ (অস্বস্তিতে) তুমি শুবে এসো—বেশী কথা কইলে তোমার শরীর খারাপ হয় তা জেনেও.....

শিবধন ॥ (গভীর দুঃখ সুরে ফুটিয়া উঠিল) বুড়ো বাপ মরেন কী বাচেন
সে খবরে তোমার ছেলেরা ঊকি দিয়েও দেখছে না। তুমি
কেন শুধু শুধু প্রাণটা পাত করছ বল ত। এবার ভালোর ভালোর
আমায় হুঁচোখ বুঁজতে দাও বড় বৌ।

সুকুমারী ॥ ছিঃ, ওকথা বলতে নেই। ভরসক্যে বেলা অমন অনাচ্ছিরি
কথা মুখে আনতে নেই।

শিবধন ॥ (অকস্মাৎ ক্রোধে জলিয়া উঠিলেন, বিজনকে) বেরিয়ে যাও,
বেরিয়ে যাও আমার বাড়ী থেকে।

শিবধন রায় পেটের ব্যথায় কাতর হইলেন। হট
প্র্যাটার ব্যাগটা পেটে চাপিয়া ধরিলেন। যবনিকা
নামিতে লাগিল।

দ্বিতীয় অঙ্ক

প্রথম দৃশ্য

রায়বাহাদুরের ড্রয়িংরুম। মৃত্যুঞ্জয় আগ্রহভরে
মুরারীর কথাগুলি শুনতেছিলেন। মুরারী ফাইল
নিয়া ব্যস্ত।

মৃত্যুঞ্জয় ॥ (খুসী-মিশ্রিত উৎসুক্যে) চালের দামটা বুঝি খুব বাড়ছে ?
কি পর্যন্ত উঠবে মুরারী ?

মুরারী ॥ আর দু'টো মাস, শুধু দু'টো মাস যদি মজুত মাল নিয়ে টানাটানি
না করে, তবে দেখে নিও ঘোষাল কাকা (স্বপ্নে যেন সে প্রাচুর্য্যে
ছবি ভাসিয়া উঠিল) চালের বাজারটা বিলকূল পাগলা হয়ে
গেছে—ঘণ্টায় ঘণ্টায় দর বাড়ছে, শুধু কোনের কাছে বসে হাজার
হাজার টাকা ধরে আসছে।

মৃত্যুঞ্জয় ॥ (গভীর স্বস্তি ও উল্লাসে) এখন সবই তাঁর ইচ্ছা, সবই তাঁর
ইচ্ছা। ডাইনে বায়ে যা কিছু সম্বল ছিল সব খুটিয়ে তোমাকে ভরসা
করে দিয়েছি বাবাজী।

মুরারী ॥ কিচ্ছু ভেবো না কাকা, শতকরা কুড়িটাকা সুদে, টাকার সংখ্যা
দ্বিগুণ লিখিয়ে ও এ জীবনে যা জমাতে পারোনি, এই মুরারী
চৌধুরীই তার দশগুণ তোমার হাতে তুলে দেবে।

মৃত্যুঞ্জয় ॥ (উর্দ্ধে তাকাইয়া) আমি যে তাঁর উপর সব ভার দিয়ে বসে আছি
বাবাজী। তিনি যদি রাখতে চান থাকন, ডুবাতে চান ডুবব।

মুরারী ॥ শুধু তাঁর ভরসায় বসে থাকা চলবে না কাকা। এ'মাসের মধ্যেই
এ অঞ্চলের সব ধান আগাম টাকা দিয়ে আটকে রাখতে হবে।

তুমি ত ভাবতেই পারছ না ঘোষাল কাঁকা, এবার যে জমিতে
সত্য সত্যিই সোনা ফলবে।

মৃত্যুঞ্জয় ॥ বেচা কেনা তাহলে ঠিকই চলবে? কী বলো মুরারী?

মুরারী ॥ আলবৎ চলবে।

অপর দরজা দিয়ে শঙ্করের প্রবেশ।

শঙ্কর ॥ নমস্কার মুরারীবাবু। (ঘোষালের দিকে) প্রণাম ঘোষাল কাঁকা,
(মুরারীর দিকে) আপনাকে বিরক্ত করতে এলাম মুরারী বাবু।

মুরারী ॥ (গভীর আপ্যয়নে) বিরক্ত আর কি! (মৃত্যুঞ্জয়ের দিকে)
ব্যবসা করা মানেই দশজনকে মন জুগিয়ে চলা। কী বল কাঁকা।

মৃত্যুঞ্জয় ॥ বিলক্ষণ, বিলক্ষণ।

শঙ্কর ॥ এলাম এই রিলিফের ব্যাপার নিয়ে। দেখতেই ত পাচ্ছেন, দিনের
পর দিন অবস্থা কী রকম খারাপের দিকে যাচ্ছে।

মুরারী ॥ (মুখে বিরক্তির চিহ্ন ফুটনা উঠিল) কেন? হু' কিস্তিতে
আমাদের ডোনেশন দেড হাজার টাকার চেক ত আমরা পাঠিয়ে
দিয়েছি।

শঙ্কর ॥ কিন্তু টাকা দিয়েও যে চোরা বাজারেও মাল পাওয়া যাচ্ছে না।

মুরারী ॥ আমাদের কি করতে বলেন?

শঙ্কর ॥ শহরের সব চেয়ে বড় ধনী আপনারা; বলতে গেলে এ অঞ্চলের সব
চালই আপনাদেরই গুদামে।

মুরারী ॥ (বাঁকা গলায়) তারপর?

শঙ্কর ॥ হুঁয়ার মধ্যে চাল না পেলে হু'হুটো লঙরখানা বন্ধ হয়ে যাবে।
আপনাদের দিকে তাকিয়ে আছে সারা শহরের লোক।

মুরারী ॥ আপনি ভুলে যাচ্ছেন, আমরা ব্যবসা করতে বসেছি, দানসত্র
খুলে বসিনি।

শঙ্কর ॥ অবস্থা এভাবে চলতে থাকলে শুধু মণ্ড খেয়ে যারা কোন রকমে
টিকে ছিল, তাদের মৃতদেহেই সারা শহরের বুক ভরে উঠবে।

মুরারী ॥ দেখুন, মানুষ, মার্কস, লালনিশান, ও সব বড় বড় বুলি মাঠে গিয়ে
আঙড়াবেন। আমরা বাবসা করতে নেমেছি। কমরেডদের মত
লালঝাঙা হাতে নিয়ে টো টো করে বেড়ালে আমাদের চলে না।

শঙ্কর ॥ কিন্তু সারা শহরের লোক চালের অভাবে উপোস করে মরবে, আর
হাজার হাজার বস্তা চাল এমনি পড়ে থাকবে আপনার গুদামে ?

মুরারী হিসাবের খাতায় মনোযোগ দিল

মৃত্যুঞ্জয় ॥ চেতাবনীর কথা অক্ষরে অক্ষরে ফলে যাচ্ছে বাবাজী, কলির শেষ
কিনা।

নাকে নশ্র দিলেন

শঙ্কর ॥ এই সাত্বনা নিয়ে আমরা সব হাত পা গুটিয়ে বসে থাকব ঘোষাল
কাকা ?

মৃত্যুঞ্জয় ॥ পাপ স্বয়ং বাপকেও ছেড়ে কথা কয় না। স্বয়ং ধর্মরাজ যুধিষ্ঠিরকেও
নরক দর্শন করতে হয়েছিল।

শঙ্কর ॥ লোকে টাকা দিয়েও চাল কিনতে পাচ্ছে না। দেশ জুড়ে হাহাকার
উঠেছে—পথে ঘাটে টাকার ছড়াছড়ি, নেই শুধু মানুষের সব চেয়ে
যা বড় প্রয়োজন—সেই চাল। দুর্ভিক্ষ আর পাপ পুণ্য বিচার
করছে না ঘোষাল কাকা।

মৃত্যুঞ্জয় ॥ কর্মচক্র থেকে কারো রেহাই নেই শঙ্করবাবাজী। সবই
লীলাময়ের লীলা !

শঙ্কর ॥ ফুট পথে, অলিতে, গলিতে কুকুর বেড়ালের মত লোক মরছে, তবু
বলতে চান আপনার ভগবান বেঁচে আছেন ?

মৃত্যুঞ্জয় ॥ শাস্ত্র কখনো মিথ্যে হতে পারে না বাবাজী।

শঙ্কর ॥ কিন্তু ব্যবসায়ী, জোতদার, জমিদার, হিন্দু মুসলমান সবাই মিলে
যদি চেষ্টা করি, তবে ভগবানের সাহায্য ছাড়াই যে দুর্ভিক্ষের
ভূতকে দেশ থেকে চিরদিনের জন্যে তাড়িয়ে দিতে পারি ঘোষাল
কাকা।

মৃত্যুঞ্জয় ॥ ভুল বাবাজী, ভুল। তাঁর ইচ্ছা তিনি পূর্ণ করছেন, মানুষ ত নিমিত্ত মাত্র।

শঙ্কর ॥ এতবড় তত্ত্বজ্ঞান লাভ করলে তেজারতির কারবার ছেড়ে চাঁলের বাজারে জুয়া খেলতে আসতেন না কাকা।

মৃত্যুঞ্জয় ॥ (ক্রুদ্ধ স্বরে) জুয়া খেলছি মানে ? (কটমটভাবে) কমরেডী ভেক নিয়েছ কি না, তাই কথা কইতে ব্রাহ্মণশৃঙ্গে ভেদাভেদ নেই।

শঙ্কর ॥ চটেন কেন কাকা। তেজারতি কারবার করে গ্রামের লোকের জোত জমি সব আত্মসাৎ করে বসে আছেন, এবার আগাম ধান কিনে চাচ্ছেন তাদের মুখের গ্রাস কেড়ে নিতে... মতলবটা মন্দ আঁটেননি কাকা।

মৃত্যুঞ্জয় ॥ (দাঁড়াইয়া) শুনলে মুরারী, শুনলে তোমার সামনে যা নয় তা বলে গাল দিচ্ছে।

মুখ ভ্যাংচাইয়া, শরীর দোলাইয়া

দেশশুদ্ধো ছেলে মেয়েদের জড়ো করে যে কিশোরীভক্তনের দলটি গড়েছ কমরেড বাবাজী... (কুটিল হাসিতে) ভেক নিলেই ত আর সন্ন্যাসী হওয়া যায়না।

বক্র হাসিয়া প্রস্থান। মুরারী চলিয়া গেলো। একটু পরেই গান গাহিতে গাহিতে কুস্তলার প্রবেশ।

আমি যে কথা বলিতে চাই
বহি যে বেদনা খানি,
তোমার আকাশে কভু
ভেসে যার তাঁরি বলি।
কেন এই আঁধি জল
বেদনা ছলছল,
কেন এ পরাণ কাঁদে,
পথ চেয়ে দিন গপি!

হে বীর পূর্ণ কর

ওগো, কাননে ফুটিয়া ফুল
 ঝরে যায় নিরলায়,
 আমি গাংখি কত ফুলহার
 নিলে নাকো সে মালায় ।
 বিফল বাসনা রাশি
 অংখি নীরে যায় ভাসি,
 তবু ও পরাণ তোমায়
 কেন চাহে নাহি জানি ॥

সুজাতার প্রবেশ

সুজাতা ॥ কার জন্তে এই পথ চাওয়া ? দেখিস ভাই বাশির ডাক শুনে
 অনুরাগে অঙ্গযেন অবশ না হয়ে যায় ।

কুস্তলা ॥ “আমার সোনার ধানে গিয়াছে ভরি
 “ঠাই নাই, ঠাই নাই, ছোট সে তরী ।”

কুস্তলা খুসীতে সুজাতার মাথা ঝাপটাইয়া দিল ।

সুজাতা ॥ কবিতা আর গান ছেড়ে এবার দয়া করে এগুলোর দিকে মন
 দিবে ।

প্রচার পত্র রাখিল

কুস্তলা ॥ কী ওগুলো ? পাম্পলেট ? আমার ভালো লাগছে না ।

সুজাতা ॥ এভাবে কাজে গাফিলতি করলে শঙ্কর দা কিহু ভীষণ রাগ করবেন ।

কুস্তলা ॥ সেই ভয়েই ত ইঁদূরের গর্ভ খুজছি । তোর ভক্তি থাকে, তুই খুসী
 করগে । আমার অত গরজ নেই ।

সুজাতা ॥ এর একটা দায়িত্ব আছে কুস্তলা । লোকে যাই বলুক, আমরা ত
 জানি, কম্যুনিস্ট পার্টি একটা খেয়াল মেটাবার আড্ডা নয় ।

কুস্তলা ॥ জানি গো, জানি, ওগো নব অনুরাগিনী, এত পলিটিকস্ নয়,
 পলিটিকসের ছল করে নল রাজার জন্তে দময়ন্তীর তপস্বী ।

সুজাতা ॥ তোমার মনে রঙের মাতন, তাই সারা ছুনিয়াটাকেই তুই রঙিন দেখছিস। নে, নে, বাজে কথা ছেড়ে এবার ফুড কিউতে চল যাই।

কুন্তলা ॥ যথা আশ্রয় দেবী। কিন্তু তুই যে ভাই কাঞ্চনমালার প্রতীক্ষাকে হার মানিয়ে দিলি।

সুজাতা ॥ আমার কিন্তু এসব কথা ভালো লাগছে না কুন্তলা। পাটি অফিসে মিটিং—অথচ তুই যেন গ্রাহ্যের মধোই আনছিস না।

কুন্তলা ॥ সুখের লাগিয়া পীরিতি করিহু

শ্যাম-বধূঁয়ার সনে

পরিণামে এত দুখ হবে বলে

কোন অভাগিনী জানে ॥

সুজাতা ॥ এই বুঝি শুরু হলো? (সুব বদলাইয়া) সারা দিন যদি তোমার মুখে ভালোবাসা আর প্রাণ-বিনিময়ের খৈ ফুটতে থাকে, নিজের পক্ষে খুব গৌরবের কথা ভাবিস। গোটা দেশ জুড়ে বখন অনাহার, মহামারী আর বন্ডার আক্রমণ, তখন সে দেশের মেয়েরা শুধু প্রজাপতির মতো হালকা স্বপ্নের আকাশে উড়ে বেড়াবে?

কুন্তলা ॥ কী আমার সরোজিনী নাউডুরে! কথাগুলো রেকর্ডে তুলে রাখবার মত।

সুজাতা ॥ স্বাধীনতার মন্ত্র তুই ভুলে গেছিস, তোমার কাছে তুচ্ছ হয়ে গেছে দেশ, মিথ্যে হয়ে গেছে জাতি। নইলে তুই দিব্যি আরাগমে সব কিছুর উপর ভেসে বেড়াতে পারতিস না। তোকে নেমে আসতেই হতো—সংগ্রামের আবর্তে, দেশের দুঃখবেদনার ভাগী হতে।

- কুম্ভলা ॥ Splendid । কী বলি সংগ্রামের আবর্তে.....
দাঁড়া, শাড়ীটা বদলে আসি ।
- সুজাতা ॥ তোদের ঐ শাড়ী, ব্লাউজে আর বডিসের কাল্‌চারকে আমি ঘৃণা
করি কুম্ভলা ।
- কুম্ভলা ॥ (মৃত হাসিতেছে) । তুই পারবি, শঙ্করের শ্মশান তপস্যা শুধু তুই
ভাঙতে পারবি ।
- সুজাতা ॥ ডায়োসিশানে পড়ে শুধু মডার্ন ছেলে দেখেছিম্ আর শিখেছিম্
কায়দা করে ইনিয়ে বিনিয়ে কথা বলা । কিন্তু ঐ পর্য্যন্তই ।
ভালোবাসা ছাড়াও মেয়েদের জীবনের বড় উদ্দেশ্য থাকতে পারে,
তোর মত কলেজে পড়া মেয়েরা তা ধারণাও করতে পারে না ।
কম্বানিষ্ট হওয়া তোর শুধু বিড়ম্বনা কুম্ভলা ।
- কুম্ভলা ॥ (সুরে) 'হৃদয় আমার চায় যে নিতে, কেবল নিতে নয়'...
- সুজাতা ॥ থাক তুই তোর দেয়া-নেয়া নিয়ে । আমি চল্লাম ।
- কুম্ভলা ॥ রাগ করলি ? ঠাট্টা ব্বিস্ না ।
- সুজাতা ॥ ছ'টার মিটিং —সবাই অপেক্ষা করে বসে আছে ।
- কুম্ভলা ॥ ছ'দশ মিনিটেই তোমার মিটিং রসাতলে যাচ্ছে না Miss
Punctnal (শাড়ী পরিতেছে) আচ্ছা তুই যা, আমি একটু পরে
যাচ্ছি ।

সুজাতার প্রস্থান ।

(কুম্ভলার আবৃত্তি)

নাই আমাদের কণক চাপার কুঞ্জ
বন-বীধিকার কীর্ণ বকুল পুঞ্জ ।

* * *

*

“আমরা চকিত অভাবনীর
কচিং কিরণে দীপ্ত,
হঠাৎ আলোর বলকানি লেগে
বলমল করে চিত্ত”

শঙ্করের প্রবেশ। কুম্ভলা 'অল এটেনশন্' ভঙ্গীতে
দাঁড়াইল।

শঙ্কর ॥ সুজাতা আসেনি ?

কুম্ভলা ॥ চলে গেলো।

শঙ্কর ॥ কখন ?

কুম্ভলা ॥ এই মাত্র।

শঙ্কর ॥ মিটিংএ গেলো বোধ হয়। তুমি যাচ্ছ না ?

কুম্ভলা ॥ সে জন্মেই তৈরী হচ্ছিলাম।

শঙ্কর ॥ নাচ, গানের প্রোগ্রামটা ঠিক আছে ত ?

কুম্ভলা ॥ (ঈষৎ শ্লেষে) তুমি গান লিখেছ, আমি সুর দিয়েছি, এর পর
প্রোগ্রামটা O. K. না হয়ে পাবে ?

শঙ্কর ॥ অশেষ ধন্যবাদ।

শঙ্কর পুস্তিকা ও প্রচ'রপত্র দেখিতে লাগিল।
কুম্ভলার গান

বেলা যে বহিয়া যায়

লগন বহিয়া যায়

দেবতা, আমার পাষণ দেবতা

তবু ও কিরে না চায়।

শঙ্কর ॥ (গান শেষ হইবার পূর্বে) ফুড সেন্সাসের ফাইলটা দাও ত।

কুম্ভলা গানের প্রতি শঙ্করের উপেক্ষার মর্মান্বিত
হইল

কুম্ভলা ॥ এসব আধুনিক গান বুঝি আপনার পছন্দ হয় না ?

শঙ্কর ॥ দেখো কুন্তলা, তুমি ওসব বাজে কাজে সময় নষ্ট করবে, সে আমরা চাই না। পাটি তোমার কাছ থেকে অনেক কিছু আশা করে।

কুন্তলা ॥ কিন্তু আমারও পছন্দ অপছন্দ বলে একটা জিনিষ আছে। পাটির জন্তে আমি ব্যক্তিগত মত বিসর্জন দিতে পারিনে।

শঙ্কর ॥ কম্যুনিস্ট পাটি ত তোমাদেরই পাটি। জনসাধাবণের দাবি নিয়েই তা এগিয়ে যেতে চায়।

কুন্তলা ॥ আপনার কথা শুনতে শুনতে আমি নিজেই ভুলে গেছি, কোনটা আমার কথা, আর কোনটা আপনার কথা।

শঙ্কর ॥ দেশের চরম দুদিনে তোমার মান অভিমান মানায় না কুন্তলা।

কুন্তলা ॥ নন যখন আছে তখন তার সঙ্গে হুঁচারটে উপদ্রবও থাকবে বৈ কি!

শঙ্কর ॥ থাক ওসব কথা। কালচারেল্ প্রোগ্রামটা তৈরী হচ্ছে ত?

কুন্তলা ॥ সে ত আপনাদের অ-শেষ ধন্যবাদের বিনিময়ে।

শঙ্কর হাসিয়া উঠিল

শঙ্কর ॥ যার শেষ ভালো, তার সব ভালো। আমি ফুড সেক্সাসের রিপোর্টটা নিয়ে যাচ্ছি।

সহাস্ত্রে শঙ্করের প্রস্থান। কুন্তলা খানিকক্ষণ চুপ করিয়া রহিল। মঞ্চ শালা আলোর পরিবর্তে সবুজ আলো জ্বলিয়া উঠিল। কুন্তলার মুখে বেদনার ছায়া, সে পিয়ানোতে আঙুল চালনা করিতে লাগিল। করুণ সুর ধপে ধাপে উঁচুতে উঠিতে লাগিল। তারপর চরম বিন্দুতে পৌঁছিলে কুন্তলা উপুড় হইয়া পিয়ানোর উপর ভাঙ্গিয়া পড়িল। মন্ত্র যবনিকা।

দ্বিতীয় দৃশ্য

কুস্তলার কক্ষ। খুবই কাঁচসম্মত এবং আড়ম্বরের
শোভার সম্ভিত। 'শেল্ফে' বিস্তর বই। 'রেডিও'তে
নাটক অভিনয় হইতেছিল। কক্ষটি আপাত-
দৃষ্টিতে শৃঙ্খল বহিরা মনে হয়। কিন্তু আলমিরার
পাশে ইজিচেয়ারে 'ষ্টেটসম্যান' কাগজের আড়ালে
মিঃ সিতিকণ্ঠ সিনহাকে দেখা সম্ভব নয়। জাপান
হইতে ধয়ম-শিল্পে ডিগ্রী নিয়া তিনি দেশে
ফিরিয়াছেন। বাংলা প্রায় ভুলিয়াই গিয়াছেন। ছুট
একটা বাহা অনুগ্রহ করিয়া বলেন, তাহাও
উচ্চারণের কাষদায় ছুর্বোধ্যা ও হাঙ্গর শোনার।
মাহেবী পোষাক, হাতে সব সময়ই পাইপ।

সিতিকণ্ঠ ॥ Stop, Stop.....

হীরালাল প্রবেশ করিতেছিল, মিঃ সিনহার ধমকে
খমকিয়া দাঁড়াইল। হঠাৎ কাগজ ছুড়িয়া সিতিকণ্ঠ
তাহার বাজ পাখীর মতো কর্কশ এবং তীব্র কণ্ঠে
চোঁচাইয়া উঠিলেন—'Stop, Stop'

হীরালাল ॥ You mean me ?

সিতিকণ্ঠ ॥ (হীরালালকে দেখিয়া) বেডিওটা বন্ধ করে দিন। To be
brutally frank, আপনাদের ঐ বাংলা প্রোগ্রাম, আমি
মোটাই Stand করতে পারি না। It gets on my
nerves.

হে বীর পূর্ণ কর

তিনি 'কেউ কেটা' গোছের ভঙ্গীতে জাঁকিয়া
বসিলেন

হীরালাল ॥ ফরেন্ কোনো ট্রেশন খুলো দেবো ?

সিতিকণ্ঠ ॥ রিও-ডি-জেনেরো ।

হীরালাল ॥ (বুঝিতে না পারিয়া) বেগ ইওর পারডন্ ।

সিতিকণ্ঠ ॥ (অসহিষ্ণু কণ্ঠে) Hopeless rot. ব্রেজিলের Jaz-band
broadcast শুনে নি কখনো ? এখানে কেউ কিছু বুঝতে
চায় না । An impossible country indeed ! In Japan,
you will never find such colossal ignorance.

সবেগে পাইপ টানিতে টানিতে লাগিলেন । হীরালাল
বিষয়ট ঠিক বুঝিতে না পারিয়া রেডিও বন্ধ করিয়া
দিয়া আসিল

হীরালাল ॥ (বিনীত ভাবে) জাপানে যাবার সময় করে উঠতে পারিনি শ্র ।

সিতিকণ্ঠ ॥ You ought to manage.

হীরালাল ॥ যুদ্ধের পর ভাবছি, দিন কয়েক জাপানে পারচারি করে আসবো ।

সিতিকণ্ঠ ॥ A trip to Japan is a question of a few hours only
by air.

হীরালাল ॥ আজ্ঞে না, একখানা টু'শিটারে করে বার্মারোড দিয়ে via শ্রান
একেবারে ইন্ দি হার্ট অব টোকিওতে পৌছব ।

সিতিকণ্ঠ ॥ To be brutally frank, জাপান ত বলতে গেলে ঘরের পাশে
adjacent room. যখন খুসী যাওয়া চলে ।

সিতিকণ্ঠ নির্বিষ্ট মনে পাইপ টানিতে লাগিলেন, মুচকি
হাসিয়া হীরালালের প্রস্থান । আপন হৃদয়াবেগে
উচ্ছ্বসিত হইয়া

Textile—Tex-ti-le, my joy, my dream.

পিছনে আসিয়া দাঁড়াইল শঙ্কর

শঙ্কর ॥ কুম্ভলা বাড়ীতে আছে ?

সিতিকণ্ঠ ॥ (বিরক্তিতে) your card please.

শঙ্কর ॥ (প্রশান্ত হাসিতে) ওর সঙ্গে দেখা করতে আমার কার্ডের দরকার হয় না ।

সিতিকণ্ঠ ॥ (ভুরু কুচকাইয়া) A stranger should behave like a stranger.

শঙ্কর ॥ এ বাড়ীতে আমি অপরিচিত নই ।

সিতিকণ্ঠ ॥ But that's only a nice way of begging the question.

শঙ্কর ॥ পাটির কতকগুলো জরুরী কাজেই আমি ওর কাছে এসেছি ।

সিতিকণ্ঠ ॥ What the devil you are speaking ? I should like to know your particulars.

কুম্ভলার প্রবেশ । মধুর হাস্তে

কুম্ভলা ॥ আমি পরিচয় করিয়ে দিচ্ছি

সিতিকণ্ঠকে নির্দেশ করিয়া

মিঃ সিতিকণ্ঠ সিংহ, Fresh from Japan, expert in textile & texture.

শঙ্করকে দেখাইয়া

কমরেড্ শঙ্কর দাশগুপ্ত, সেক্রেটারী ক্যানিস্ট্র পাটি ।

সিতিকণ্ঠ ॥ (হাসিয়া) Young communist, out to exterminate the bourgeois.

শঙ্কর ও কুম্ভলা গাঙ্গিয়া উঠিল । সিতিকণ্ঠ

সেক্-হাণ্ডের জন্তে হাত বাড়াইলেন । শঙ্কর

নমস্কার করিল

সিতিকণ্ঠ ॥ (পাইপে টান দিয়া) Y—e—s.

সকলে বাসিল

কুম্ভলা ॥ আপনারা আলাপ করুন। আমি এফুনি আসছি।

কুম্ভলার প্রশ্ন

শঙ্কর ॥ জাপান থেকে Textile ডিপ্লোমা নিয়ে এসেছেন, এবার যন্ত্রপাতি কিনে কারখানা চালু করুন।

সিতিকণ্ঠ ॥ That's exactly what I am aspiring after. To be brutally frank, there are two problems in life—one is bread problem—another is cloth problem. না খেয়েও আপনি ড'চার দিন উপোস কবে থাকতে পারেন, কিন্তু কাপড় চাড়া, I mean, you cannot go naked even for a single day.

শঙ্কর ॥ এ সম্পর্কে হিমতের অবসর নেই মিঃ সিংহ।

সিতিকণ্ঠ ॥ (অত্যন্ত গুরুত্বপূর্ণ ভঙ্গীতে) To be brutally frank, দেশের পক্ষে কাপড়ের সমস্যা এই সবচেয়ে বড় সমস্যা।

খাবার নিয়া কুম্ভলার প্রবেশ

এগুলো আবার কেন ?

কুম্ভলা ॥ Fresh from Japan, বলতে গেলে প্রায় এক যুগ পরে দেশের মাটিতে পা দিলেন, তারপর সামান্য কিছু মিষ্টিমুখ না করলে কেমন দেখায় বলুনত ?

শঙ্কর ॥ আপনাদের মত লোক যদি বিদেশ থেকে প্রচুর অভিজ্ঞতা অর্জন করে মিল গড়ে তুলেন. তা'তে বেকার সমস্যার সমাধানত হয়ই, সঙ্গে সঙ্গে দেশের ধন দৌলতও বাড়তে থাকে।

সিতিকণ্ঠ ॥ Exactly, exactly so.

কুম্ভলা ॥ আপনি কেন এমন চমৎকার দেশ ছেড়ে এ পোড়া মাটিতে পা দিলেন মিঃ সিংহ ?

সিতিকণ্ঠ ॥ কাপড় সমস্যার একটা solution না হলে এ জাতের মুক্তি
নেই Miss Choudhury.

শঙ্কর ॥ কিন্তু দেশের লোক যখন দু'মুঠো ভাত খেতে পাচ্ছে না, তখন কাপড়
সমস্যা নিয়ে কি একটু বাড়াবাড়ি হচ্ছে না মিঃ সিংহ ?

সিতিকণ্ঠ ॥ Not an inch, To be brutally frank, Adam and Eve
(শঙ্করকে) বাইবেল পড়েছেন ?

শঙ্কর ॥ অনেক আগে--কলেজে পড়বার সময় ।

সিতিকণ্ঠ ॥ Adam and Eve in their first clothes mark the
dawn of civilisation, and you know the collapse
of textile industry means the end of human
civilisation

শঙ্কর ॥ (উঠিয়া দাঁড়াইল) আর একদিন আপনার সঙ্গে এ বিষয় নিয়ে
আলাপ হবে । 'লেনিন-ডে' নিয়ে এখন আমরা একটু দাবি ।
(কুন্তলাকে) তোমার নাচ, গান, তৈরী ?

কুন্তলা ॥ তৈরী ।

শঙ্কর ॥ নমস্কার মিঃ সিংহ ।

সিতিকণ্ঠ ॥ Hope to meet you again. Bye-bye.

শঙ্করের প্রস্থান । সিতিকণ্ঠ কুন্তলার সন্নিহিত
ভইলেন ।

সিতিকণ্ঠ ॥ To be brutally frank, textile mill start করবার জন্যে
আমার পঁয়তাল্লিশ হাজার টাকা চাই । তোমার বাবা half
reluctantly কিছু টাকা দিতেও রাজী হয়েছেন । এখন তোমার
মতের 'পরই' সব নির্ভর করছে ।

কুন্তলা বিন্ময়ে তাকাইল

সিতিকণ্ঠ ॥ আর টাকাগুলো তোমার বাবার কাছ থেকে তোমাকেই আদায় করে দিতে হবে ।

কুম্ভলা ॥ এত টাকা বাবা আপনাকে শুধু শুধু দিতে রাজী হবেন কেন ?

সিতিকণ্ঠ ॥ Not for nothing. To be brutally frank, dowry system I hate. বিয়ে করব মেয়েকে, টাকাত নয়—তাই মিল্ start করবার জন্য initial expenditure—এই ধরো গোটা পনেরো হাজার টাকা পেলেই—We can go in for the holy bond of marriage—বাকী টাকা by instalment-এ, পরে দিলেও চলবে ।

কুম্ভলা ॥ মিঃ সিন্‌হা, এটা কী বাড়াবাড়ি হচ্ছে না ?

সিতিকণ্ঠ ॥ Don't be slushy. I am after all a textile expert—
তোমার অযোগ্য নই ।

কুম্ভলা ॥ এ সম্বন্ধে আপনার কাছ থেকে দ্বিতীয় বাব কিছু না শুনলেই সুখী হব ।

সিতিকণ্ঠ ॥ আমি আজকেই জবাব চাই না । ভেবে দেখো—Upon your 'yes or no' depends the industrial progress of India. It is textile industry that can lead India to the paradise of prosperity.

বিহ্বল কণ্ঠে

Textile, Textile—sweet t-e-x-t-i-le.

প্রস্থান । কুম্ভলা "Revolt of women" বইখানা নিয়া নীরবে পড়িতে লাগিল । একটু পরে পিছন হইতে অশোকের প্রবেশ ।

অশোক ॥ (বইটির নাম পড়িয়া) "Revolt of women", নারীর বিদ্রোহ ?

অশোকের গলার আওয়াজ শোনার সঙ্গে সঙ্গে কুন্তলার সারা দেহে বিদ্যাত-শিহরণ খেলিয়া গেল। তার লীলায়িত ভঙ্গীতে বিন্ময় এবং জিজ্ঞাসা ফুটিয়া উঠিল।

অশোক ॥ (অনুরাগ-মিশ্রিত পরিহাসে) বিদ্রোহটা কী 'চৌধুরী-ভিলা' থেকেই শুরু হবে নাকি ?

কুন্তলা ॥ (অশোকের পানে তাকাইয়া ব্রীড়া-চঞ্চল ভঙ্গীতে) তোমার আপত্তি আছে ।

অশোক ॥ (মৃদুহাসে) না, না। তবে লজিক ছেড়ে Revolt of women নিয়ে মেতেছ' কিনা, তাই একটু আশ্চর্য হচ্ছি ।

কুন্তলা লীলা-চঞ্চল হইল। অশোক একটু অগ্রসর হইল

বিদ্রোহটা নিশ্চয়ই পুরুষের বিরুদ্ধে ?

কুন্তলা ॥ যদি বলি তোমার অনুমানটা অমূলক ।

অশোক ॥ খুসী হবো. আর সঙ্গে সঙ্গে পালটে জিজ্ঞেস করবো তবে কী শূন্যে আশ্ফালন ?

কুন্তলা ॥ শূন্যে আশ্ফালন করার মত বিলাসিতার সম্বল সকলের থাকে না। এ বিদ্রোহ তাদেরই বিরুদ্ধে (বাক্য দৃষ্টিতে তাকাইয়া) যারা নির্বোধের মত গোলা বারুদ নিয়ে রাতারাতি দেশকে স্বাধীন করবার আশ্ফালন করে ।

অশোক ॥ (হাসিয়া উঠিল) ছুরিটা ঠিক সময়ে ঠিক জায়গায়ই চালিয়েছ। মস্ত্রটা মুখস্থ করতে একটুও ভুলচুক হয়নি দেখছি ! (বেদনাহত তাচ্ছিল্যে) নেতৃত্বের ভারটা নিশ্চয়ই কমরেড দাশগুপ্তের হাতে ?

কুন্তলা ॥ আগের কুন্তলাকে খুঁজতে গেলো তুমি ভুল করবে। কমরেড কুন্তলার সঙ্গে তার আকাশ-পাতাল তফাৎ ।

হে বীর পূর্ণ কর

অশোক গভীর দৃষ্টি তুলিয়া ধরিল। অমুরাগ ও
উদ্ভাদনা ঝরিতেছে সে দৃষ্টিতে

চূপ করে রইলে যে? বিশ্বাস হলো না বুঝি?

অশোক ॥ বেশত পড়াশুনা করছিলে, হঠাৎ এই বাতিক চাপলো কেন?

কুম্ভলা ॥ বাতিক নয়, বলো বন্ধা।

অশোক ॥ রাজনীতি এ তু'টোর একটাও নয়। তুমি যে কোনদিন একটা
উপোস করা ভিখিরীও চোখে দেখনি।

কুম্ভলা ॥ তাই বলে উপোস করার ছুঃখ বুঝিনে, তাই বা তোমাকে কে
বললে?

অশোক ॥ কেউ না বললেও তোমাকে আমার চেয়ে আর কেউ বেশী জানে
না। (স্নিগ্ধ হাসিতে) আর যেখানেই হোক, রাজনীতিতে
তোমাকে মানায় না কমরেড্ কুম্ভলা।

কুম্ভলা ॥ (শ্লেষপূর্ণ কণ্ঠে) এটা কী হিরণগড়েব রাজকুমারের সূচিন্তিত
অভিমত?

অশোক ॥ (বেদনাহত কণ্ঠে) হিরণগড় আর তা'ব রাজকুমারকে একেবাবে
ভুলে যাওনি তা' হলে?

কুম্ভলা ॥ (নির্লিপ্তকণ্ঠে) প্রা—য়?

অশোক ॥ প্রায়? আমাদের অতীতটা কী তোমার কাছে এতই তুচ্ছ যে
তা নিয়ে ঠাট্টা করতে তোমার বাধেছে না?

কুম্ভলা ॥ এতকথা ভাববার সময় আমার নেই।

অশোক ॥ একদিন ছিলো—তোমার প্রচুর সময় ছিল, ভাববার, ভাবাবার।

কুম্ভলা ॥ সে শুধু একটা অতীত স্মৃতি। আমি ভুলতে বসেছি।

অশোক ॥ (আবেগ-কম্পিত কণ্ঠে) কিন্তু সে অতীত যে তোমারই রচনা।

তুমিই তাকে গড়ে তুলেছিলে, স্বপ্নে, গানে, গল্পে……

(অশোক যেন স্বপ্নে কথা বলিতেছে) তুমি একদিন আমার গলায়

কুলের মালা পরিয়ে দিয়ে বলেছিলে রাজপুত্রের গলায় বিজয়ের মালা পরিয়ে দিলুম। ফুল ঝরে গেছে, কথা ডুবে গেছে, কিন্তু সে সুব এখনো বাজছে আমার মনে, আমার স্বপ্নে...

কুম্ভলা ॥ অতীতের স্মৃতি অন্ধকাবেই হারিয়ে যাক। এখন এ সব জেনেও কারো কোন লাভ নেই।

অশোক ॥ আমি যদি বলি ছাবানো দিনেই আমাদের সত্যিকারের পরিচর, অতীতে ফিরে যাওয়াতেই আমাদের লাভ।

কুম্ভলা ॥ আমার আপত্তি হবে।

অশোক ॥ (অসহিষ্ণুভাবে) কিন্তু কেন তোমার আপত্তি ?

কুম্ভলা ॥ এই দেশ— আমাদের দেশ। ফাশিস্ট আক্রমণের হাত থেকে এ দেশকে রক্ষা করবার দায়িত্বও আমাদের। যারা স্বাধীনতার নামে দেশরক্ষার আয়োজনকে পণ্ড করে দিতে চায়, তারা দেশের সব চেয়ে বড় শত্রু। দেশকে তাৎ বিদেশীর পায়ে বিকিয়ে দিতে চায়।

অশোক নিরুত্তর

আমার জবাব পেয়েছ ?

অশোক ॥ এ সব পাঠ বুঝি কমনবেড্ দাশগুপ্তের কাছ থেকে নিয়েছ ?

কুম্ভলা ॥ বিজ্রপ করে তুমি আমার মতকে টলাতে পারবেনা—আদর্শকে ভোলাতে পারবেনা।

অশোক ॥ (কুম্ভলার হাত নিবিড় আবেগে টানিয়া) আমি তোমাকে ভোলাতে চাইনা, ভাঙতে চাই না। (গভীর আবেগে স্পন্দিত হইল) আমি তোমাকে পেতে চাই আমার পাশে, আমার আদর্শে।

কুম্ভলা ॥ তুমি ভদ্রতার মুখোসটুকুও রাখতে পারছ না।

অশোক ॥ তোমাদের এই ভদ্রতা, এই ভীরুতা, আমি মানি না কুম্ভলা...

কুম্ভলা ॥ হাত ছাড়... আমার পথ, আর তোমার পথ এক নয়।

অশোক ॥ আমি ছাড়ব না। এ আমার অধিকার।

কুন্তলা ॥ অধিকার, না আশ্পর্ক? হাত ছাড়...

অশোক ॥ অধিকার... অশোকদা'র অধিকার, ভালোবাসার অধিকার।
আমার পথই তোমার পথ... আমার মতই তোমার মত।
জীবন নিয়ে ছিনিমিনি খেলতে তোমাকে আমি দোবনা কুন্তলা।

কুন্তলা শাস্ত ভাবে হাত ছাড়াইয়া নিল

কুন্তলা ॥ তুমি বলেই আজকের অভদ্রতাকে আমি ভুলে বাব...

হঠাৎ আঘাত পাইয়া নির্জীবের মত দাঁড়াইয়া রহিল
অশোক

ভবিষ্যতে অধিকার প্রতিষ্ঠার এ পথ বেছে নিলে তার পরিণাম
খুব শ্রীতিকর না-ও হতে পারে।

অশোকের চোখে মুখে গুরুতর প্রতিক্রিয়া

অশোক ॥ তুমি ভুল করছ কুন্তলা...

কুন্তলা ॥ হিরণ্যগড়ের রাজাদের রাজত্ব না থাকলেও রাজগীর নেশা ঠিক
পুরোনমেই আছে দেখছি।

অশোক ॥ তুচ্ছ তাচ্ছিল্যের কথা এটা নয়, এখনো ফেরবার পথ তোমার
খোলা আছে।

কুন্তলা ॥ দাসীর প্রতি মহারাজকুমারের অসীম অমুগ্রহ!

অশোক ॥ যে সত্যকে হৃদয় দিয়ে অনুভব করতে পার না, তা নিয়ে ঠাট্টা
বিজ্ঞপ... (একটু থামিয়া, রুদ্ধকণ্ঠে) তোমার মুখে ভালো লাগে না।

কুন্তলা ॥ আজকালকার মেয়েদের বুদ্ধিটা ক্রমশই বাড়ছে কিনা।

অশোক ॥ তোমাদের... আধুনিক মেয়েদের দাসী হতেই শুধু আপত্তি—আপত্তি
নেই পুরুষদের হাতের খেলনা হতে, না?

কুন্তলা ॥ নিজের রূপটা নিজেই প্রকাশ করছ ত?

অশোক ॥ জাপানী ডলের মত হাত থেকে পড়ে গিয়ে খেলনা ভেঙে গেলেই
যারা নতুন খেলনা তুলে নেয়, তাদের হাতে নাচতেও তোমাদের
লজ্জা নেই।

কুন্তলা ॥ গর্জনটা বুঝলাম—কিন্তু বর্ষণটা কা'র 'পর হচ্ছে ?

অশোক ॥ মন তোমার আচ্ছন্ন, তাই বুঝতে পারছনা। শঙ্কর তোমাকে তার
রাজনীতিক খেলার পুতুল হিসেবেই ব্যবহার করতে চায়। সে
মণিকাকেও দলে টানতে চেয়েছিল...আদর্শের বড় বড় কথা শুনিয়ে
তাকে নিয়েও খেলতে চেয়েছিল, কিন্তু পারেনি, মণি তেমন
মেয়েই নয়।

কুন্তলা ॥ (আশঙ্ক-মিশ্রিত কৌতূহলে আগাইয়া গিয়া) মণিকা! কে মণিকা ?

দ্রুত যবনিকা

তৃতীয় দৃশ্য

মুরারী চৌধুরীর কক্ষ। টেবিলের শেল্ফে কাগজ পত্রের ফাইল এবং প্রয়োজনীয় আসবাবপত্র কক্ষটি সজ্জিত। পাশের শোফায় বাসিয়া র্যাডিকেল লাগের মুখপত্র 'আওয়াজ' কাগজের সম্পাদক প্রতুল তরফদার। হাতে একরাশ ফাইল। চেহারা উচ্ছাস-প্রবণ এবং উত্তেজনায় উগ্র, চুলগুলি উসকোথুসকো। সব সময়ই বক্তৃতার ভঙ্গীতে কথা বলেন। নিজেকে তিনি একজন খাঁটি এ্যান্টি-ফ্যাসিস্ট বলিয়া স্বতই দাবী করেন। যবনিকা উঠার সঙ্গে সঙ্গে দেখা গেলো মুরারী চুরুট জ্বালাইতেছে।

মুরারী ॥ (দেশলাইয়ের কাঠি নিভাইতে নিভাইতে) যাকে খুসী রাখছেন, যাকে খুসী মারছেন, কাগজের বুকে বক্তিমার ফোয়ারা তুলে পরশ্বেপদী বেশ আছেন প্রতুলবাবু !

প্রতুল ॥ (উপেক্ষা করিয়া) দেশের জনমতের বিরুদ্ধে যাঁরা দাঁড়াবেন, তিনি যত বড় নেতাঠি হোন না কেন, 'আওয়াজে'র চাবুক তাঁকেও রেহাঠি দেবে না মুরারী বাবু।

মুরারী ॥ সাধু, সাধু সঙ্কল্প।

প্রতুল ॥ ও মুখ চেয়ে মুগের ডাল প্রতুল তরফদারের কোষ্ঠিতে লেখা নেই।

মুরারী ॥ অনেষ্ট জার্ণালিজম ?

মুরারী গর্বিত ভঙ্গীতে চুরুট হাতে নিয়া টেবিলের সামনে হেলান দিয়া দাঁড়াইল

প্রতুল ॥ ‘আওয়াজ’ কোন অন্তায়কে কোনদিন প্রশ্রয় দেবে না। আমাদের অর্থ নেই, সমল নেই, কিন্তু ‘আওয়াজের’ পেছনে আছে দেশের জাগ্রত জনমত।

মুরারী ॥ ‘আওয়াজের’ জয় হোক !

প্রতুল ॥ দেশের এক প্রান্ত থেকে অপর প্রান্ত পর্য্যন্ত এই আওয়াজ ধ্বনিত করে তুলতে হবে ফ্যাশিষ্টদের ধ্বংস চাই। আজকের দিনে যা’রা ফ্যাশিষ্ট বর্বরতার বিরুদ্ধে গণ-প্রতিরোধকে দুর্বল করতে দিতে চায়, তা’রা দেশের শত্রু, জাতির শত্রু।

মুরারী ॥ (পকেট হইতে দশ টাকার নোট বাহির করিয়া প্রতুলের হাতে দিল) বিজ্ঞাপনের চার্জটা একটু বেশীই ধরেছেন, তবু বিলটা না কেটে পূর্বো একশ’ই দিচ্ছি আরো ছ’মাস full page-ই দেবেন।

প্রতুল ॥ (খুসীটা গোপন করিয়া) বিজ্ঞাপনের যেমন হাই চার্জ, তেমন কাগজের প্রচারটাও দেখবেন। বাংলা দেশে সাপ্তাহিক কাগজের নেট সেল্ এগাবো হাজার, বলতে গেলে *incredibly large*.

মুরারী ॥ সে জন্তেই ত আপনাদের Patronise করা। (মুরারী কাছে গিয়া সুর নামাইয়া) শ্রী শ্রী গণেশের ইচ্ছায় বর্দি Prohibition orderটা উঠে গিয়ে আবার অবাধ বাণিজ্য চালু হয়, তবে বুঝলেন তরফদার (গলার সুরে তরঙ্গ তুলিয়া লোভনীয় আনন্দে) আপনার সঙ্গে বছরের কন্ট্রাক্টই রইলো। আর কলম নিয়ে বিল কাটাকাটি করা—সে মুরারী চৌধুরীর—*against his very principle*—ও পূরো ছ’শো, ছ’শোই মই। ঐ বাবা আসছেন...

মুরারীর প্রশ্ন। গণপতি চৌধুরীর প্রবেশ

গণপতি ॥ (পদোচিত গাঙ্গীর্ঘ্যে) তোমার কাগজ পেলাম। (বসিয়া) মন্দ লিখনি। (প্রতুলের চোখ উজ্জ্বল হইল) তবে ‘আওয়াজ’

ফাওয়াজ বাদ দিয়ে একটা বাংলা নাম খুঁজে পেলে না, তোমাদেরও যত সব .. 'আওয়াজ' মানে কী হে ?

প্রতুল ॥ আওয়াজ মানে tone—মানে voice . (গলদর্শন হইবার ভঙ্গীতে)

গণপতি ॥ কী আশ্চর্য্য, বাংলা—বাংলা মানে কী ?

প্রতুল ॥ বাংলা ? বাংলার অনুবাদ করলে দাঁড়ায়—মানে, ... ডিক্সনারী, ডিক্সনারীটা কোথায় ? (খুঁজিতে লাগিল)

গণপতি ॥ থাক, আর ডিক্সনারী দেখতে হলে না। বাংলার কাগজ বার করেছ অথচ নাম দিয়েছ উর্দু।

প্রতুল ॥ আজ্ঞে, ইচ্ছে করেই democratic নাম রেখেছি—যাতে জনসাধারণ সহজেই বুঝতে পারে, (বক্তৃতার উত্তেজনায়) ফ্যাশিস্টদের বিরুদ্ধে সাফল্যের সঙ্গে যুদ্ধ পরিচালনার জন্তে আজ সর্বাগ্রে প্রয়োজন জনশক্তির সমর্থন লাভ। আর সে জন্তে শতধা বিচ্ছিন্ন জাতিকে একই আদর্শে সম্বন্ধ করে গড়ে তুলতে হবে রায়বাহাদুর।

রায়বাহাদুর নীরবে কাগজ পড়িতে লাগিলেন।

প্রতুল ॥ আপনার একটা মেসেজ...

গণপতি ॥ “ফ্যাশিজমের পতনের সঙ্গে ভারতের স্বাধীনতা অনিবার্য, আর সে জন্তে আমরা মিত্রশক্তির আশু জয়লাভ কামনা করি”—এ আমরা সবাই মানি, কিন্তু এই যে লিখেছ সংখ্যালঘুদের আত্ম-নিয়ন্ত্রণ—Right of self determination, পাকিস্তান, হিন্দু মহাসভা জাতিকে এমন করে সর্বনাশের পথে ঠেলে দিতে পারে না
প্রতুল।

প্রতুল ॥ আজ্ঞে র্যাডিকেল লীগের ফরমূলাকে প্রথম সবাই পাগলের প্রলাপ বলে হেসে উড়িয়ে দিয়েছিল। কিন্তু আজ গান্ধীজী স্বয়ং তা মেনে নিয়েছেন।

গণপতি ॥ কিন্তু হিন্দু-মহাসভা মানে নি। ভারত ব্যবচ্ছেদের পরিকল্পনার হিন্দু-মহাসভা কোন সর্ব্বোচ্চ সম্মতি দিতে পারে না, এমন কি মহাত্মার সমর্থন পেলেও না। জাতির আত্মহত্যার অংশীদার হওয়াকে সে পাপ বলেই মনে করে।

প্রতুল ॥ থাক ওসব পলিসির তর্ক। নতুন কাগজকে আপনি শুভকামনা জানাবেন...

গণপতি ॥ আচ্ছা, আচ্ছা, এসো আর একদিন। তুমি কাগজ বের করেছ, শুভকামনা আমার এমনি আছে...

প্রতুলের প্রশ্ন। একটু পরেই কুস্তলার প্রবেশ। পরনে ট্রাউজার ও গেঞ্জী। তাহার চঞ্চল ভাব-ভঙ্গীতে স্পষ্টই বোঝা গেল—অন্ধরে দারুণ ঘন্থের ঝড় বহিতেছে। সে শোকার মাথায় হাত দিয়া নিস্তক্ ভাবে বসিয়া রহিল। মেয়ের এই অদ্ভুত পোষাকে গণপতি না হাসিয়া পারিলেন না।

গণপতি ॥ কমরেড হ'ল বুঝি পুরুষের মত পোষাক পরতে হয় মা ?

কুস্তলা ॥ (নিজের দিকে তাকাইয়া) ট্রাউজার ! সে ত সব সময় পরি না। কাল থেকে সাইকেল প্র্যাক্টিস্ করছি কি না, তাই একটা টাইট-ড্রেস.....

গণপতি ॥ (বিস্মিত বেদনার) সাইকেল প্র্যাক্টিস্ ! অবাক করলি মা।

কুস্তলা ॥ (হাসিয়া উঠিল) তুমি ত আমার নতুন কিছু দেখলেই ভীষণ অবাক না হয়ে পার না। ফ্যানিস্ট বর্ষরদের জখম করবার জন্তে আজ মেয়েদেরও হাতিয়ার নিয়ে তৈরী থাকতে হবে বাবা।

গণপতি ॥ তোমার পাগলামি দিন, দিন যে তালে বাড়ছে, শেষে আমাকেই না ভুলে যেতে হয়, তুই আমার ছেলে—না মেয়ে।

কুস্তলা ॥ ও দুই-ই । আমি তোমার মেয়ে আর সঙ্গে সঙ্গে পাইভেট সেক্রেটারী ।

গণপতি ॥ (স্নিগ্ধ হাসিতে) এদিকে কলেজ খোলার সময় যে হয়ে এলো কুস্তলা ।

কুস্তলা ॥ আমার অভাবে কলেজ অচল হবে না । কিন্তু আমার মত মেয়ে কমরেড বাঁকে বাঁকে জন্মাবে না বাবা । জাপানী দস্যুদের হাত থেকে আমাদের সোনার হিন্দুস্থানকে বাঁচাবার জন্যে আমরা সব মেয়ে কমরেডরা গ্রামে গ্রামে গেরিলা বাহিনী গড়ে তুলতে যাচ্ছি কিনা ।

গণপতি ॥ (কৌতুকে) তাই বুঝি সাইকেল প্র্যাক্টিস্ করা হচ্ছিল ?

কুস্তলা ॥ শুধু কী সাইকেল ? আমাদের মেয়ে কমরেডদের মোটর ড্রাইভ করা, উটের পিঠে ঝুলে থাকা, হাতীর হাওদার বসতে জানা—সবই শিখতে হবে । রাশিয়ার মেয়েরা যা পারে, মেয়ে হয়ে আমরাই তা পারবনা কেন বাবা ?

গণপতি ॥ তোকে কতদিন বলেছি পুরুষের যা শোভা পায়—মেয়েদের তা মানায় না ।

কুস্তলা ॥ খুব মানায় বাবা ! খুব মানায় ! তোমার মনু সংহিতার মতের সঙ্গে মিলল না—এই ত ? (আছলানের ভঙ্গীতে) মনুসংহিতার নাকি মেয়েদের জন্য সব কড়া কড়া শাস্তির ব্যবস্থা রয়েছে, আচ্ছা বাবা, মেয়েদের নামে তোমার ভগবান মনু হঠাৎ এমন তেলে বেগুণে জলে উঠলেন কেন ?

গণপতি ॥ (কুস্তলার চপলতায় গণপতির প্রশান্তি ফুরু হইল না । তিনি হাসিলেন, প্রজ্ঞার হাসি) মার্কস্ আর মনুসংহিতা একসঙ্গে বোঝা যায় না মা...

কুস্তলা ॥ (চপল লাগে) কাজ নেই আমার অত শত বোঝাবার । এখন কী মনুসংহিতা আর মার্কস্‌পুঁরাণ নিয়ে মাথা ঘামাবার সময় ?

গণপতি ॥ কতকগুলো বাধা বুলি মুখস্থ করেছিস—যার মানে জানিস না ।

কুস্তলা ॥ মেয়েদের আজ রান্না ছেড়ে বাইরের দায়িত্ব নেবার সময় এসেছে বাবা ।

গণপতি ॥ ভুল, ভুল মণি, ভারতের মেয়ে তোরা । সীতা, সাবিত্রী, লক্ষ্মণের
আদর্শই তোদের আদর্শ ।

কুম্ভলা ॥ তুমি ভুলে যাচ্ছ বাবা, এটা মনুসংহিতার যুগ নয় ।

গণপতি ॥ সত্য সব যুগেই সত্য । সে কথা থাক্ । আমার মেয়ে হয়ে
আমার সামনে এই সব অনাচার, আমার দেখতে ভাল লাগবে ?

কুম্ভলা ॥ অনাচার নয় বাবা—ফ্যাশিস্ট অত্যাচারের বিরুদ্ধে বীর সৈনিকের
বুক পেতে দেয়া (বুক ফুলাইয়া) গ্রামের মেয়েদের মত ভীকু লজ্জার
আমি তুলসীতলায় প্রদীপ দোব, নার্সদের মত সারা জীবন ভরে
শুধু পুরুষের সেবাই করে যাব—এই কি তুমি আমার কাছে আশা
কর ?

গণপতি ॥ (স্নেহ-বাক্যক দৃঢ়তায়) শুধু আশা নয়, আমার মেয়ের কাছে সে
চরিত্রের শুচিতা, আদর্শের সে মহিমাই আমি দাবী করি কুম্ভলা ।

কুম্ভলা ॥ এ তোমার অতিরিক্ত আশা ।

গণপতি ॥ তুই অবুঝ, কোনটা গায় আর কোনটা অন্ডায় তা বোঝবার
জ্ঞানও তুই হারিয়েছিস্ ।

কুম্ভলা ॥ দেশের মুক্তি-সংগ্রামে মেয়েদের কী কোন কর্তব্যই নেই বাবা ?

গণপতি ॥ (শুনিতে পাইলেন না । হাতে তাঁ'র গীতা, উঠিয়া দাঁড়াইলেন ।
নিজের মেয়েতে নিজের জন্মার্জিত সংস্কার ও স্বপ্নের ব্যর্থতার
গভীর দুঃখের সুর বাজিয়া উঠিল তার কণ্ঠে ও বেদনার্ত্ত
মুখ-ভঙ্গীতে) তুই যে সবার উপরে, সবার আগে মায়ের জাত, তুই
তা ভুলে গেছিস । তুই কমরেড হয়েছিস, হাতিয়ার হাতে নিয়ে
জাপানকে রুখতে দাঁড়িয়েছিস, কিন্তু তুই শুধু মেয়ে হতে ভুলে
গেছিস কুম্ভলা ।

কুম্ভলার উপর পিতার খেদোক্তির প্রতিক্রিয়া হইল ।

গণপতির শেষ উচ্চারণের সঙ্গে সঙ্গেই সে স্নেহকাতর
ভঙ্গীতে পিতাকে স্পর্শ করিয়া বলিল ' বাবা ' । ক্রত
ববনিকা ।

চতুর্থ দৃশ্য

ড্রয়িং রুমে কুস্তলা অষ্টাশ্র কমনিস্ট মেয়েদের সঙ্গে
'লেনিন-ডে'র কোরাস্ গানটির মহড়া দিতেছিল।
সকলের অলক্ষ্যে শঙ্কর আসিয়া পিছনে দাঁড়াইল।

কোরাস্ :

ঐ শোনা যার আকাশে বাতাসে
ধ্বনিয়া উঠিছে নতুন যুগের আশা।
মেঘের আড়ালে বজ্রের ভেরী বাজে,
ঝঞ্ঝার মুখে কারা করে যাওয়া আসা।
মরণের পথে জীবনের দূত আসে
দিশি দিশি হতে দুঃস্থ উল্লাসে,
রিক্ত ললাটে জীর্ণ শতাব্দীর,
দেবে জয়টিকা জীবন জয়শীর ।

শঙ্কর ॥ (গানের শেষে) চমৎকার উৎরে গেছে যা' হোক ।

শঙ্করের অপ্রত্যাশিত আগমনে কুস্তলা লাল হইয়া
উঠিল। শঙ্করের লেখা গান সে মহড়া দিতেছে,
শঙ্কর তাহা জানুক, কুস্তলার তাহা আপাতত
অনভিধেত

কুস্তলা ॥ (মেয়েদের প্রতি) আজ এই পর্য্যাস্তই থাক ॥

মেয়েদের প্রশ্ন

কুস্তলা ॥ (শঙ্করের প্রতি) ধন্য হয়ে গেলাম সে গৌরবে ।

কুস্তলা ভগ্নীতে হিলোল তুলিয়া পা করেক সামনে
গেল। তার ভগ্নীতে বিক্রপ ও বেদনা

শঙ্কর ॥ প্লে'টা ভালো চলে সবাই অবাক হয়ে ভাববে— ডায়োসিশনে পড়েও
মেরেরা আশ্চর্য্য কিছু দেখাতে পারে।

কুম্ভলা ॥ ঠিক যেন পাথরে ফুল ফুটিয়ে তোলার মত !

শঙ্কর ॥ ওঠা পশুশ্রম। কিন্তু এটা সৃষ্টি।

কুম্ভলা ॥ তোমার লেখা গান, তার 'পর যদি তোমার ট্রেনিং পার, তবে যে
কোন মেয়েই তা পারে। এমন কী মণিকা দেবীও।

বাঁকা বেদনা ও কোভের বিদ্রাং ঝলসিত হইয়া উঠিল
দৃষ্টিতে এবং সুরে। শঙ্কর একটু ধাকা খাইল। কিন্তু
সে সব আঘাত এবং বিক্রপের মুখেই ধীর, স্থির,
অবিচলিত। বিষয়টা শুধু করিবার জন্য শঙ্কর খুবই
আন্তরিক আবেদনে শিশুর মত সহজ হইয়া উঠিল
সুন্দর হাসিতে।

শঙ্কর ॥ মণিকার কথাও শুনেছ তাই'লে ?

কুম্ভলা ॥ তোমার মুখ থেকে নয়।

শঙ্কর ॥ যা'র মুখ থেকেই শুনে থাক, মণিকা সম্বন্ধে তোমার উচ্চ ধারণাটা
একটু বেশি রকম অতিরঞ্জিত শোনাচ্ছে।

কুম্ভলা ॥ থাক, আর শাক দিয়ে মাচ ঢাকতে হবেনা। মণিকাদেবীর সত্য
পরিচয়টা তোমার কাছ থেকে না শুনলেও চলেবে।

শঙ্কর ॥ তার মানে, মিথ্যা শুনে অনর্থক একজন সম্পর্কে ভুল ধারণা
পোষণ করা।

কুম্ভলা ॥ তবু তা অর্ধ সত্যের চেয়ে ঢের বেশী নিরাপদ (বাঁকা দৃষ্টি হানিরা)
এ যুগের যুধিষ্ঠিররা একটু ঘন ঘন সত্যি মিথ্যা মিশিয়ে বলাতে সুরু
করছেন কিনা !

শঙ্কর ॥ সত্য মানুষকে সচেতন করে, সুন্দর করে।

কুম্ভলা ॥ আমার অত সহঁবে না । বেশী উপরে উঠতে গেলে খুব নীচুতে
পা ফস্কাবার সম্ভাবনা । সে গৌরব মনিকাদেবীর জন্মেই তোলা
থাক ।

শঙ্কর ॥ তুমি যা পার, মণিকা তা কল্পনাও করতে পারে না কুম্ভলা ।

কুম্ভলা ॥ শুনে সুখী হলাম । আমার সৌভাগ্য ।

একটু চূপ করিল । তারপর হঠাৎ উচ্ছ্বসিত হইয়া
উঠিল

মণিকার কথা কেন আমাকে বলো নি ? কেন, কেন তুমি আমার
কাছ থেকে সব কিছু লুকোতে চাও ?

কুম্ভলার বাহ্যিক দৃঢ়তার অন্তরালে কান্নার সুর

আমি তোমার কাছে এমন কী অপরাধ করেছি যে, এমনি করে
পদে পদে তুমি আমাকে অবিশ্বাস করছ ?

শঙ্কর ॥ মণিকা আর তুমি—সম্পূর্ণ ছালাদা ধাতুতে গড়া । একজন সমুদ্র,
আর একজন আগ্নেয়গিরি ।

কুম্ভলা ॥ তুমিত কোন দিন তার কথা ঘুণাকরেও আমায় জানতে দাওনি ।

শঙ্কর ॥ সমুদ্রের কাছে গেলে আগ্নেয়গিরি শুকিয়ে যায়, আর আগ্নেয়গিরি
শুবে নেয় সমুদ্রকে ..

কুম্ভলা ॥ কিছুটা দরদ মনিকাদেবীর জন্মে অবশিষ্ট রেখো ।

শঙ্কর ॥ গ্রামের মেয়েদের মত কোমরে আঁচল জড়িয়ে কৌদল করতে
শিখেছ । (প্রশান্ত হাসিতে) তোমাকে মানায় না ।

কুম্ভলা ॥ তাতে তোমার কী ?

শঙ্কর ॥ আমার কী ? (স্বপ্ন-জড়ানো গলায়) আমার সব ।

কুম্ভলা মুহূর্তে রোমাঞ্চিত হইয়া উঠিল । তাতার রক্তে
উচ্চারিত উদ্ভাটনার বেশ । সে স্থান কাল পাত্র ভুলিয়া
মঞ্চের দিকে অগ্রসর হইল, নিশি-পাওয়ার মত

কুম্ভলা ॥ (স্বগত) তোমার সব ।

অসহ পূলকে সে বুঝি একুনি কাটিয়া পড়িবে । হঠাৎ
চন্দ্রকে যেন গ্রাস করিল রাহ, তার কঠোর সংশয়ে,
হন্দে, দুর্বল, কীণ ।

কিছু মণিকার কপালে জয়টিকা পরালো কে ?

শঙ্কর ॥ তুমি তৈরী হয়ে নাও, রিহার্সেল ঠিক ছ'টায় । আমি রায়বাহাদুরের
সঙ্গে কাজটা সেরে আসছি ।

শঙ্করের প্রস্থান । কুম্ভলা গানের প্রথম কলি
ভাঁজিতেছে গুণগুণ করে, ব্যস্তভাবে প্রবেশ করিল
হীরালাল

হীরালাল ॥ তোমাদের ঐ সুধাকণ্ঠ না কী নাম—যিনি জলে স্থলে, অনলে
অনিলে সব সময় জাপানের স্বপ্ন দেখেন—তা'র আবির্ভাবের সময়
কি এখনো হয়নি কুম্ভলা ? চা'য়ের আর কত দেবী ?

কুম্ভলা ॥ অসাধারণদের দেখা এত সহজে মেলে না পল্টুদা ।

হীরালাল ॥ অসাধারণ বলতে অসাধারণ...কী নাম সুধাকণ্ঠ

কুম্ভলা ॥ সিতিকণ্ঠ সিন্ধা...

হীরালাল ॥ মহাভারতে পেয়েছিলাম এক ষটোৎকচের নাম, আর এই পেলাম
সিতিকণ্ঠ । এমন অদ্ভুত নাম ভূ-ভারতে লাখে না মিলিবে এক ।

কুম্ভলা ॥ আঙুল ফুলে কলাগাছ হয়েছ কিনা, তাই ধরাকে সরা জ্ঞান করছ ।

হীরালাল ॥ আমরা ত তবু কমলালেবুর মত গোল পৃথিবীকে সরা জ্ঞান
করছি, মানে আয়তনকে একটু কম করে বলছি, কিছ তোমার
ঐ জাপান-ফেরত বীর পুরুষটি ?

কুম্ভলা ॥ অতটা সম্মান ওর সহিবে না ।

হীরালাল ॥ তিনি ত সারা ছনিয়ায় টেকস্টাইল ছাড়া আর কিছু দেখতেই
পান না ।

কুম্ভলা ॥ (চটুল হাসিতে) ওর দৃষ্টির দোষ

হীরালাল ॥ যত সব হাথাগ, মামাকে আমি একুনি গিয়ে বলছি...

কুম্ভলা ॥ মা'র চেয়ে মাসীর দরদ চিরদিনই একটু বেশী, নয় কী পন্টুলা ?

হীরালাল ॥ তুই এখনো ছেলে মানুষ। ছনিয়ার হাল্চাল্ তুই কী বুঝিস্ ?
ওসব মতলব-বাক্দের গোড়াতেই বাগ্ ডা না দিলে... ..

কুম্ভলা ॥ তোমাদের কনট্রাকটারদের চেয়ে শুবু চের ভালো। টাকা
ছাড়াও জীবনের অন্ত উদ্দেশ্য থাকতে পারে, তা তোমাদের সঙ্গে
মিশলে ভুলেই যেতে হয়। তোমারা হচ্ছে এ যুগের অভিশাপ।

হীরালাল ॥ জানিস্, এই যুদ্ধের দিনে contractors are more than
anything.

বেয়ারা চা আনিয়া দিল

কুম্ভলা ॥ তবে বলব, তোমরা কনট্রাকটাররা ..বিংশ শতাব্দীর জৈবর।

হীরালাল ॥ (চা'র কাপ হাতে লইয়া) There you are. Long live
contractors.

ঘরের প্রান্তে প্রতুলবাবুর স্বর শোনা গেলো। "আসতে
পারি" ?

কুম্ভলা ॥ (সম্মিত অভ্যর্থনার) আসুন ! একেবারে সবিনয় নিবেদন যে ..

হীরালাল ॥ (প্রায় সঙ্গে সঙ্গে) এই যে বহুল প্রচারিত সাপ্তাহিকের সম্পাদক—
just in the nick of time.

প্রতুল দুইজনকেই সহাস্ত নমস্কার করিয়া বসিলেন

কুম্ভলা ॥ একী কথা শুনি আজ মহুরার মুখে ?

কুম্ভলা ও হীরালাল হাসিতেছে

জাতীয়তাবাদী থেকে বহুল প্রচারিত সাপ্তাহিক—এক লাফেই
প্রমোশন !

প্রতুল ॥ আজকালকার দিনে দেশকে জাতীয়তাবাদের মদ খাওয়ানো,
জাতিকে ক্যানিস্টদের হাতে তুলে দেওয়ারই একটা অপ-
কৌশল কুম্ভলাদেবী।

চীরালাল ॥ আমাদের সর্বশক্তি প্রয়োগ করে সে অপকৌশলকে ব্যর্থ করতে হবে ।

প্রতুল ॥ দেশের লোকের সামনে কংগ্রেস হাইকমান্ডের মুখোমুখি খুলে ধরতে “আওয়াজ” আশ্রয় লড়ছে । (হাত নাচাইয়া) আমরা হোরাইট ব্যারোক্রেসির বদলে ব্রাউন ব্যারোক্রেসি চাইনা কুম্ভলাদেবী ।

দরজার প্রান্ত হইতে “চিত্রাঙ্গদা”র পাট আবৃত্তি করিতে
করিতে বিজনের প্রবেশ

বিজন ॥ “লজ্জা, লজ্জা, হায় এ কী লজ্জা
মিথ্যা রূপ মোর, মিথ্যা সজ্জা ।
এ যে মিছে স্বপ্নের স্বর্গ
এ যে শুধু ক্ষণিকের অর্ঘ্য
এই কি তোমার উপহার
ধিক্ ধিক্ ধিক্ ।”

কুম্ভলা ॥ “চিত্রাঙ্গদা”র প্রবেশ ?

কুম্ভলা মুহু হাসিতেছে

বিজন ॥ (চাঁদার খাতা বাহির করিয়া) অর্জুনের মনোহরণ না করে
“চিত্রাঙ্গদা”র প্রশ্ন হুছে না ।

“শুরুষের বিঘা করেছিষু শিক্ষা
লভি নাই মনোহরণের দীক্ষা
কুম্ভম-ধনু

অপমানে লাঙ্ঘিত তরুণ তনু,

অর্জুন ব্রহ্মচারী

মোর মুখে হেরিল না নারী ।”

আবৃত্তি শেষের সঙ্গে সঙ্গে সিন্ধিকঠের প্রবেশ । প্রতুল
কাগজে মন দিল । বিজন দেয়ালে টাঙানো কটোর
কাছে গেল

সিতিকণ্ঠ ॥ What's wrong in the State of Denmark ? এই নাট,
গান, আবৃত্তি ?

কুম্ভলা ॥ অর্থ-সংগ্রহের গৌরচন্দ্রিকা । (সিতিকণ্ঠকে দেখাইয়া) মিঃ সিতিকণ্ঠ
সিংহা, Fresh from Japan...

শীরালাল ॥ Expert in Textile and texture.

শীরালাল ব্যঙ্গ-ভঙ্গীতে চলিয়া গেল । সিতিকণ্ঠ
আত্মপ্রসাদের হাসিতে উজ্জ্বল হইলেন । বিজ্ঞনকে
নির্দেশ করিয়া

কুম্ভলা ॥ শ্রীযুক্ত বিজ্ঞন কুমার রায় ।

বিজ্ঞন ॥ (বীণানিন্দিতকণ্ঠে) নাট্যালক্ষীর নীরব পূজারী...

কুম্ভলা ॥ (মধুর হাসিতে) সিনেমা স্ক্রিনের সেবায় তুমুনপ্রাণ উৎ-
সর্গীকৃত ।

সিতিকণ্ঠ ॥ (হাত বাড়াইয়া) Film artist ; very glad to meet you.

কুম্ভলা ॥ শ্রীযুক্ত প্রতুল তরফদার – সাপ্তাহিক 'আওয়াজে'র সম্পাদক ।

সিতিকণ্ঠ ॥ 'আওয়াজ'—Weekly paper ?...

সেকহ্যাণ্ড করিলেন । সকলেই বসিলেন ।

প্রতুল ॥ নতুন বেরিয়েছে শ্রাব ।

বিজ্ঞন ॥ (চাঁদার খাতা বাড়াইয়া) রিলিফের জন্তে 'চিত্রাঙ্গদা' প্লে হচ্ছে
শ্রাব, একটা ডোনেশন...

সিতিকণ্ঠ ॥ By all means. (পকেট হাতড়াইয়া কিছু পাইলেন না) চেক
বইটা সঙ্গে নেই । কাল পাঠিয়ে দোব । রবিবাবুর লেখা বই,
নিশ্চয়ই দেখতে যাব । I like Tagore terribly. He
writes wonderfully good.

নমস্কার করিয়া বিজ্ঞনের প্রস্থান

কুম্ভলা ॥ সূতো নিয়ে গবেষণা করছিলেন, তাই করুন । সাহিত্য নিয়ে কেন
এই অনধিকার চর্চা ?

সিতিকণ্ঠ ॥ Texture নিয়ে আছি বলে literature বুঝি না—That's silly. By the by, কী উপলক্ষে এই প্লে ?

কুম্ভলা ॥ দুর্ভিক্ষপীড়িতদের সাহায্যার্থ...

সিতিকণ্ঠ ॥ টাকাটা কোথায় পাঠানো হচ্ছে ? China or Greece. Both suffer badly from famine.

কুম্ভলা ॥ বাঙলা দেশের জন্মেই যে এখনো লক্ষ লক্ষ টাকার দরকার...

সিতিকণ্ঠ ॥ Famine in Bengal ? Is it a fact ?

কুম্ভলা ॥ A solid fact indeed.

সিতিকণ্ঠ ॥ কিন্তু কাগজে ত তেমন কিছু লিখছে না ।

প্রতুল ॥ সে কী স্তর ? দুর্ভিক্ষ নিয়ে ফি হপ্তায় দু'গেলীতে করে দেড়গজী লীডার লিখছি—এ নিয়ে সারা দেশ জুড়ে তোলপাড় !

সিতিকণ্ঠ ॥ কিন্তু Times এ লিখেছে—There is only scarcity of food in Bengal. গ্রীসের মতো তেমন সিরিয়াস্ কিছু নয় ।

প্রতুল ॥ আচ্ছা, তবে আসি কমরেড চৌধুরী । আপনি মিঃ সিন্হাকে বাংলাদেশের দুর্ভিক্ষ সম্পর্কে ওয়াকিফওয়াল করুন ।

কুম্ভলা ॥ বুড়ো খোকারা কোন দিন কিছু বুঝতে চায়না, বুঝতে পারে না ।

নমস্কারান্তে প্রতুলের প্রস্থান

সিতিকণ্ঠ ॥ তুমি যার তা'র সামনে আমাকে নিয়ে ঠাট্টা করবে, তা আমি মোটেই পছন্দ করি না কুম্ভলা ।

কুম্ভলা ॥ (নেশাজড়ানো সুরে) রাগলে কিন্তু আপনাকে অদ্ভুত সুন্দর দেখায় মিঃ সিন্হা ।

সিতিকণ্ঠ ॥ (আচ্ছন্ন গলায়) Hark, Hark, the lark at the Heaven-gate Sings...

কুম্ভলা ॥ (বিহ্বলকণ্ঠে) আপনাকে কিন্তু আজ বেশ লাগছে—সমুদ্রের ঝড়ের মত, সর্বনাশের নেশার মত...

সিতিকণ্ঠ ॥ You are a phantom of delight.

কুম্ভলা ॥ চলুন, আজ সন্ধ্যার দু'জনে মোটরে বেড়িয়ে আসি ।

সিতিকণ্ঠ ॥ *I am always at your beck and call.*

কুম্ভলা ॥ আমাদের মোটর ছুটেবে ঘণ্টায় ষাট মাইল স্পীডে—ভয় পাবেন না ত ?

সিতিকণ্ঠ ॥ *Poooh*—জাপানে যে কোন মেয়েই তা পারে ।

কুম্ভলা ॥ আপনার সাহস আছে, মানতেই হয় ।

সিতিকণ্ঠ ॥ *None but the brave deserves the fair.* ছ'টাত প্রায় বাজে—একুণি তা'হলে রওয়ানা হতে হয় ।

সিতিকণ্ঠ যাইবার জন্ত প্রস্তুত হইলেন । কুম্ভলার উৎসাহ দেখা গেলো না । সে গভীর কিছু ভাবিতেছে ।

সিতিকণ্ঠ ॥ (অসহিষ্ণুভাবে) তবে আর দেবী কিসের কুম্ভলা ? একুণি রওয়ানা না হলে ফিরতে যে অনেক রাত হবে ।

কুম্ভলা তবু জবাব দিলনা । সে চিন্তামগ্ন ।

তুমি কার জন্ত অপেক্ষা করছো, আমি তা জানি ।

কুম্ভলা প্রশ্নবোধক দৃষ্টি তুলিয়া ধরিল । সিতিকণ্ঠ পাইপ টানিতে টানিতে তুলিয়া নীচের পংক্তি আবৃত্তি করিলেন । বাঁকা এবং জড়িত উচ্চারণে বিকৃত ও অদ্ভুত শুনাইতেছে ।

“ প্রাণ চায়, চক্ষু না চায়

মরি এ কী তো'র দুস্তর লজ্জা

সুন্দর এসে ফিরে যায়,

তবে কার লাগি মিথ্যা এ সজ্জা ।”...

কুম্ভলা ॥ কবির শ্রদ্ধটা আর নাইবা করলেন । দাঁড়ান, আমি একুণি আসছি ।

কুন্তলার প্রস্থান । সঙ্গে সঙ্গে শঙ্করের প্রবেশ ।

শঙ্কর ॥ কুন্তলা কোথায় ?

সিতিকণ্ঠ ॥ এখন দেখা হবে না, আমরা Joyride-এ যাচ্ছি ।

শঙ্কর ॥ কিন্তু আজ যে স্টেজ রিহার্সেল ।

ওড়না জড়াইয়া কুন্তলার প্রবেশ

কুন্তলা ॥ রিহার্সেলে আমি যাব না ।

শঙ্কর ॥ ওরা যে সবাই অপেক্ষা করছে ।

কুন্তলা ॥ উনি মোটর নিয়ে আমার ভগ্নে অনেকক্ষণ হয় বসে আছেন ।

শঙ্কর ॥ বেড়ানোটাতে যে কোন দিন চলতে পারে ।

সিতিকণ্ঠ ॥ যে কোন দিন নয়—আজ, আজ সন্ধ্যায়ই আমাদের বেড়াতে যাওয়া চাই—“Who knows but the world may end to-night ?”

কুন্তলা ॥ (শঙ্করকে) হ্যাঁ, আজ সন্ধ্যায়ই বিজয়িনীর জয়ের অভিসার ।

শঙ্কর ॥ (রুচ কণ্ঠে) কী সব ছেলেমানুষী হচ্ছে ।

কুন্তলা ॥ রোজ রোজ তোমাদের ঐ পাটি আর ঠিক্তাহার—আমি হাঁপিয়ে উঠেছি । চলুন মিঃ সিন্হা, আমাদের দেয়ী হয়ে যাচ্ছে ।

সিতিকণ্ঠ ॥ (শঙ্করের প্রতি তাচ্ছিল্যের ভঙ্গীতে হাত তুলিয়া) চল—চল
“Let us go, far, far away from the maddening crowd.”

হাতের ভঙ্গীটি ভাঙিয়া পড়িবার পূর্বেই দ্রুত যবনিকা



পঞ্চম দৃশ্য

শিবধন রায়ের বাড়ীর একটি অব্যবহৃত কক্ষ ।
প্রাচুর্যের দিনে ইয়ার বন্ধুদের নিয়া মজলিস বসিত
এই কক্ষে । আজ রায়বংশের সে রুমঝুমি নাই ।
শিবধন রায় দেউলিয়া বলিয়া নিজেকে ঘোষণা করিবার
জন্তে আদালতে আবেদন পত্র প্রেরণ করিয়াছেন ।
তাই, প্রদীপ নিভিবার আগে আকস্মিক উত্তেজনায়
জ্বলিয়া উঠিয়াছে ।

শেষ সম্বল আংটা বিক্রী করিয়া দামী বিলাতি মদ পান
করিয়াছেন শিবধন রায় । নেশা ক্রমশঃ তাঁর স্নায়ুকে
আচ্ছন্ন করিতেছে । পুরোপুরি মাতাল তিনি কোনদিনই
হ'ন না, আজও নেশায় মাঝে মাঝে ঢুলু ঢুলু
করিতেছেন । মনে পড়িতেছে অতীতের উজ্জ্বল
সমারোহ ঘেরা বৈচিত্র্যময় দিনগুলি—মনের পটে শুঁড়
করিয়া আসিতেছে তাঁহার কীর্তি কলাপ, 'সাজাহান',
'চাণক্য', 'কর্ণ' তাঁহার অতিসাধের, বহুরূপে বহুবার
অভিনীত পাটগুলি । মাঝে মাঝে তিনি ভুলিয়া
যাইতেছেন,—এটা বাড়ী, না রঙ্গমঞ্চ, তিনি শিবধন
রায়, না 'চাণক্য', 'সাজাহান' অথবা 'মহাবীর কর্ণ' ।
কক্ষটি ধুলি ধূসরিত । ভগ্নপ্রায় আসবাব, মাকড়সার
জালঘেরা আলোদানী, সব মিশাইয়া মধ্যযুগের কোন
পরিত্যক্ত দুর্গ বলিয়া মনে হইতেছে । সন্ধ্যার
বিদ্যুৎটে অন্ধকার নামিয়া আসিতেছে । একটা
করণ ভয়ানকির আভাস, একটা ছম্ছমে ভাব । মঞ্চ শূন্য,
একটু পরেই দেখা গেল এক অস্পষ্ট মূর্তি থামের
আড়ালে । তাঁহার কণ্ঠে সব হারাণোর গভীর বেদনা ও
হতাশা । তিনি যেন তীব্র আকাঙ্ক্ষায় কী খুঁজিতেছেন ।

কখনো দেয়ালে, কখনো পিতৃপুরুষের টাঙানো ছবির
নীচে হাত বুলাইয়া তিনি প্রার্থনা জানাইতেছেন,
হয়ত তাঁহার কৃতকর্মের জন্য ক্ষমা প্রার্থনা করিতেছেন
মুক ভাষায়। মনে হয় এ পরিতাপ্ত পুরীতে তিনি
এক অভিশপ্ত আত্মা। দূরশ্রুত কোন বারিপাতের
মতো গভীর তাঁর কণ্ঠস্বর—ক্ষোভে, বেদনায়।

শিবধন ॥ (খামে হাত বুলাইয়া)

হিরণগড়,.....রায়বংশের শ্রেষ্ঠ কীর্তি, চরম কীর্তি হিরণগড়...

কটোর নীচে মাথা অবনত করিয়া

পিতা, এই তোমার বড়ো সাধের হিরণগড়, সোনার হিরণগড়...

ছারখার হয়ে গেলো...অভিশাপে ছারখার হয়ে গেলো...

হিরণগড়... তোমার যৌবনের স্বপ্ন, সারা জীবনের সাধনা,

জোয়ারের মুখে তার শেষ পরিচয়টুকু নিশ্চিহ্ন হয়ে ডুবে গেলো,

পারলেনা না, তোমার অযোগ্য বংশধর—সে ধ্বংসের স্রোতকে

প্রতিরোধ করতে পারলে না। ক্ষমা করো পিতা, স্বর্গ থেকে

তোমার অধঃপতিত সন্তানকে ক্ষমা করো।

নতজানু হইলেন।

হিরণগড়ের ধ্বংসস্তূপের নীচে তোমার অকর্মণ্য পুত্রের সমাধি

রচনা করতে দাও। হিরণগড়ের বিলুপ্তির সঙ্গে সঙ্গে তাকেও

পৃথিবীর বুক থেকে নীরবে মুছে যেতে দাও। পিতা, শুধু এইটুকু

দয়া করো, আশীর্বাদ করো।

পিছন দিকে আসিয়া দাঁড়াইলেন সুকুমারী। আলো

জ্বালার সঙ্গেই নতজানু অবস্থায় শিবধন রায় চমকিয়া

উঠিলেন।

শিবধন ॥ কে ?

সুকুমারী ॥ (কাছে গিয়া মদের গন্ধ পাইলেন) আবার তুমি মদ খেয়েছ ?

(অশ্রু-কাতর কণ্ঠে) তোমাকে কত করে বারণ করলাম।

হে বীর পূর্ণ কর

শিবধন ॥ শুধু এই শেষ বারের মতো হিরণগড়ের শেষ রাজাকে পেট ভরে
মদ খেতে দাও বড়বো।

সুকুমারী ॥ তুমি যদি মনোযোগ দাও, হিরণগড়ের শ্রী আবার ফিরে আসবে।

শিবধন ॥ মিথ্যে আশা বড়বো, মিথ্যে আশা। মানুষ বধন হারায়, তখন
এমনি করেই সর্বস্ব খুইয়ে পথের ভিখিরী সাজে।

শিবধন দেওয়াল নংলগ্ন কুঠুরী হইতে মদ ঢালিতে
গেলেন

সুকুমারী ॥ মণির বিয়ের আলাপটার কথা ভেবে দেখো।

শিবধন রায় ডিকান্টারে মদ ঢালিলেন

শিবধন ॥ ওসব পরে শুনব। এই সাত দিন ভরে শুধু আমোদ, আহ্লাদ,
শুধু উৎসব আর আনন্দ।

মদের পেরালায় চুমুক দিয়া

তোমকে বলিনি, দেউলে ঘোষণা করবার জন্যে আদালতে দরখাস্ত
পেশ করেছি। এবার সত্যিই হিরণগড়ের রাজাকে পথের ভিখিরী
হ'তে হলো বড়বো!

মদ পানের সঙ্গে সঙ্গে তাঁর কণ্ঠ উদগত অশ্রুতে
জড়াইয়া আসিল। সুকুমারী হাত ধরিলেন

সুকুমারী ॥ ও বিষ তুমি আর খেতে পারবেনা। আমার মাথার দিব্যি রইল।

শিবধন হাত সরাইয়া দিলেন।

শিবধন ॥ আজ তোমার কোন বারণ-ই আমি শুনবনা বড়বো। সাতদিন
পরে তোমাকে, আমাকে, সবাইকে পথে দাঁড়াতে হবে।

শিবধন রায় মদ পান করিলেন

হিরণগড়ের কুবেরের মতো ঐশ্বর্যশালী রাজাকে হুঁমুঠো অয়ের জন্য
ভিকের-পাত্র হাতে নিয়ে সকলের সঙ্গে এক সারিতে দাঁড়াতে হবে,
কেউ চিনবে না, কেউ জানবে না, অখ্যাত, অবজাত...

শিবধন রায় উচ্ছ্বল ভাবে হাসিয়া উঠিলেন

চমৎকার দৃশ্য, দেখবার মতো, অভিনয় করবার মতো...

সুকুমারী ॥ ঐ মন আর নাটক, তুমি আমার গা ছুঁয়ে শপথ করে ছেড়ে দাও।

শিবধন ॥ ছাড়তে পারছি কই? আমার বুক ফেটে যাচ্ছে, আজকের মতো
নেশায় আমাকে ডুবে থাকতে দাও বড়বো, আমার একলা থাকতে
দাও।

শিবধন রায় আরেক চুম্বক দিলেন

সুকুমারী ॥ তুমি বংশের মাথা। ঝড়ের ঝাপটা বড় গাছকেই সহিতে হয়। শত
বিপদেও তোমার ত হাল ছাড়লে চলবে না।

শিবধন ॥ শিবধন রায় ভাঙবে, তবু মচকাবে না।

সুকুমারী ॥ ছেলেরা খেয়ালী—থাক ওরা ওদের খেয়াল নিয়ে। মণি আমার
মেয়ে হলেও ছেলের সমান। ওর বর-ই তোমার ছেলের কাজ
করবে।

শিবধন ॥ দেউলে জমিদারের মেয়েকে বিয়ে করে কে গলগ্রহ বাড়াবে বড়বো?

সুকুমারী ॥ পাত্র আমি মনে মনে ঠিক করে রেখেছি। চৌধুরী মশায়ের
ভাগ্নে পল্টু। ঠিকেতে মোটা টাকা পেয়েছে।

শিবধন ॥ (গুম হঠিয়া রহিলেন, তারপর গম্ভীরভাবে) আমাকে মত দিতে
বলছ?

সুকুমারী ॥ এখন শুধু তোমার মতের অপেক্ষা। এ বিয়েতে আমাদের সাশ্রয়
হবে, যৌতুক কিছুই দিতে হবে না, শুধু শাখা সিদুর দিয়ে মেয়ে
ওরা ঘরে তুলবে। আর আমাদের সব দেনাও ওরা শোধ করে
দেবে।

শিবধন ॥ (চূপ করিয়া রহিলেন, তারপর তাঁহার পিতার ফটো দেখাইয়া)
এই ফটো দেখছ?

সুকুমারী তাকাইলেন

- বাবা বেঁচে থাকলে এ বিয়ের প্রস্তাব করতে তুমি সাহস পেতে ?
 সুকুমারী ॥ (শাস্ত কণ্ঠে) স্বশুর মশায় বেঁচে থাকলে অবস্থা বিবেচনায় তিনি
 অমত করতেন না । এখনো আমরা তাঁর আশীর্বাদ চাইব ।
 হিরণগড় যদি রক্ষা পায়, স্বর্গে থেকেও তিনি শাস্তি পাবেন ।
- শিবধন ॥ হিরণগড়ের বংশ, মর্যাদা মান, সম্মত, সব তুমি টাকাব পায়ে
 বিকিয়ে দেবে ? এই পরামর্শ তুমি বড়বৌ হয়ে দিচ্ছ ?
- সুকুমারী ॥ মাথা ঝাঁক উঁচু, তারই নত করা চলে ।
- শিবধন ॥ (ম্লান হাসিতে) শেষ অবধি সিংহ শিশুকে সন্ধি কর'ত হবে স্থাংটি
 হুঁতুরের সঙ্গে ?
- সুকুমারী ॥ ছোটকে কাছে টেনে নিলে বড়োব গৌবব বাঁডে বৈ কমে না ।
 শিবধনের মনে গুরুতর প্রতিক্রিয়া হুক হইল । অতিরিক্ত
 মাত্রায় মন পান করিলেন
- সুকুমারী ॥ তুমি অমত করোনা, আমি বলছি তুমি মত দাও ।
 শিবধন রাগের নেশা চরমে উঠিতেছে । সুকুমারী কাছে
 গেলেন ।
- শিবধন ॥ আমার কি মনে হয় জানো বড়বৌ, মনে হয়, নাটকটা-ই যদি জীবনে
 সত্য হয়ে উঠতো, আর জীবনটা হয়ে যেতো মিথো, অভিনয়ের
 মতো শুধু কল্পনা...
- মদের পেয়ালায় চুমুক দিলেন
- সুকুমারী ॥ বলো মত দিলে । এত বড় সম্পত্তি, রাজ-সমারোহে, সব ছ'দিনেই
 উবে গেল । তবু তুমি ফিরে তাকাবে না ? এমনি কবে তুমি
 খেয়ালের বশে সব উড়িয়ে দেবে ?
- শিবধন রাগের গাঢ় গলা । নিজকে 'সাজাহান'
 কল্পনা করিয়া
- “ঐ প্রস্তুতীভূত প্রেমাক্রম, ঐ অনন্ত আক্ষেপেব আপ্নত বিয়োগের
 অমরকাহিনী, ঐ স্থির মৌন নিষ্কলঙ্ক শুভ্র মন্দির, ঐ তাজমহলের
 দিকে চেয়ে দেখ, সে কি করণ ”...

সুকুমারী ॥ তুমি ওমন করলে বাড়ীর সবাই যে ভয় পাবে। তুমি স্থির হও, শাস্ত হও।

‘সাজাহান’ হইতে

শিবধন ॥ “আমি আজ পুত্রের হস্তে বন্দী, নারীর মত অসহায়—শিশুর মত দুর্বল। মাঝে মাঝে ক্রোধে গর্জন করে উঠি, কিন্তু শরতের মেঘের গর্জন, একটা নিফল হাহাকার মাত্র। আবার নির্বিষ আফালনে আমি নিজেই ক্ষয় হয়ে যাই। উঃ, ভারত সম্রাট সাজাহানের আজ এ কি অবস্থা!”

সুকুমারী ॥ তোমার ছেলেদের ভবিষ্যত এমনি করে তুমি নষ্ট করো না।

‘নিজকে ‘কর্ণ’ কল্পনা করিয়া

শিবধন ॥ “আস নাই মোর তরে,

আমি সেই বিসর্জিত অভাগা তনয় তব।

আসিয়াছ পঞ্চপাণ্ডবের কল্যাণ কামনা করি।

আর কলঙ্কের ডালি তুলে দিতে

শিরে মোর।

কিন্তু সত্যে বন্ধ আমি দুঃখ্যেধন পাশে,

আমরণ আশ্রয় তব করিব পালন।

তাজিতে তাহারে না পারিব কভু,

যদি জগতের সমস্ত মাতৃভ

অজি দীন কণ্ঠে ভিক্ষা করে

কর্ণের নিকট।”

সুকুমারী ॥ তুমি এমন করলে আমি সহিতে পারি না, আমি পারি না।

শিবধন রায় চুমুকে চুমুকে মদ পান করিতেছেন।

সুকুমারীর আর সহ হইল না, তিনি জোর করিয়া

ডিকান্টার কাড়িয়া লইলেন

হে বীর পূর্ণ কর

তোমাকে এ পাপ আমি আর ছুঁতে দো'ব না, এমন ভাবে সকলের
সর্বনাশ ডেকে আনতে দো'ব না, কিছুতেই না। তুমি শোবে চলো।

সুকুমারী হাত ধরিলেন। ধাক্কা দিয়া শিবধন রায়
সুকুমারীকে সরাইরা দিলেন। 'চাণাক্যে'র পাট

শিবধন ॥ "তুমি কি বুঝবে নারী! লুপ্ত গৌরবের দীন মহিমা, যার রক্ত আবেগে
কারাগারের লৌহদ্বারে মাথা ঝুঁড়ে নিজেই রক্তাক্ত হয়ে ভুলুষ্ঠিত
হয়। তুমি কী বুঝবে নারী, এ প্রতি-হিংসার জ্বালা, এ মর্মদাহ..."

তিনি টলিতে টলিতে মঞ্চ ভাগ করিলেন। অশ্রু
দরজা দিয়া মণিকার প্রবেশ।

মণিকা ॥ বাবা কোথায় মা, তাঁর ওষুধ খাওয়ার সময় হলো।

সুকুমারী ॥ সবই আমার কপাল মা, ভাঙা কলসী সহজে জোড়া লাগে না!

মণিকা ॥ সময়ে ওষুধ না খেলে শরীর কী টিকবে মা?

সুকুমারী ॥ মন স্থির না হলে গুঁর শরীর বলো, সম্পত্তি বলো, কিছুতেই মন
বসবে না ॥ আর তাঁ'কে আবার বিষয়ী করতে পারিস্ একমাত্র
তুই মা!

মণিকা ॥ (সবিস্ময়ে) আমি?

সুকুমারী ॥ (দৃঢ় প্রত্যয়ে) হ্যাঁ তুই, পরিবারের যা অবস্থা, তা'ত দেখেছিস্!
দেনার দায়ে মাথার চুলটি পর্যন্ত বিকিয়ে যাচ্ছে।

মণিকা ॥ তুমি যত খুসী চ্যাঁচাও, দাদারা কিছুতেই শুনবে না মা।

সুকুমারী ॥ ওদের কথা বাদ দে, তুই-ই আমার ছেলের কাজ করবি। আমি
ঠিক করেছি পন্টুর' সঙ্গেই তো'র বিয়ে দো'ব।

এই প্রস্তাবে মণিকা বিমুঢ় হইয়া গেলো। তাহার জবাব
বাহির হইল না।

আর বংশ নিয়ে অতো আঁটাআঁটি কিসের? চাল নেই, চুলো

নেই, বংশের ধ্বজা ধরলে লোকে শুধু মুখ টিপেই হাসে মা। তুই মত দে।

মণিকা ॥ (তাহার জিহ্বা আড়ষ্ট হইয়া আসিল) আমাকে ভাবতে দাও মা।

সুকুমারী ॥ খুব বেশী ভাববার সময়ও নেই মণি। শুভ কাজে অনেক বাধা। ভেবে দেখ, এ বিয়ে না হলে গোটা পরিবার ভেসে যাবে। হিরণগড়ের শোকে তোর বাবা পাগল হয়ে যাবেন। ভিক্ষের ঝুলি হাতে নিয়ে সবাইকে পথে দাঁড়াতে হবে। তুই আপত্তি করিসনে মণি, তুই মত দে।

সুকুমারীর প্রস্থান

“এ বিয়ে না হলে গোটা পরিবার ভেসে যাবে।”

মণিকার কানে কথাটা প্রতিধ্বনিত হইলো। সে শিহরিয়া উঠিল প্রতিবারের প্রতিধ্বনিতে

“হিরণগড়ের শোকে তোর বাবা পাগল হ'য়ে যাবেন।”

মণিকার মনে দারুণ দ্বন্দ্ব

“ভিক্ষের ঝুলি হাতে নিয়ে সবাইকে পথে দাঁড়াতে হবে।”

দারুণ চাকল্য তাহার মুখে। সে দ্রুত চলিয়া গেল। মঞ্চ শূন্য। একটু পরেই বিজন ও সুকুমারীর প্রবেশ।

বিজন ॥ আমার কথাটা আগে শোনো মা। আমার রোজ মাখন খাওয়া চাই।

সুকুমারী ॥ তোদের পাঁচ রকমে খাওয়াতে কি আমার সাধ যায় না বাবা?

বিজন ॥ পাঁচ রকম না হোক, মাখন আমার চাই-ই। ফিল্ম কোম্পানী থেকে ফটো চেয়ে নিয়েছে কিনা। যে কোন দিন ডেকে পাঠাতে পারে।

সুকুমারী ॥ চাকরী করবি?

বিজন ॥ চাকরী নয়। হ্যাঁ, চাকরীও বলতে পারো। তবে কেরণীগিরি নয়, আর্টের চর্চা। পল্টু বলে “Film is your line.” ও তুমি আবার ইংরেজি বুঝবে না, মানে সিনেমাই আমার প্রতিভা বিকাশের একমাত্র স্থান।

সুকুমারী ॥ পল্টু ভালো বুদ্ধি ত দেবেই। চিরদিন-ই এ বাড়ীর শুভানুধ্যায়ী।

বিজন ॥ (হঠাৎ নাটকীয় ভঙ্গিতে)

নারী! সন্ধ্যাে কালের সংহার-মূর্তি! দেখছ না আকাশ কি স্থির! রুদ্ধশ্বাসে সে যেন এক ঝটিকার অপেক্ষা করছে। সব প্রস্তুত। এখন নারীর কাকুতি শুনবার সময় নয়। যাও, শিবিরে ফিরে যাও।

পিতার নাটকসত্তি পুত্রে বর্তিয়াছে ভাবিয়া সুকুমারী
তুই পা পিছাইয়া গেলেন।

বিজন ॥ ও ধরণের যাত্রা ঢংএর এ্যাক্টিং এখন একেবারেই অচল। সিনেমার যুগ কিনা, অভিনয়ের কায়দা কানুন সব আগাগোড়া বদলে গেছে। বাবার এ্যাক্টিংএর genius ছিল মা, কিন্তু দানী-বাবুকে follow করতে গিয়ে তিনি utter failure হয়ে গেলেন।

‘গৃহদাহ’ কথাচিত্র হইতে মাকে লক্ষ্য করিয়া

“কি তোমার গর্ব করবার আছে, অচলা? ঐ ত মুখের শ্রী, ঐ ত কাঠের মত দেহ, ঐ ত গায়ের রঙ। তবু যে ভুলেছিলাম—সে কি তোমার রূপে?”.....

দেখলে ত মা, হাত পা ছোড়াছুড়ি নেই, লাফালাফি নেই, মিহি সুরে কেমন একখানা fine part। পর্দাতে অভিনয়ের ধারাই আলাদা।

মণিকার প্রবেশ

মণিকা ॥ মা’কে অভিনয়কলা না শেখালে ও আকাশে চন্দ্র সূর্য ঠিক উঠবে দাদা, এদিকে ঘরে চাল নেই, রাত্রে কি হাড়ি চড়বে না?

বিজন ॥ (বিরক্তিতে) দেখ্, ওসব মাইনর ওয়ার্কসের জন্তে আমার ডিষ্ট্রাব করিসনে । I have a mission in life—ও বাবা, বাবা আসছেন

বিজনের দ্রুত পলায়ন । মণিকাও চলিয়া গেল । শিবধনের প্রবেশ । ঝড়ের পর স্নিগ্ধ প্রশান্তি হাতে তাহার মুখে রুদ্রাক্ষের মালা

শিবধন ॥ (ভাবী গলায়) মণিকে ডেকে দাও ত

শিবধনকে আত্মভোলা দেখাইতেছে । উচ্ছ্বাসতার পর গভীর প্রতিক্রমার তিনি অননত, শান্ত । স্কুমারী মণিকাকে ডাকিতে গেলেন একটু পরেই মণিকার প্রবেশ ।

মণিকা ॥ আমাকে ডেকে পাঠিয়েছেন বাবা ।

শিবধন ॥ হাঁ মা । একটা কথা জিজ্ঞেস করব । তোমার মন যা বলে, তাই জবাব দিও । সঙ্কোচ করোনা ।

মণিকা প্রতীক্ষায় উন্মুখ হইল

শিবধন ॥ (মর্যাদা-দৃষ্ট কণ্ঠে) তোমার মা ক'দিন থেকেই পল্টুর সঙ্গে তোমার বিয়ের আলাপ করতে বলছেন । প্রস্তাবটা অগ্রাহ বলেই এতদিন আমি অামলই দিইনি । কিন্তু, ঋণের দায়ের আমি দেউলে হতে চলেছি । দেউলে ঘোষণার প্রার্থনা মঞ্জুর হলেই আমাদের পথে দাঁড়াতে হবে । এ অবস্থায় পরিবারের মুগ চেয়ে ..

শিবধন জবাবের প্রত্যাশায় মণিকার দিকে স্থির দৃষ্টি তুলিয়া ধরিলেন । মণিকা মানসিক দ্বন্দ্ব বিদীর্ণ । তাহার কথা আর্ন্তনাদের মত শুনাইল

মণিকা ॥ বাবা !

শিবধন ॥ আমার মতকে জোর করে কোন দিন কারো ওপরে চাপাতে চাইনি মা, আজো চাপাব না । সব দিক বিবেচনা করে তোকেই জবাব দিতে বলছি ।

হে বীর পূর্ণ কর

মণিকার মুখে শুধু মুক বেদনা.. সে কাঁপিতেছে

মণিকা ॥ আপনার মতের 'পর কোনদিন কথা কইবার শিক্ষা আমরা পাইনি বাবা ।

শিবধন ॥ আমার বড় সাধ ছিল তোকে লেখাপড়া শেখাব । দাদাগুলো ত গোল্লায় গেছে, তুই ডিগ্রী পাবি, এম, এ, পাশ করবি । কিন্তু ভগবান মানুষের সব ইচ্ছাকে পূর্ণ করেন না মা—তাই অসময়ে এই বিয়ে—বিয়ে নয় মা, বিয়ের নামে বিক্রী ।

মণিকা 'বাবা' বলিয়া শিবধনের বুকে ঝাঁপাইয়া পড়িল ।
শিবধন গভীর আবেগে মেয়েকে আলিঙ্গনে ডুবাইয়া রাখিলেন । সবুজ আলো কেল্লীভূত হইয়াছে মেয়ে ও পিতার মুখে ।

শিবধন ॥ (গভীর স্নেহে মেয়ের বিশস্ত চুলকে স্তব্ধকৃত করিতে করিতে)
বুঝেছি মা, জবাব আমি পেয়েছি । সম্পত্তি যাক, পরিবার ডুবুক, সব যাক, তবু তোকে আমি যার তার সঙ্গে ভাসিয়ে দিতে পারবো না । হিরণ্যগড়ের মেয়ে তুই, রাজরাণী হতে না পারিস, সারা জীবন আইবুড়ো থাকবি, সেও বরং ভালো, এ বিষের চেয়ে সে ঢের ভালো, ঢের ভালো ।

শিবধন মেয়ের কপালে স্নেহে হাত বুলাইতেছেন, মম্বর গতিতে যবনিকা নামিতেছে



তৃতীয় অঙ্ক

প্রথম দৃশ্য

কুস্তলা 'রেডিও'র গানের সঙ্গে হুর মিলাইয়া গান
গাহিতেছিল । কক্ষটি প্রায়ন্ধকার । শুধু সবুজ
শেডে ঢাকা টেবিল-ল্যাম্প জ্বলিতেছে ।

'রেডিও'র গান :

দিক দিগন্ত অঁধারে গিয়েছে ঢাকি' ।
নিভে গেছে আলো, আজিকে রুদ্ধপ্রাণ ।
কোথা উড়ে যাও অন্ধ কালের পাখি ?
তিমির তীর্থে আমরা তোমারে ডাকি,
শোন এ বন্দী বাতায়নিকের গান :
এই অঁধারের ঘন অবরোধ খানি,
ছিন্ন করো গো কঠিন চঞ্চু হানি' ।
তোমার পাখায় দাঁও প্রভাতের প্রাণ,
তোমার কণ্ঠে বরুক আলোর গ্লান ॥

হঠাৎ একটি লোক কক্ষে প্রবেশ করিল । মাথায়
মাংকি-ক্যাপ, চোখে নীল চশমা । আগন্তুককে চিনিতে
না পারিয়া কুস্তলা থমকিয়া দাঁড়াইল । আগন্তুক
কিন্তু নিজেই টুপী ও চশমা খুলিয়া ফেলিল । কুস্তলা
সুইচ্‌টিপিয়া শাদা আলো জ্বালিলে দেখা গেলো সে
অশোক । অশোকের এই অপ্রত্যাশিত আগমনে
বিস্ময়-নির্বাক কুস্তলা ।

অশোক ॥ চিন্তে কষ্ট হচ্ছে বুঝি ?

কুস্তলা ॥ মাথায় টুপী, চোখে চশমা.....

অশোক ॥ লোকের চোখে ধুলো দেবার উত্তম মুখোসটা খুবই দরকারী ।

যে ঠকায় তার পক্ষেও, যারা ঠকতে চায় তাদের জন্তেও ।

কুস্তলা ॥ এই অসময়ে ?

অশোক ॥ সময় জ্ঞানটা আমার খুব টনটনে নয় । অত ঘড়ির কাঁটা ধরে

চলা আমার পোষায় না, আর প্রেম নিবেদন করতে আসিনি—

নিশ্চিত থাকতে পার ।

কুস্তলা ॥ মন-দেয়া-নেয়ার পালা আমাদের অনেক আগেই ফুরিয়েছে ।

অশোক ॥ তুমি দয়া করে যখন নিকৃতি দিয়েছ...

কুস্তলা ॥ তুমি মুক্তি নিয়েছ আর

অশোক ॥ আর অমনি তুমি মনের আনন্দে লালঝাণ্ডা হাতে নিয়ে ক্যাশিষ্ট

দস্যাদের ভাড়াতে ধেরিয়েছ—চমৎকার দৃশ্য কন্সরেড্ কুস্তলা—

জোয়ান অব-আর্ক অব-ইণ্ডিয়া...

কুস্তলা ॥ তোমার মন দেখছি এখনো শান্ত হয়নি । নইলে এমনভাবে

বাড়ী বয়ে অপমান করতে তুমি আসতে না ।

অশোক ॥ অপমান নয়, তোমাকে স্মরণ করিয়ে দিতে এসেছি, তুমি আগুন

নির্থে খেলতে শুরু করেছ ।

কুস্তলা ॥ চরম আনন্দ পেতে হলে আগুন নিয়ে খেলাই ত উচিত ।

অশোক ॥ আগুন হাতে নিয়ে সর্বনাশের নেশায় মেতেছ তুমি ।

কুস্তলা ॥ তবু ত চরম খেলা, আগুনের হাল্কা হাতে নিয়ে চরম খেলা ।

অশোক ॥ আমি সাবধান করে দিচ্ছি, তুমি সাংঘাতিক পথে পা বাড়ানো ।

কুস্তলা ॥ আমার ভালো মনের ভাগী হতে কাউকে ত ডাকিনি আমি ।

অশোক ॥ এ যদি তোমার ব্যক্তিগত ভালো মনের কথা হতো, আমি বাধা

দিতে আসতাম না । কিন্তু তোমরা শ্লোগান দিয়ে বিলাস করে

দিচ্ছ গোটা দেশকে ।

কুম্ভলা ॥ আমার রাজনৈতিক মতবাদ নিয়ে কারো সঙ্গে আমি ঝগড়া করতে চাইনে।

অশোক ॥ এ মতবাদ নয়—শখ, মেয়েদের নতুন ফ্যাসানে শাড়ী পরার মত একটা ক্ষণস্থায়ী খেয়াল।

কুম্ভলা ॥ মেয়েদের সম্পর্কে তোমার মূল্যবান অভিমতগুলো আমাকে না শুনিয়ে কাগজে লিখে পাঠালেই বাহবা পেতে বেশী।

উদ্বেজিতকণ্ঠে

অশোক ॥ তোমরা—কম্যুনিস্টরা দেশের স্বাধীনতা আন্দোলনের বুকে পেছন থেকে ছুরি মারছ। কংগ্রেস গত পঞ্চাশ বছরে যে আন্দোলন গড়ে তুলেছিল, তোমরা সে আন্দোলনের মেরুদণ্ড ভেঙ্গে দিচ্ছ—
তোমরা, তোমরা কম্যুনিস্টরা দেশের শত্রু, জাতীর শত্রু,.....

অশোকের দ্রুত প্রস্থান। অশোকের এই আকস্মিক ক্রোধোচ্ছ্বাসে কুম্ভলা বাত্যানুকূল পাখীর মত আন্দোলিত হইতেছিল। এমন সময় নব্র পদে, ভীকু সঙ্কোচে প্রবেশ করিল মণিকা। রাত্রি তখন আটটার বেশি।
চারিদিক নীরব, নির্জন।

কুম্ভলা ॥ কে আপনি? কী দরকার?

মণিকা ॥ আমি এসেছি আপনারই কাছে।

কুম্ভলা ॥ আপনার পরিচয়টা আমার জানা বোধ হয় দরকার।

মণিকা ॥ আমি.....বিজন, আমার বড়দা।

কুম্ভলা ॥ ও,

অক্ষুট উচ্চারণ খামিয়া গেল বিম্বিত স্তব্ধতায়।

তুমিই মণিকা.....অশোকদা'র.....(সহজ কণ্ঠে) হিরণ্যগড়ের জমিদার শিবধন রায়ের মেয়ে।

মণিকা ॥ জমিদার বলে আমাদের আর লজ্জা দেবেন না কুম্ভলাদি। (একটু খামিয়া) আপনার কাছে আজ আমি চাইতে এসেছি।

কুম্ভলা ॥ চাইতে এসেছ ?

কুম্ভলা সহসা মণিকার এই অদ্ভুত ধরনের কথা বার্তায়
অবাক হইয়া গেল

মণিকা ॥ হাঁ, চাইতে এসেছি, ছোট্ট একটি অনুরোধ নিরে ভিক্ষে চাইতে
এসেছি ।

কুম্ভলা ॥ বেশ, অনুরোধটা আগে শুনি ।

মণিকা অল্পক্ষণ চুপ করিয়া রহিল

বলতে সম্মানে বাধছে বুঝি ?

মণিকা ॥ সম্মানে নয় । ভাবছি কথাটা আপনি কী ভাবে নেবেন ।

কুম্ভলা ॥ কথাটা আগে আমাকে বুঝতে দাও ।

মণিকা ইতস্তত করিতেছে

মণিকা ॥ শঙ্করদা'কে আপনি চলে যেতে দিন ।

কুম্ভলা ॥ (ভ্রমরু বাঁকাইয়া) এ কথার অর্থ ?

মণিকা ॥ আমি জানি, আপনিই শুধু তা পারেন ।

কুম্ভলা ॥ এ সব তোমার অনধিকার চর্চা, আর আমার শোনাও নিশ্চয়োজন ।

মণিকা ॥ কিন্তু শঙ্করদা'র স্বার্থের দিকে তাকিয়েও আপনার শোনা দরকার ।

কুম্ভলা ॥ তোমার গরজ থাকে, তুমি স্বার্থরক্ষা করগে । আমাকে জড়ানোর
কোন মানে হয় না ।

মণিকা ॥ আপনি তাঁকে ছেড়ে দিন ।

কুম্ভলা ॥ ছেড়ে দিন মানে ? আমি তাঁকে বেঁধে রেখেছি নাকি ।

মণিকা ॥ আপনি দেশের কাজে নেমেছেন—এমন কত কর্ম্মী আপনার
সাহায্যে এগিয়ে আসবে—আপনি শুধু তাঁকে ছেড়ে দিন ।

কুম্ভলা ॥ তুমি অশান্ত, তাই গোড়ার কথাটাই বুঝতে পারছ না । তাকে
পূজো করেই ত আমার দেশের কাজে নামা । সে কম্যুনিস্ট বলেই
ত, আমি কমরেড ।

মণিকা ॥ কিন্তু একদিন আপনাকে অনুতাপ করতে হবে—আপনার ভুলের জন্যে।

কুম্ভলা ॥ শরতের পর শীত, জীবনের পেছনে মৃত্যু, অমুরাগের পরিণামে অনুতাপ—এই ত সংসারের নিয়ম। (ভাববিহ্বল কণ্ঠে) ভুল করে একজনকে হারিয়েছি, আর আমি কাউকে হারাতে পারব না।

মণিকা ॥ জোর করে ধরে রাখলে আপনি শুধু তাঁরই বিপদ ডেকে আনবেন, আপনি ত জানেন না, তিল তিল করে সে ক্ষয় হয়ে যাচ্ছে, যক্ষ্মার বীজানু বৃদ্ধি করে সে কাজের নেশায় নিজেকে ধ্বংস করে দিচ্ছে।

কুম্ভলা সহসা শীতার্জ পত্রের মত ঝরিয়া গেল। আকস্মিক
আঘাতে বিমুঢ়-স্তব্ধ

কুম্ভলা ॥ তাঁর যক্ষ্মা—টি, বি ?

মণিকা ॥ আমি নিজে তাকে সেবা করেছি। স্যানিটারিয়ামে সে ছিল কিছু দিন—কিন্তু দেশের ডাক তাঁকে থাকতে দেয়নি!... শুধু আপনি মুক্তি দিলেই আমি তাকে নিয়ে চলে যেতে পারি...শহর থেকে দূরে, গ্রামের শান্ত বৃক্ষে, খোলা হাওয়ার মাঝখানে। কোলাহল নেই, কাজের তাড়া নেই...

কুম্ভলা ॥ (প্রায় স্বগতোক্তির মত) কিন্তু তাঁকে হারিয়ে আমি বাঁচব কী সম্ভব নিয়ে ?

মণিকা ॥ আপনি কমরেড—আপনার জীবনের আদর্শ এর চেয়ে অনেক বড়ো। আমি মেয়ে হয়ে আর একজন মেয়ের কাছে ভিক্ষে চাইতে এসেছি...আপনি তাঁকে ছেড়ে দিন, তাঁকে বাঁচান।

কুস্তলা ॥ (ম্লানহাসি) কমরেডদের জীবনে বুঝি স্বপ্ন থাকতে নেই, কমরেডদের
 বুঝি ভালোবাসতে নেই.....? (দারুণ চাঞ্চল্যে) না, না, ভিক্ষে
 আমি দিতে পারব না। সে-ই আমার দেশ, আমার স্বপ্ন, আমার
 সর্বস্ব। পারব না, আমি তাঁকে হারাতে পারব না।

কুস্তলার কণ্ঠে কান্নার স্বর ফুটিয়া উঠিল। দারুণ
 স্বন্দে কুস্তলা বিপন্ন, বিপযাস্ত।

ক্রান্ত যবনিকা

দ্বিতীয় দৃশ্য

শিবধন রায়ের কক্ষ। নীল আলো জ্বলিতেছে। অতীত ঐশ্বর্য এবং আড়ম্বরের বিলুপ্ত প্রায় ভগ্নাবশেষ চোখে পড়ে। দামী অথচ পুরানো পালঙ্কের একাংশ দেখা যাইতেছে। অন্তান্ত আসবাবপত্র খুব বেশী নাই। কক্ষটি শ্রীহীন এবং শ্রীভ্রষ্টতার ছাপ অতি সুস্পষ্ট। যবনিকা উঠিলে দেখা গেল, যে কোন কারণেই শিবধন রায় ঠিক প্রকৃতিস্থ ন'ন এবং সুকুমারী তাহাকে অনুন্নয় করিতেছেন।

সুকুমারী ॥ তোমাকে আমি মিনতি করছি। শুধু এই অনুরোধটুকু আমার করোনা।

শিবধন ॥ (একটু জড়ানো স্বরে) রায়বংশের মর্যাদার কথা স্মরণ করেও তোমার আপত্তি করা উচিত নয় বড়বো।

সুকুমারী ॥ গোটা পরিবারকেই যখন পথে দাঁড়াতে হচ্ছে, তখন অমন শিথো বংশের জাঁক আমাদের শোভা পায় না।

শিবধন ॥ সে যখন পথে দাঁড়াবো, তখনকার কথা তখন। এখন পর্যন্ত এ বাড়ীর মালিক আমরা—অতিথিদের যোগ্য সম্বর্ধনার ভার আমাদের এবং তা সম্পূর্ণ ক্রটিহীন হওয়া চাই।

সুকুমারী ॥ তোমাকে এত করে মাথার দিবি দিলুম—তবু খিয়েটারের নেশা তুমি ছাড়তে পারলে না।

শিবধন ॥ হিরণগড়ের নাটমন্দিরে হয়ত এই আমাদের শেষ অভিনয়। যাও, অলঙ্কারের বাস্কাটা নিয়ে এসো।

সুকুমারী ॥ অদ্ভুত তোমার শখ । সব বিক্রী করেও তোমার সাধ মিটল না...
এখন স্বপ্তর ম'শায়ের দেয়া ক'খানা গয়না বিক্রী তুমি
না করলে শাস্তি পাচ্ছ না।

শিবধন ॥ কী করব বল । যদি ধার পেয়েছি, তোমাদের জিনিষে হাত দিইনি ।

সুকুমারী ॥ আমাদের বিয়ের স্মৃতি-চিহ্ন এই গয়না, এমনভাবে নষ্ট হতে দিলে
স্বপ্তরমশাই স্বর্গে থেকেও অভিশাপ দেবেন ।

শিবধন ॥ কিন্তু টাকার অভাবে ভাঙা নাটমন্দিরের যদি সংস্কার না হয়,
তবে অভিনয় দেখতে এসে অতিথিরা হতাশ হয়ে ফিরে যাবে...
এতে রায়বংশের মান খুব বাড়বে, না স্বর্গ থেকে পিতৃপুরুষরা
পুষ্পবৃষ্টি করবেন ? যাও. দেবী করো না, গয়না নিয়ে এসো ।

সুকুমারী ॥ ছেলেমেয়েদের'শেষ সম্বল, তাদের মুখের গ্রাস, পিতা হয়ে কেড়ে
নেবে তুমি ?

শিবধন ॥ আমি রাজার সম্পত্তি পেয়েও হারালুম, কপালে থাকলে কপর্দক-
হীন হয়েও আমার ছেলেরা সংসারে দাঁড়াতে পারবে ।

সুকুমারী নীরব রহিলেন— অশ্রুভারাক্রান্ত চোখে

সাজ সরঞ্জামের অর্ডার আজই পাঠাতে হবে । আমি আর মিছে
বকতে পাবছি না । গয়নাগুলো বের করে আন ।

সুকুমারী ॥ তুমি যাও, আমি কাউকে দিয়ে পাঠিয়ে দিচ্ছি ।

মঞ্চের সাদা আলো জলিয়া উঠিল । শিবধনের প্রশ্নান ।
সুকুমারী প্রস্তুত মূর্তির মত নিপলক নেত্রে
কাঠের দিকে তাকাইয়া আছেন—দেওয়ালে টাঙানো
রায়বংশের প্রধানদের ফটো । চোখের কোণে তার
জল । প্রবেশ করিল অশোক । সে মার এই অশ্রু-
মুখী দৃশ্য লক্ষ্য করিল না । মণিকার প্রস্তাবিত বিবাহ
ব্যাপারে তাহার মস্তিষ্ক উষ্ণ ।

অশোক ॥ কথাটা কী সত্যি মা ?

সুকুমারী ॥ (ভারী গলায়) কী অশোক ?

অশোক ॥ শুনলাম পল্টুর সঙ্গে মণির বিয়ের আলাপ হচ্ছে ?

সুকুমারী ॥ আগেত বিয়ে হোক । শাস্ত্রে আছে লাখ কথা পূর্ণ না হলে বিয়ে হয় না । আলাপ ত অনেক এলো, আবার ভেঙ্গেও গেলো ।

অশোক ॥ এ বিয়েতে আমার মত নেই মা ।

সুকুমারী ॥ তোরা বাইরে বাইবে থাকিস, মেয়ে বিয়ে দেয়াব যে কী ঝক্কি তা'ত জানিস না ।

অশোক ॥ তা' বলে হাত পা বেঁধে মেয়েকে জলে ফেলে দিতে হবে নাকি ? টাকা ছাড়া ওর আর আছে কী শুনি ? একটা গৌয়ার, চবিত্রহীন

সুকুমারী ॥ পাত্রের ভালো মন্দ বিচার করবার জগ্রে উনি রয়েছেন । আমাদের এ সবে কথা কইতে না যাওয়াই ভালো ।

অশোক ॥ মণি শুধু ওর মেয়ে নয়, আমাদেরও বোন । তাঁর সম্পত্তি তিনি খুসীমত বিক্রী করেছেন, আমরা বাধা দিতে যাইনি । কিন্তু টাকার লোভে মণিকে একটা অনানুষ্ণের কাছে বলি দিতে আমরা দেবো না মা ।

সুকুমারী ॥ ছিঃ অশোক, ওমন করে গুরুজনের নামে বলতে নেই ।

অশোক ॥ আমরা অনেক সয়েছি, কিন্তু এ অন্যায়ে আমরা কিছুতেই হতে দোবনা . . . এ নিয়ে জেদ ধরলে বাবার সঙ্গে আমার বাপবে মা, আমি আগেই বলে রাখছি ।

অশোক স্থির দৃষ্টিতে তাকাইল

এ কী, তোমার চোখে জল ? তুমি কাঁদছ ?

সুকুমারী চোখ মুছিলেন

তুমি সব কিছু আমাদের কাছ থেকে ঢেকে রাখতে চাও মা । কীসের তোমার দুঃখ ?

সুকুমারী বে দনার্ত্ত দৃষ্টি তুলিয়া ধরিলেন

অশোক ॥ বাবার পেগালে সম্পত্তি গেছে, কিন্তু আমরা এখনও তোমার বুক জুড়ে আছি । . আমরা কী তোমার দুঃখ ঘোচাতে পারি না মা ?

সুকুমারী কথা কইলেন । প্রশান্ত অথচ বেদনার
স্পর্শ-রঞ্জিত সুরে

সুকুমারী ॥ তোমার মুখেব দিকে তাকিয়েই আমি সব অভাব অনটন ভুলে
আছি অশোক ।

অশোক ॥ আমি কি তোমার আশার উচিত মূল্য দিতে পারব ?

সুকুমারী ॥ তুই পাশ করবি, চাকরী করবি, অতল সমুদ্রে ডুবতে ডুবতেও
আবার আমরা ভেসে উঠবো, সেই আশায় বুক বেঁধে আমি
দিন গুণাচ্ছ আর ভগবানকে বলছি "দুঃখের রাত্রি কি শেষ
হবে না দয়াময় ? আমাদের সুদিন কি আবার ফিরে আসবে না ?"

অশোক ॥ এই দুঃখে তোমার চোখে জল ?

অশোক মুহূর্তের জগু বিলম্ব হইল

তোমার ম্লান মুখ দেখলে আমি অঁগ সব কাজ ভুলে যাই । কিন্তু
জানো মা—অনাচারে, অবিচারে গোটা জাতটাই আজ ডুকবে
কঁাদছে । আমি ভুলে যাই, সে করুণ কামায় আমি ভুলে যাই—
তোমাকে, পরিবারকে ।

সুকুমারী ॥ সবই বুঝি, সবই জানি, কিন্তু আমরা একেবারেই অসহায়—
এতগুলো লোক অথচ ঘরে মাত্র এক বেলার চাল । একশ টাকা
মগ দিয়েও বাজারে চাল পাওয়া যাচ্ছে না ।

অশোক ॥ আমাকে বলনি কেন ? আমি চাল জোগাড় করে আনছি । টাকা
দাও, আমি এনে দিচ্ছি ।

এত দুঃখেও সুকুমারী না হাসিয়া পারিলেন না

সুকুমারী ॥ সেই ত ভাবনার কথা । শেষ সম্বল ছিল খানকয়েক গয়না,
তাও চেপে ধরছেন নিয়ে যাবেন ।

অশোক ॥ আচ্ছা আমি দেখাছি...চালের জোগাড় আমি করছি ।

অশোক ও হুমারীর প্রশ্ন । অন্য দরজা দিয়া
শঙ্কর ও মণিকার প্রবেশ । শঙ্করের চেঁচটে প্রশাস্ত
হাসি

শঙ্কর ॥ “লেনিন-ডে” নিয়ে খুব ব্যস্ত ছিলাম, তাই এদিন আসতে পারিনি ।

মণিকা ॥ পার্বতীর তপস্রায় শিবের আসন টলে উঠেছিলো ; কিন্তু সে ছিল
একদিন—আর এই এক যুগ ।

শঙ্কর ॥ সে সব ছিলো দেবদেবীর কথা, পুবাণের গল্প ।

মণিকা ॥ সে জন্মেইত গরমিল বড্ড বেশি । শিবের ক্রোধে মদন ভয় হুয়ে
গিয়েছিলেন । আর এযুগের শিব...

মণিকা থামলি

শঙ্কর ॥ নির্ভয়ে বলতে পার । এ যুগের শিব কিছুতেই দক্ষব্রহ্ম পণ্ড কর্তে
রাজী ন'ন ।

মণিকা ॥ তোমার শরীরের যা অবস্থা, আমার সত্যি ভয় করেছ শঙ্কর'দা ।

শঙ্কর ॥ শরীরের নাম মহাশয়, যা সরাবে তাই সগ ।

মণিকা ॥ কিন্তু তুমি সহ্য করবার সীমা' অতিক্রম করেছ । এ'র তোমার
সম্পূর্ণ বিশ্রামের দরকার ।

শঙ্কর ॥ আমার সময় কোথায়—অমন আরাম করে 'সম্পূর্ণ বিশ্রাম'
করবার ?

মণিকা ॥ আমিও তাই ভাবছিলাম । এখানে না ঘটবে তোমার সময়ে
খাওয়া, না নাওয়া । তোমার এখান থেকে দূবে চাল যাওয়াই
উচিত শঙ্করদা ।

শঙ্কর ॥ এখানে ত তবু তুমি আছ, কুম্ভলা, সূজাতা এরা সবাই রয়েছে ।
দূরে গেলে যে .সে ষড়টুকুও কপালে জুটবে না ?

মণিকা ॥ তুমি যদি চাও, তবে তোমার সেনাব ভার নেবার লোকেব
অভাব হলে না।

দুইজনেই চূপ করিল

তোমাকে দেখে আজ কা মনে হচ্ছে জানো? এই উসকখুসকে।
চুল, উদ্ভাস্ত চেহারা—আগোছাল বেশ—বলব কা মনে হচ্ছে?

শঙ্কর ॥ আমি শুনতে আপত্তি করব না।

মণিকা ॥ তোমাকে মোটেই কমরেড্ বলে মনে হচ্ছেনা। ঠিক যেন ব্রহ্মচারীর
বেশে স্বয়ং মহেশ্বর।

শঙ্কর ॥ এবার আমাকে রীতিমত ভাবিয়ে তুলেছো।

মণিকা ॥ পলিটিক্‌সে গভীর কথা ভাবতে কষ্ট হয় বুঝি?

শঙ্কর ॥ একটু হয় বৈ কা? তা ছাড়া বেদ-বাইবেল্ আমার ততো ভালো
করে পড়া নেই।

মণিকা হাসিয়া উঠিল

মণিকা ॥ বেদ বাইবেল্ নয়। কুমার-সন্তুকের কাহিনী, কালিদাস পড়ছি
কিনা।

শঙ্কর ॥ হুশিচন্টার হাত থেকে বাঁচলাম। যাক্ ওসব গভীর কথা,
চা'লের কথা কা বলছিলেন মাসীমা?

মণিকা ॥ (অপ্রস্তুতভাবে) যা হোক একটা বন্দোবস্ত হবে।

শঙ্কর ॥ কেন শুধু শুধু লুকোচ্চ। আমারত কিছুই অজানা নয়। আমাকে
তোমাদের অভাব অভিযোগ জানাতে কিসের লজ্জা মণিকা?

মণিকা নিরুদ্ধ আবেগে কাপিয়া উঠিল, শঙ্করের
সম্মিহিত হইয়া গাঢ় কণ্ঠে

মণিকা ॥ আমি আর পারি না, আমি সহিতে পারি না। তুমি চিরদিন
এমন করে পালিয়ে বেড়ালে সত্যিই আমি পারি না শঙ্করদা।

ক্রান্ত যবনিকা

তৃতীয় দৃশ্য

“চৌধুরী ভিলার” বিরাট হলঘর। বিলাসোপকরণে
চমৎকার নৈপুণ্যে সজ্জিত। রাত্রি সাড়ে আটটারও
বেশি। সবুজ আলো জ্বলিতেছে। যুদ্ধ বাতাসে
জানালার নীল পর্দা আন্দোলিত হইতেছে। শঙ্কর ও
কুন্তলার পবেশ।

শঙ্কর ॥ তোমাকে যেমন করেই হোক বস্তা দুই চা’লের বন্দোবস্ত করে
দিতে হবে।

কুন্তলা ॥ আমি ভরসা পাচ্ছি না।

শঙ্কর ॥ তোমার বাবাকে অবস্থাটা বুঝিয়ে বললে হয়ত...

কুন্তলা ॥ খুব মানুষ চিনেছ যা হোক! তিনি আছেন হিন্দু-মহাসভা আর
হিন্দু-সংগঠনের স্বপ্ন নিয়ে, এসব ছোটখাট বিষয়ে কানই দেবেন না,
বেশি চেপে ধরলে বড়জোর কিছু টাকাই না হয় সাহায্য করলেন।

শঙ্কর ॥ তবে-তো মুরারী বাবাকেই ধরতে হয়।

কুন্তলা ॥ সেই তো ভয়, দাদাকে ত তুমি চেন, তার কাছে আবদার
মোটাই চলবে না।

শঙ্কর ॥ (মাথা নত করিয়া চিন্তিতভাবে) এটা ঠিক আবদার নয়—একটা
কর্তব্যও বটে।

কুন্তলা ॥ (তির্যক ভঙ্গীতে) পরশু লেনিন-ডে, সে সব বাদ দিয়ে হুঃস্থ
পরিবারের চা’ল জোগাড় করাটা কী এমন মহৎ কর্তব্য হয়ে
দাঁড়ালো শুনি?

শঙ্কর ॥ ‘লেনিন-ডে’র প্রোগ্রাম তো এক রকম তৈরী, তোমরা আছ—

অনু সব কমরেডরা আছেন। কিন্তু আজকালের মধ্যে চাল জোগাড় করে না দিতে পারলে ওদের ঠাই উপোস থাকতে হবে।

কুস্তলা ॥ তুমি ছাড়া পরিবারের সমর্থ পুরুষ মানুষ আর কেউ নেই?

শঙ্কর ॥ ও না থাকারই সমান, যে বার খেয়াল নিয়ে বাস্তু, আর আর্থিক পরিবারের লোক নেই, অনেক দিনের চেনাজানা তাই।

কুস্তলা ॥ সেই বিশেষ পরিবারের নাম জানতে আপত্তি আছে কি?

শঙ্কর ॥ নামটা আর নাই বা জানলে, ভদ্রলোকের পরিবার বিপন্ন—লোক লজ্জার ভয়ও তো একটা আছে। তাছাড়া এককালে ওদের বিরাট সম্পত্তি ছিল।

কুস্তলা ॥ (বিজ্রপের সুরে) তবে তো সোনার সোহাগা। বিরাট সম্পত্তির মালীকরা সম্পত্তি হারিয়ে বিরাট সঙ্কটের মুখে—সম্বল শুধু বুকে জড়িয়ে রাখা দেমাকের কুমোড়। অবস্থা গুরুতর সন্দেহ নেই।

শঙ্কর ॥ আমি তো পথ দেখতে পাচ্ছি না।

কুস্তলা ॥ পথ তো গোলাই আছে—লঙরথানায় সার বেঁধে দাঁড়ানো।

শঙ্কর ॥ ভদ্রলোকের মেয়েছেলে প্রাণ থাকতে লঙরথানায় ভিক্ষে চাইতে যাবে? কী সব যা তা বলছ।

কুস্তলা ॥ লজ্জা আর দেমাক না ছাড়লে এ যাত্রায় মুস্কিল আসানের তো কোন সম্ভবনাই দেখছি না।

শঙ্কর ॥ তোমাকে যদি এ অবস্থায় পড়তে হতো...কী করতে তুমি? পারতে, লঙরথানায় হাত পাততে?

কুস্তলা ॥ বাধ্য হয়ে পাততে হতো...ওমন অনুরক্ত দাদা না থাকলে তাই করতাম।

শঙ্করের কান লাল হইয়া উঠিল

শঙ্কর ॥ লক্ষ্যটা তাহলেই ঠিকই ভেদ করেছ।

কুস্তলা এ কথা শোনার সঙ্গে সঙ্গে তাঁর বেগে ছিটকাইয় পড়িল।

কুন্তলা ॥ (বিহ্বল কণ্ঠে) কিন্তু দ্রৌপদীর তাতে কী—দ্রৌপদীর তাতে কী ?
শঙ্কর ॥ আমি গগন লিখি সত্যি, কিন্তু কথায় কথায় তোমার ঐ কাব্যিক
বাঁকাচোরা কথাগুলো বুঝতে আমার বেশ একটু কষ্ট হয় । আমি
স্পষ্ট ভাষায় জিজ্ঞেস করছি—চালের ভক্ত তুমি মুরারীবাবুকে
বলবে কি না ?

কুন্তলা ॥ মণিকার জন্তে তো আমার দবদ উথলে উঠাব কথা নয় ?
শঙ্কর ॥ বেশ, তোমার সঙ্গে এনিরে অব কথা বাড়তে চাইনে ।

গমনোদ্ভূত

কুন্তলা ॥ দাঁড়াও, তোমার কাছেও আমার একটা স্পষ্ট কথা জিজ্ঞেস
কববার আছে ।

শঙ্কর ॥ বলো ।

কুন্তলা প্রথমে কিছু জিজ্ঞাসা করিল না । তার মনে
আশা নিরাশার দ্বন্দ—শঙ্কর যদি অসুখের কথা
অস্বীকার করে, যদি মিথ্যা বলিয়া থাকে—এই
দোহলামানতা ।

যা জিজ্ঞেস করবার হয়, শিগ্গির বলো, দেবী কববার সময় আমার
নেই ।

কুন্তলা “ষুক্রংদেহি” ভঙ্গীতে দাঁড়াইল, দৃষ্টি অস্বাভাবিক
রকমের কুঞ্চিত ।

কুন্তলা ॥ কেন তুমি আমার ভাঁওতা দিয়েছিলে ?

শঙ্কর ॥ আমি ভাঁওতা দিয়েছিলুম ?

কুন্তলা ॥ হ্যাঁ তুমি, এত বড় একটা অসুখ বুকে নিয়ে বেড়াচ্ছে—অথচ
এর বিন্দুবিসর্গও আমাদের জানতে দাও নি ।

শঙ্কর ॥ আমার অসুখ আমারই থাক ।

কুন্তলা কোণ্ডে ঝিলিক দিয়া উঠিল

কুন্তলা ॥ কিন্তু অন্তদের এতে বিপদের সম্ভাবনা আছে। যক্ষ্মার মত এমন একটা মারাত্মক অসুখ...

শঙ্কর ॥ মারাত্মক যদি হয়, তবু তোমাদের বিপদে পড়তে হবে না। তার আগেই আমি সরে পড়বো। আপাততঃ আমি সুস্থ—সম্পূর্ণ সুস্থ।

কুন্তলা ॥ একেবারে “এ প্লাস্ বি স্কোয়ারের ফরমূলা।” কিন্তু জীবনটা শুধু অঙ্কের হিসেব নয় :

শঙ্কর ॥ আমার কাছে তাই :

কুন্তলা ॥ তোমার কাছে জীবনটা শুধু পলিটিক্‌স্ আব প্রচার—এই তো ? তার রূপ, রঙ, রহস্য,—সব মিথ্যে, তোমার মনের কাছে আর সব কিছু মিথ্যে ?

শঙ্কর ॥ আমার কাছে একমাত্র সত্য কাজ। কাজে খেমে পড়া মানেই পতন। ক্লান্তি মানেই মৃত্যু।

কুন্তলা ॥ আজ মণিকাকে এ জবাব তুমি দিতে পারিতে ?

শঙ্কর ॥ আমার কোন কথাই কারো একলার জন্তে নয়। কোন বিশেষ মেয়ের জন্তে নয়। আমার কথা মানুষের জন্তে।

কুন্তলা ॥ তবে মণিকা কেন তোমার হয়ে সুপারিশ করতে আসে ? তার স্পর্ধা তো তোমার প্রশ্ন পেয়েই বেড়ে উঠেছে।

শঙ্কর ॥ আমার সৌভাগ্যই বল আর দুর্ভাগ্যই বলা—মণিকার শুশ্রূষা আমার নিতে হয়েছিলো—নইলে তারো, ... আমাকে জানবার কথা, নয়। আর গেয়ে বেড়াবার মত খবরও এটা নয়।

কুন্তলা ॥ কিন্তু ওমন সাংঘাতিক রোগ চেপে রাখা একটা বোকামি।

শঙ্কর ॥ তুমি সীমা ছাড়িয়ে যাচ্ছ কুন্তলা।

কুন্তলা ॥ যাব, একশ'বার যাব—আজ আমি সকল সীমাই ছাড়িয়ে যাবো।

কাল্প ও স্কোভের মিশ্রণে তাহার স্বর আর্ন্তনাদের মত
ওনাইতেছে

যে দস্যুর মত ছিনিয়ে নিয়েছিল আমার মন, বিশ্বাস করে যার হাতে
তুলে দিয়েছিলুম জীবনের সব সম্পদ, তাকে আমি ক্ষমা করব না।

হুর মমতায় কোমল ও তন্দ্রিল হইল

আমার স্বপ্ন, ভালোবাসা, আমার জীবন—এমন করে তাকে
আমি পায়ে দলে যেতে দেবো না—আমি যেতে দোব না।...

শঙ্কর ॥ স্বপ্ন, মন...জীবন...ভালোবাসা...কিন্তু আমি কি তোমার কাছে
শুধু প্রেমই চেয়েছিলুম?

কুন্তলা ক্রতবেগে শঙ্করের দিকে আগাইয়া গেলো

কুন্তলা ॥ কী তুমি চেয়েছিলে, কী তুমি চেয়েছিলে? মেয়েদের কাছে
পুরুষদের আর কী-ই বা চাইবার থাকতে পারে?

সঙ্গে সঙ্গে মঞ্চের আলো নিবিয়া গেল। দুঃশাস্ত্র,
হীরালালের শয়ন কক্ষ। হীরালাল মদ খাইতেছে।
নেশায় পুরোপুরি জ্ঞান হারায় নাই। খুনীতে উচ্ছ্বসিত
হইয়া কবিতা আবৃত্তি করিতেছে।

হীরালাল ॥ (মদের পেয়ালা হাতে নিয়া আধো-জড়িত স্বরে)

অতীত যা তার সুখের স্মৃতি

ভবিষ্যতের ভাবনা ঘোর

দিল্পিয়ারী সাকী গো আজ

পেয়ালা ভরে ঘুচাও মোর।"

মদ চুমুকে নিঃশেষ করিল

সাকী নেই, সাকী নেই - স্বর্গে বা নরকে।

আবার মদের পেয়ালায় চুমুক দিল।

মেয়ে ছাড়া পুরুষের জীবন একটা মরুভূমি, বিরাট সাহারা মরুভূমি।

Wine and women are the salts of life...

হে বীর পূর্ণ কর

হীরালাল মদ ঢালিতেছে। পিছনে আসিয়া দাঁড়াইল মণিকা কুণ্ঠিত পদে। বেশে ও বসনে বিপর্যয়ের ছাপ, দেখিলেই মনে হয় গভীর সংকট সমাধানের জন্যই সে বাধ্য হইয়া বাঘের গহ্বরে প্রবেশ করিয়াছে। হীরালালের দৃষ্টি পাড়িতেই মণিকা মাথা নত করিল। হীরালাল প্রথমে বিশ্বাস করিতে পারিল না যে এই রাত্রে মণিকা তাহার শয়ন কক্ষ প্রবেশ করিতে পারে। তীক্ষ্ণ দৃষ্টি তুলিয়া ধরিল হীরালাল, তাহার ভুল হয় নাই—সশরীরে মণিকা।

হীরালাল ॥ (শ্বেষের সুরে) তিরুগগড়ের রাজকুমারী মণিকাদেবী—এই দীনের কুটীরে! বন্দগৌ শাহাজাদী . . .

হীরালাল হাসিয়া উঠিল। মদের পয়লা সরাইয়া রাখিল।

এমন অসময়ে তোমাকে দেখে মনে হচ্ছে ভগবান বলে যে ভদ্র-লোকটী নিশ্চিন্তে স্বর্গে বসে আরাম করছেন . তিনি সত্যিই দয়ার অবতার। আমাদের মত অভাজনদের ডাকও তার কানে পৌঁছায়

মণিকা ভীত হইয়া পিছাইয়া গেলো। হীরালাল আজ অপ্রকৃতিস্থ, তাই আলাপ করা বৃথা ভাবিয়া সে চলিয়া যাউবে ভাবিতেছে। হীরালাল যেন মণিকার মনের ভাব বুঝিল। এত সহজে মেয়েদের হাত ছাড়া করিতে সে রাজী নয়।

হীরালাল ॥ ভয় পেরো না, তোমার বাবা যা খান তার তুলনায় এত ভেজিটেবিল ড্রিঙ্ক, আর খাচ্ছিও হোমিঅ্যাথিক ডোজে।

হাসিয়া উঠিল

মণিকা ॥ আমি খুব বিপদে পড়েই এসেছি পল্টুদা ?

হীরালাল ॥ আমার কাছে ? (নিজকে দেখাইয়া) To me ? এই much-condemned পল্টু মিত্র ।

মণিকা ॥ আমরা আজ নিরুপায় ।

হীরালাল ॥ I see, একদিন দু'টো উপহার পাঠিয়েছিলুম বলে.. (হাসিয়া উঠিল) There are many things in heaven and earth...

মণিকা ॥ ওসব কথা আর তুলবেন না । আপনি ছোট বোনের দোষ ক্ষমা করতে পারেন ।

হীরালাল ॥ Angelic, Heavenly. পৃথিবীটা বুঝি ডুবে গেলো হায় ক্যাম্পিয়ানের হৃদে...

মণিকা ॥ একদিন ভুল করে যদি অন্তায়ই করে থাকি, আপনি সে অন্তায়কে চিরদিন বড় করে দেখবেন ?

হীরালাল ॥ মোটেই না, আমার মনটা একেবারে ফাঁকা, আকাশের মত ফাঁকা, ওতে কিছুই দাগ কাটতে পারে না ।

মণিকা ॥ আমাদের পরিবারে দশজন লোক অথচ টাকা দিয়েও চাল কিনতে পারছি না । আর অসম্ভব দরে কিনবার মত টাকাও আমাদের নেই । এখন আপনি যদি বস্তা দুই চাল আমাদের জোগাড় করে দেন...আপনি ইচ্ছা করলে তা পারেন ।

হীরালাল ॥ (খানিক চুপ করিয়া রহিল) কিন্তু আমার সাহায্য নিলে আবার তোমাদের পাড়ায় টি টি পড়ে যাবে না তো ?

মণিকা ॥ . আমাদের মরা বাঁচার সমস্যা...

দেওয়ালের ঘড়িটার দিকে তাকাইয়া বলিল

হীরালাল ॥ চালের জোগাড় আমি করে দিচ্ছি—দু'বস্তা নয়—তারও বেশী, কিন্তু এত রাতে, এমন অসময়ে, আমার মত হতচ্ছাড়ার ঘরে একা তুমি, হাতে আমার মদের পেয়ালা...লোক জানাজানি

হলে—সতীপণা দেখাবার জন্যে শঙ্করের পায়ে মাথা রেখে বলবে না ত—“বুড়ীগঙ্গার কত জন শঙ্করদা? এ জলেও কি আমার কলক ধুয়ে যুছে যাবে না, তুমি আমার সব লজ্জা ঢেকে দেবে না”... ..

দীর্ঘালাল উচ্চ স্বল হাসিতে উচ্চসিত হইয়া উঠিল,
যবনিকা নামিতেছে।

দৃশ্যান্তর। ডুয়িংকমে গণপতি ও মুরারী।

গণপতি ॥ যা শুনছি, এসব কি সত্যি মুরারী?

মুরারী ব্যবসা-সংক্রান্ত কাগজ পত্রে ডুবিয়া আছে,
মুখ না তুলিয়াই জবাব দিল

মুরারী ॥ লোকের কথায় এত কান দিতে নেই বাবা। বেকারদের কাজই
হচ্ছে ব্ল্যাকমেলিং করে বেড়ানো...।

গণপতি ॥ কিন্তু সারা শহর জুড়ে এই নিয়ে ফিসফাস, হৈ চৈ!

মুরারী ॥ হিংসে বাবা, হিংসের জলে পুড়ে মরছে। আমাদের মত এত বড়
চা'লের ঠেক আর কারো নেই কিনা, তাই এটা কারো সহ হচ্ছে
না।

গণপতি ॥ সে না হয় বৃকলাম ব্যবসাদারদের কারসাজী। কিন্তু কাগজে যে
চিঠি বেরিয়েছে, সেটা পড়েছ?

মুরারী ॥ পড়েছি।

গণপতি ॥ কী জবাব দেবে তুমি?

মুরারী ॥ জবাব দেবার কিছু ওতে নেই। শ্রেফ ব্ল্যাকমেলিং।

গণপতি ॥ এতবড় গুরুতর অভিযোগ—রিলিফের জন্য চাল এনে চোরা
বাজারে বিক্রী। কী মারাত্মক কথা।

মুরারী ॥ আপনি শুধু চূপ করে থাকুন বাবা, ও দু'দিনেই আমি সবার মুখ বন্ধ করে দেবো।

গণপতি ॥ আমার চূপ করে থাকা চলে না মুরারী। ব্যক্তিগত সম্মানের কথা ছেড়ে দিলেও এর সঙ্গে হিন্দু-মহাসভার মধ্যাদা জড়িত। আমি রিলিফ কমিটির সভাপতি আর আমার ছেলের বিরুদ্ধে এই অভিযোগ? এ আমি কিছুতেই মঠবো না।

মুরারী ॥ আপনি বিষয়টাকে ষত বড় করে দেখছেন, আসলে তা নয় বাবা। এত টাকার লেন্দেন-রোজ হাজার হাজার মণ চালের কারবার, এর মধ্যে যদি বস্তা কয়েক এদিক ওদিক হয়েই থাকে

গণপতি ॥ অন্তায়, মারাত্মক অন্তায়। রিলিফের জন্তু আনা পাই পরমাটি পর্যন্ত যাতে অর্থথা অপচয় না হয় সে দিকে লক্ষ্য রাখতে হবে। আমার চোখের সামনে সাধারণের টাকা দ্বিগুণে এভাবে হোলি খেলতে আমি দেবো না মুরারী ..

জবাবের প্রতীক্ষায় গণপতি। মুরারী জবাব দিল না বেশ বুঝতে পারছি জবাব দেবার মত তোমার কিছু নেই। যা হবার হ'য়ে গেছে, কালই কাগজে একটা চিঠি পাঠিয়ে দাও— মেসার্স চৌধুরী এও সঙ্গ দশ টাকা মনে মধ্যবিত্ত পরিবারদের জন্তে চাল সরবরাহ করবে...

মুরারী ॥ (বিস্মিত হইয়া) লোকে একশ টাকা মনেও চাল পাচ্ছে না— আর আপনি দশ টাকায় ছাড়তে বলছেন ?

গণপতি ॥ হ্যাঁ বলছি—প্রায়শ্চিত্ত করতে বলছি।

মুরারী ॥ কিন্তু এযে ব্যবসা বাবা ?

গণপতি ॥ বিবেক খুইয়ে ব্যবসা করাকে আমি ঘৃণা করি মুরারী।

মুরারী ॥ এ দুটো এক সঙ্গে চলে না বাবা, অত মানুষের কথা ভাবলে মুনাকার কোঠা একেবারেই ফাঁকা থেকে যার।

গণপতি ॥ শহরের শত শত মধ্যবিত্ত পরিবার আজ বিপন্ন, তারা ঠাই উপোস করে মরবে, তবু ভিক্ষে চাইতে আসবে না। তাদের প্রতি তোমার কোন কর্তব্য নেই ?

মুরারী ॥ আমি মাথার ঘাম পায়ে ফেলে ছোট্ট একটা চালের দোকানকে এত বড় ফার্মে দাঁড় করিয়েছি—বাবসার যাতে উন্নতি হয় তাই আমার একমাত্র লক্ষ্য, খয়রাতি করে আমি ফতুর হতে পারবো না বাবা।

গণপতি ॥ কিন্তু তুমি ভুলে যাচ্ছ—তুমি কার ছেলে ?

মুরারী ॥ আমি ব্যবসায়ী...মুনাফাই আমার মূলমন্ত্র।

গণপতি ॥ সারা শহরের লোক আমারদিকে তাকিয়ে আছে। দেশের লোকের প্রতিনিধি হয়ে আমি তাদের চা'ল দিতে পারবো না, এত বড় অগৌরব, এত বড় পরাজয়, তুমি ছেলে হয়ে চেখের সামনে দাঁড়িয়ে দেখবে ?

মুরারী ॥ আপনার খেয়াল—হিন্দু-মহাসভার দাবী, এসব পূরণ করতে গিয়ে ফার্মকে আমি ডোবাতে পারব না।

গণপতি ॥ ছেলে হয়ে পিতার বিরুদ্ধে কথা কইবে তুমি ?

মুরারী ॥ আপনার অন্তায় আদেশ আমি মানতে পরেবো না।

গণপতি ॥ বিদ্রোহ ?

মুরারী ॥ না, স্বার্থরক্ষা—বাবসাকে রক্ষা !

গণপতি ॥ এর নাম ব্যবসা, সারা দেশকে উপোস রেখে তুমি ব্যবসা করবে মুরারী ?

ছড়িত পদে কুস্তলা সিঁড়ি দিয়া নামিয়া আসিল

কুস্তলা ॥ দেশ তোমার পেছনে নেই বাবা। আজ তুমি একা, তুমি শুধু হিন্দু-মহাসভার নেতা, দেশের নও।

গণপতি এই আকস্মিক বাধাদানে বিরক্ত হইলেন

গণপতি ॥ তুই আবার কেন বিরক্ত করতে এলি ?

কুস্তলা ॥ দেশ কি শুধু হিন্দুর বাবা ?

গণপতি ॥ তুই এখন যা ত, মুরারীর সঙ্গে আমার কাজের কথা আছে ।

কুস্তলা ॥ আমার কথার জবাবত এ নয় । দেশ যদি হিন্দু-মুসলমান, বৌদ্ধ, খৃষ্টান...সকলের হয়...তবে হিন্দু-মহাসভার কথা কা'রো মনে সাড়া জাগাবে না বাবা ।

গণপতি ॥ (প্রশান্ত হাসিতে) জাগাবে রে পাগলি—জাগাবে । আর্ধ্য ঋষিদের আশীর্বাদ-ধন্য এই ভারতবর্ষে হিন্দু জাতি আবার জাগবে তার অতীত মহিমায় । তুই কমরেড, বুঝলেও তুই এসব মানবি না ।

কুস্তলা ॥ ফের যদি আমাকে কমরেড বলা তবে, আমি ভী-ষ-ণ রাগ করবো ।

গণপতি ॥ (বিস্মত কণ্ঠে) জনযুদ্ধ আর লাল-নিশানের ভূত তা'হলে নেমেছে ঘাড় থেকে ?

কুস্তলা ॥ ওস্তাদ দেখলেই ভূত পালায় কি না ।

গণপতি ॥ ভালই হয়েছে, এবার থেকে তুই আমাকে সাহায্য করবি, একা আমি এত কাজ কুলিয়ে উঠতে পারছি না । তুই ত আমারই মেয়ে কুস্তলা ।

কুস্তলা ॥ না বাবা, আমি কলকাতায়ই ফিরে যাবো । আমি শুধু তোমার মেয়ে নই, আমি শুধু হিন্দু-মহাসভার নই । আমি যে দেশের, আমি সকলের ।

মূহূর্তের জন্ত গণপতি চৌধুরী ক্ষুব্ধ হইলেন

গণপতি ॥ (ক্ষুব্ধ কণ্ঠে) থাক তোরা তোদের জেদ নিয়ে । আমি একাই যাবো, একাই এগিয়ে যাবো । হিন্দু-মহাসভাকে আমি লক্ষ্যভ্রষ্ট হতে দোব না ।

পরক্ষণে আশা ও উৎসাহে গণপতি চৌধুরী উজ্জল হইয়া উঠিলেন । কুস্তলা ও মুরারীর প্রস্থান ।

হে বীর পূর্ণ কর

আমি দেখছি সারা ভারতব্যাপী মহান হিন্দু-জাতির বিরাট অভ্যুত্থান,
অথবা হিন্দুস্থানের জয়। তিনি আসছেন—কুরুক্ষেত্রের বৃকে
ধ্বংসের পাঞ্চজন্ম হাতে নিয়ে তিনি আসছেন—মাগধের অভিশাপ
হরণ করবার জন্তে বরাভয় কণ্ঠে নিয়ে নেমে আসছেন মহামানব।

মহাপুরুষের ফটোর নীচে দাঁড়াইয়া

“যদা যদা হি ধর্মশ্চ গ্লানির্ভবতি ভারত
অভ্যুত্থানমধর্মশ্চ তদাত্মানং সৃজাম্যহম্
পরিত্রাণায় চ সাধুনাম্,
বিনাশায় চ দুষ্কৃতান্
ধর্ম্য সংস্থাপনার্থায়

সম্ভবামি যুগে যুগে।”

গণপতি চৌধুরী প্রণত হইলেন

মন্ত্রর যবনিকা

চতুর্থ দৃশ্য

পার্কের একটি দৃশ্য । সভার একাংশ দেখা যাইতেছে ।
ল্যাম্প-পোস্টের নীচে সভাপতির আসন । তাহার
পাশেই লালপতাকা উড়িতেছে । 'মাইকে'র সামনে
দাঁড়াইয়া কন্ঠ্যনিষ্ঠ মেয়েরা গান গাহিতেছে । যবনিকা
উঠিবার আগেই গান শুরু হইয়াছে ।

উর্কে উড়িছে লাল-নিশান ।

বঞ্চিত নিশ্চের সঞ্চিত যত অভিমান ॥

অশ্বরে ঘনঘটা ঘোর ছুর্দিন

বিশ্ববিজয়ী তুমি চির-উজ্জীন ।

জীর্ণ মলিন বাস হলো যে রঙীন

শহিদী-রক্তে করি স্মান

লাল-নিশান, লাল-নিশান ॥

সর্বহারার দুঃখ ব্যথা

বন্ধে তোমার রয়েছে গাঁথা

কণ্ড সে কথা, কণ্ড সে কথা

আকাশ বাতাসে কম্পমান ।

লাল-নিশান, লাল-নিশান ॥

ইংগিত হেরি তব লাল আভায়

স্বাগত আগামী...অধ্যায়

অত্যাচারীর অট্টালিকায়

তুমি হে মৃত্যু মূর্তিমান

লাল-নিশান, লাল নিশান ॥

হে বীর পূর্ণ কর

নিম্নে দাঁড়িয়ে করি পণ
মুক্তি আনিব মোরা, নয়ত মরণ
বন্ধ মুঠির বজ্র বাধন
রাখিবে তোমার সম্মান ।

লাল-নিশান, লাল-নিশান ॥

গান শেষ হইলে পর একজন বক্তৃতা করিতে
উঠিলেন । উদ্বেজনায় তিনি ফীত হইয়া উঠিতেছেন,
হাত মুঠিবন্ধ করিয়া তিনি জনতাকে সম্বোধন
করিতেছেন ।

বক্তা ॥ সারা দেশের বুকে আজ প্লাবন, মহামারী আর দুর্ভিক্ষের করাল
ছায়া । আপনাদের চোখের সামনে লাখো লাখো লোক আজ
শুধু ছ'মুঠো অন্নের অভাবে মৃত্যুর গহ্বরে পলে পলে এগিয়ে
যাবে—আর দূরে দাঁড়িয়ে আপনারা বিনা প্রয়াসে তাই দেখবেন ?
আপনারা শুধু নিশ্চেষ্ট সাক্ষী হয়ে রইবেন, দেশের শ্রাণশক্তির
এই বিরাট অপচয়ের, এই সর্বনাশা অপমৃত্যুর ।

বকুগণ, যাদের বুকের রক্তে বাংলার শ্রামল প্রান্তর শ্রীময়ী হয়ে
উঠলো সোনার ফসলে ; নিজেদের শ্রমশক্তির বিনিময়ে যারা
দেশকে সমৃদ্ধিশালী করলে শাস্ত্রসম্পদে—সে কৃষকসমাজ যদি আজ
অন্নের অভাবে নিশ্চিহ্ন হয়ে যায়, তবে দেশ বাঁচবে কি ? ভিত্তি
ধ্বসে পড়লে প্রাসাদ দাঁড়িয়ে থাকতে পারবে কি ? বাংলা না
বাঁচলে, ভারতবর্ষ বাঁচবে কি ?

জনতার ঘন ঘন করতালি ধ্বনি । দৃশ্যাস্তর । রায়-
বাহাদুরের ডাইং রুম । সুজাতা সিঁড়ি দিয়া নামিয়া
আসিতেছে । সিঁড়ির গোড়ায়ই দেখা হইল শঙ্করের
সঙ্গে ।

সুজাতা ॥ কুন্তলার খেয়ালের সঙ্গে পাল্লা দিয়ে চলার সাধ্য আমার নেই
শঙ্করদা, তুমি বুঝিয়ে বলোগে ।

হাতের ব্যাগ পার্শ্ববর্তী সোফায় রাখিল

শঙ্কর ॥ নতুন বায়না ধরেছে বুঝি ?

সুজাতা ॥ খেয়াল চেপেছে আজই কোলকাতা ফিরে যাবে ।

শঙ্কর ॥ কিন্তু আজই যে ওর নাচ গানেব প্রোগ্রাম ।

সুজাতা ॥ কোন কথাই শুনতে চায় না । বলে, 'লেনিন-ডে' তো তোর
আর শঙ্করদার । আমার কি ? আমি ছাড়াও ঠিক চলবে ।

শঙ্কর ॥ ও, আচ্ছা থাক, ওকে আর পীড়াপীড়ি করো না ।

শঙ্করের মুখ স্নান

সুজাতা ॥ কুন্তলা যদি সত্যিই কোলকাতা চলে যায়, তবে রাত্রে ফাংশনের
কি হবে ?

শঙ্কর ॥ বন্দোবস্ত যাহোক একটা হবেই ।

শঙ্কর নীরব রহিল । তাহাকে নির্মম দেখাইতেছে

ওর উপর আমি বড় বেশি নির্ভর করেছিলুম, বড় বেশি আশা
আশা করেছিলুম...

সুজাতা ॥ 'লেনিন-ডে'র প্রোগ্রাম ঠিকই চলবে, ও না আসে, শিবানীকে
ঘণ্টা দু'এক এর মধ্যেই তৈরী করিয়ে নিতে পারবো ।

শঙ্কর ॥ তাই নিতে হবে । পাটির কাজ বন্ধ থাকতে পারে না ।

সুজাতা ॥ তা হ'লে শিবানীকে আমি তৈরী থাকতে বলিগে ?

শঙ্কর ॥ সে পরে বললেও চলবে । তোমাকে যা বলতে এসেছি...

শঙ্কর একটু খামিল । খুব প্রয়োজনীয় কিছু শুনিবার

আশায় সুজাতা গভীর শ্রদ্ধার দৃষ্টি তুলিয়া ধরিল

'লেনিন-ডে'র পরেই আমি মাস কয়েকের জন্তে দূরে চলে যাব—
আসাম ক্রটিয়ারে রেলওয়ে ওয়াকাস্দের মধ্যে আমাদের কাজ যে
ভাবে চালান উচিত, ঠিক সে ভাবে হচ্ছে না ।

সুজাতা ॥ তোমার শরীর যে ভাবে ভেঙে যাচ্ছে—এর পর এই নতুন দায়িত্ব সহিবে কী ?

শঙ্কর ॥ সে বিবেচনার সময় আর নেই। ডাক এসেছে, এখন সাড়া দিতেই হবে। এদিকের সব দায়িত্ব আমি তোমার ওপর ছেড়ে দিতে চাই।

সুজাতা ॥ আমি একা কি সব দায়িত্ব পালন করতে পাববো ?

শঙ্কর ॥ খুব পারবে... আমি জানি তুমি পারবে।

সুজাতা ॥ কুন্তলাকে আর একবার ডেকে জিজ্ঞেস করলে হয় না ?

শঙ্কর ॥ কোন লাভ নেই। তাব চেয়ে তুমিই সাহস করে সব ভার তুলে নাও, দেখবে কাজে নামলে ঠকতে হবে না।

সুজাতা ॥ কিন্তু...

শঙ্কর ॥ আর কিন্তু নয়। ইতঃসুত করবাব সময় এটা নয়। গ্রামেব সঙ্গে শহরের যোগ নেই—গ্রামকে জানেনা শহর, শহরকে ভয় করে গ্রাম। কিন্তু এ বিবোধ দূব কবতে না পারলে দেশের কল্যাণ-ব্রত সম্পূর্ণ হলোনা সুজাতা।

সুজাতা ॥ তোমার ভরসা পেলে গ্রামে যেতে ভয় করি না। তবে কিনা...

শঙ্কর ॥ শহর আর গ্রাম—এখানে আছে মোহ, আর ওখানে আছে মৃত্যু। ওরা বাঁচতে জনেনা, আর এরা শুধু বাঁচবার ভাগ করে। তুমি যদি তাদের মাঝে গিয়ে দাঁড়াও, তবে কুয়াশার মত মুহূর্তেই মিলিয়ে যাবে সেই জড়তা। তোমাব প্রাণের দীপ্তিতে পুড়ে ছারখার হয়ে যাবে সে মোহ আর মৃত্যু।

সুজাতা ॥ কিন্তু কুন্তলা! সে-ই শুধু সবাইকে মাতিয়ে তুলতে পারে।

শঙ্কর ॥ তার শক্তি ঝড়ের শক্তি—তা শুধু নাড়া দিয়ে যায়, গড়তে পারে না। তার গতি আছে, নিষ্ঠা নেই। আদর্শ আছে; কিন্তু আদর্শের জন্য সর্বস্ব বিলিয়ে দিতে সে পারে না। আব মণিকা—শান্ত গৃহকোণে

কল্যাণদীপ হয়ে সে আলো ছড়াতে পারে, এর বেশি কিছু নয়।
কিন্তু আমরা যা চাই, তা' শুধু তুমিই পার সৃজাতা—সে গুরু
দায়িত্ব শুধু তুমিই নিতে পার।

সৃজাতা ॥ এখানে আমি একা—তুমি রইলে দূরে। এত বড় দায়িত্ব। আমি
ভেবে দেখি।

শঙ্কর ॥ তোমার ইচ্ছার বিরুদ্ধে আমি থাকতে বলব না।

সৃজাতা ॥ সে কথা নয়। তুমি বলছ তাই যথেষ্ট। আমি ভাবছি—তোমার
শরীরের অবস্থা। বিদেশে কে-ই বা দেখা শোনা করবে ?

শঙ্কর ॥ শরীরের কথা ভাবছি না। কোন কাজেই যদি না লাগলো, তবে
এ থেকেও কোন লাভ নেই।

শঙ্করের মুখে ম্লান হাসি

শঙ্কর ॥ (একটু থামিয়া) আমাদের হয়ত অনেক বৎসর দেখা হবে না।
কিন্তু আমি আশা নিয়ে চিরদিন বেঁচে থাকব তোমার ভাষায়—
তোমার আদর্শে।

শঙ্করের সুর ঝাপসা হইয়া আসিল। সৃজাতা মাথা
নত করিল।

কর্তব্যের দাবী যে চিরদিনই নিষ্ঠুর সৃজাতা।

শঙ্করের দীপ কণ্ঠে বরাভয় উচ্চারিত হইল
মণিকা'হার কুলুলা। এদেব সকলের চেয়ে বড় তুমি, তাগে আদর্শে,
নিষ্ঠায়; আর বড় বলেই কর্তব্য তোমার কঠিন, দায়িত্ব তোমার
মহৎ। তোমাকেই আজ স্বচ্ছায় নিজকে বিলিয়ে দিতে হবে
সৃজাতা।

সৃজাতা ॥ আমি যেন তার যোগ্য হতে পারি শঙ্করদা।

শঙ্কর ॥ সর্বনাশা ঝড়ের রাতেও তোমার হাতে জ্বলবে ছঃখের দীপ, বিভ্রান্ত
জাতির বুকে তুমি আনবে নতুন আশা—নতুন স্বপ্ন। (কাছে গিয়া)
সৃজাতা. তুমিই হবে বুদ্ধের সৃজাতা।

হে নীর পূর্ণ কর

শঙ্করের কথা সৃজাতাকে নতুন প্রেরণায় উদ্দীপ্ত করিল।
সে ব্যাগটা সোফা হইতে তুলিয়া লইল। দুই জনেই
দুই জনের দিকে আবেগময় দৃষ্টি তুলিয়া ধরিল।
বিদায়ের করণ মুহূর্তটি সুন্দর হইল, স্পন্দিত হইল
আবেগে, নীরব ভালোবাসার প্রকাশে। শঙ্করের
নীরব শুভকামনা নিয়া সৃজাতা চলিয়া গেল। শঙ্কর
মুহূর্ত কয়েক কি ভাবিল, তারপর সে সৃজাতাকে
অনুসরণ করিল।

প্রায় সঙ্গে সঙ্গে সিঁড়ি দিয়া গণপতি ও কুস্তলা নামিয়া
আসিলেন।

কুস্তলা ॥ আমি তোমার একসঙ্গেই কলকাতায় যাব বাবা।

গণপতি ॥ এরই মধ্যে দেশে কম্যানিজম্ এসে গেল নাকি কমরেড্ কুস্তলা।

রায়বাহাদুর কোতুক-উজ্জ্বল দৃষ্টি তুলিয়া ধরিলেন

কুস্তলা ॥ তোমাকে কত দিন বলব রাজনীতি আমাকে মানায় না। একদিন
কমরেড ছিলাম, এখন আমি শুধু কুস্তলা, তোমার মেয়ে কুস্তলা।

গণপতির ঠোঁটে স্নিগ্ধ হাসি

গণপতি ॥ বেশ মা, আর বলব না। তবু ভগবান, তোর স্মৃতি ফিরিয়ে
আনুন। মানুষই ভুল করে, আর মানুষই শুধু তা শুধরে নিতে পারে।

কুস্তলা ॥ (বেদনা-গভীরস্বরে) এ ভুল আর শুধরানো যাবে না। (স্বাগতোক্তি)
জীবনের প্রথম ভুল, চরম ভুল...

মেয়ের গোপন ব্যথা রায়বাহাদুরকে স্পর্শ করিল

গণপতি ॥ ভগবান যা করেন মঙ্গলের জন্মেই করেন মা। আমরা অন্ধ, তাই
তঁার শুভ ইঙ্গিতটুকু ধরতে পারিনা; যাও মা জিনিষপত্র গোছগাছ
হলো কিনা সব দেখে নাওগে। চাকর বাকরদের বিশ্বাস নেই,
একটা দেবে ত তিনটে দেবে না।

কুন্তলার প্রশ্ন। বাস্তবতায় সিতিকণ্ঠের প্রবেশ

সিতিকণ্ঠ ॥ আজই বওয়ানা হচ্ছেন নাকি রায়বাহাদুর ?

গণপতি ॥ সন্ধ্যার ট্রেনে।

সিতিকণ্ঠ তাঁহার বক্তব্যটি কী ভাবে পেশ করিবেন
তাই ভাবিতেছেন

গণপতি ॥ তোমার টেক্স-টাইল মিলের কদু ব ?

সিতিকণ্ঠ ॥ আজ্ঞে আপনার সঙ্গে in detail আলাপ কবনার ছিল। এ যাত্রা
তো হলো না...

গণপতি ॥ আমিত্ত দিন পনর বাদেই ফিরব।

সিতিকণ্ঠ আসল মতলবটি এবার পেশ করিলেন

সিতিকণ্ঠ ॥ আমি বলছিলাম কি, এই যুদ্ধের বাজাবে যন্ত্রপাতি যখন পাওয়া
যাচ্ছে না, আর যথেষ্ট টাকার জোরও আমাদের, নেই তখন মিলের
আইডিয়া আপাতত বাদ দেয়াই ভালো।

গণপতি ॥ সব দিক বিবেচনা করে তবে কাজে নামাইতো উচিত।

সিতিকণ্ঠ ॥ Exactly so. তাইত আপনার কাছে আসা। কাগজে
নিশ্চয়ই দেখেছেন, এ্যাসিস্ট্যান্ট টেক্স-টাইল কমিশনারের পোর্টের
জন্তে বিজ্ঞাপন দিয়েছে.....তাই আমি বলছিলুম কি...আপনি যদি
মিনিষ্টারকে আমার case টা recommend করেন...

গণপতি ॥ কিন্তু ওরা তো স্পষ্ট করে লিখে দিয়েছে—হয় মুসলমান নয়
সিডিউল্ড্ কাস্ট্ চাই।

সিতিকণ্ঠ ॥ That's a negligible bar. ধর্ম বলুন, জাত বলুন, after all a
hereditary prejudice চাকরী পেলে বৌদ্ধ বলুন, পার্শি বলুন,
জৈন বলুন, I can transfer my faith at the pleasure
of the authority. To be brutally frank, I have
no religious scruple.

হে বীর পূর্ণ কর

রায়বাহাদুর স্তব্ব হইয়া রহিলেন, ঘৃণা ও ক্রোধ
তাঁহার চোখে মুখে স্পষ্ট হইয়া ফুটিয়াছে, তিনি
গম্ভীর কণ্ঠে বলিলেন

গণপতি ॥ সে পবে বলব খন - তুমি এখন যাও তো। কুম্ভলাকে শিগ্গীর
তৈরী হ'তে বল। গাড়ীর আর খুব দেরী নেই।

সিতিকণ্ঠ এই জবাব প্রত্যাশা করেন নাই। তবু রায়
বাহাদুরকে চটাইবার সাহস তাহার নাই। বিরক্তির
তীর তিক্ত ভঙ্গীতে প্রশ্নান। হস্তদন্ত হইয়া প্রতুল
তরফদারের প্রবেশ

প্রতুল ॥ আমার কেসটা যদি একটু চেপে ধরেন...

গণপতি ॥ আমাকে মনে করিয়ে দিতে বলা কুম্ভলাকে, ও আমার সঙ্গে
যাচ্ছে কিনা!

প্রতুল ॥ একশ'বার। আর গভর্ণমেন্টেব "বিজ্ঞাপন" পাওয়ার দাবী ত
"আওয়াজে"রই সব চেয়ে বেশী! Only anti-fascist
organ of the valley...

গণপতি ॥ আমি নিশ্চয়ই বলব, প্রচার বিভাগকে তোমার কথা জানিয়ে
আসব।

প্রতুল ॥ (বক্তৃতার সুরে) 'আওয়াজে'র কলম কি বন্দুকের চেয়ে কম জোরাল
রায়বাহাদুর?

গণপতি ॥ কলমের সঙ্গে সঙ্গে তোমার গলার জোরও তাল রেখে চলেছে।
কিন্তু এত তোমার বিক্রী...ক'জার বলছিলে? এতে চলেনা?
কেন মিছিমিছি বিজ্ঞাপনের বিনিময়ে সরকারের অনুগ্রহ ভিক্ষে
চাইতে ধাবে বলা? হাজার হোক, একটা বাধা-নিষেধের মধ্যে
পড়তে হবে তো!

প্রতুল ॥ আছে, মফঃস্বলের কাগজ - যত জন গ্রাহক তার দ্বিগুণ complimentary copies, বিজ্ঞাপনই একমাত্র ভরসা। আর নীট বিক্রী ? (ক্লিষ্ট হাসিয়া) সবই ত জানেন রাঘবাহাছর, সংখ্যার পেছনে খুসীমত শূন্য জুড়ে প্রচার সংখ্যা রাতারাতি ফাঁপিয়ে তোলাও বাংলা দেশের একটা সাংবাদিক tactis.

গণপতি ॥ বেশ, বিজ্ঞাপন যাতে পেতে পাব, আমি তার ব্যবস্থা করব।

প্রতুল ॥ সঙ্গে সঙ্গে এটাও বলবেন আমার বিনাসর্তে মিত্রশক্তির সমরোৎসবের সাহায্যের প্রস্তাব গ্রহণ করেছে র্যাডিকেল লীগ। ফ্যাশিস্ট্র বর্বরতার বিরুদ্ধে সারা দেশের বৃকে আজ আওয়াজ..

মুখ ব্যাধন করিয়া 'আওয়াজ' কথাটা শেষ করিবার পূর্বেই বাহিরে প্রচণ্ড কলরব শোনা গেল। সকলেই চমকিত হইলেন

প্রতুল ॥ সাইরেন, সাইরেন দিয়েছে, সবাই ফ্ল্যাট হয়ে শুয়ে পড়ুন।

প্রতুল বিমান আক্রমণের আশঙ্কায় পকেটে রবার গুণ্ড ও তুলা রাখেন। দাঁত রবার ও কানে তুলা দিয়া তিনি টেবিলের নীচে শুইয়া পড়িলেন। সিতিকণ্ঠ, চোখ বুজিয়া এবং কানে তুলা দিয়া রাঘবাহাছরের পিছনে কাঁপিতে লাগিলেন।

সিতিকণ্ঠ ॥ Oh God, have mercy on us. Oh almighty !

হীরালাল হুকার দিয়া প্রবেশ করিল।

হীরালাল ॥ গুণ্ডামী করে চাল কেড়ে নিতে এসেছে মামাবাবু। এতদূর স্পর্ধা ! একটা বন্দুক, একটা বন্দুক...

হঠাৎ চোখে পড়িল টেবিলের উপর ফিতা দিয়া বাঁধা এক দিল্লী কাগজ। রাগে তখন হীরালাল উন্মত্ত। হাতের কাছে একটা কিছু তবুও পাইল। সে কাগজ নিয়াই ছুটিয়া বাহির হইবে। কিন্তু কাগজের দিল্লী মুইয়া পড়িল।

গণপতি ॥ এ কী হচ্ছে ?

হীরালাল ॥ কিন্তু লাঠি...একটা লাঠিও যে পাচ্ছি না।

মন্দের আলো নিভিয়া গেল। ফটকের সামনে বিরীট জনতা—উচ্ছ্বল, অসংযত। ক্ষুধার জ্বালায় তাহারা হিংস্র। দানানা পাইলে তাহার বাড়ীটাকে চূর্ণ করারিয়া ফেলিতেও কুঁঠত হইবে না। 'ইনক্লাব জন্ম-বাদ, মজুতদার নিপাত থাক এবং নানা প্রকার উত্তেজনা পূর্ণ ধ্বনি করিতেছে। মন্দের আলো জ্বলিয়া উঠিল। রায়বাহাদুর ও অশোক মূগ্ধবুধি, অশোক জনতার নেতা সাইরেন যে নয়, তাহা বুঝিতে পারিয়া প্রতুল ও সিতিকণ্ঠ লজ্জিত। রায়বাহাদুরের পাশে কুন্তলা। ঝড়ের পূর্বাভাষসারা কক্ষে।

গণপতি ॥ কতকগুলো গুণ্ডা বদমাইশদের জড়ো করে চাঁল আদায় করতে চাও ?

অশোক ॥ গুণ্ডা বদমাইশ ওরা নয় রায়বাহাদুর—ক্ষুধার জ্বালায় ওরা আজ দিশেহারা। পশুর মতো মুখ বুজে ওরা এদিন সব অনাচার অবিচার সহ্য করেছে, টু শব্দটি পর্যাস্ত করেনি। ওরা ভবেলা পেট পুরে খাবার দাবী করেনি, শুধু ছ'মুঠো পেটে দিয়ে বাঁচতে চেয়েছিল, কিন্তু বাবসায়ীর লোভ তাদের সে গ্রাসটুকুও কেড়ে নিতে চায়। দুঃস্থ মানুষের প্রতি শুধু মানুষের করুণা ওরা চাইতে এসেছে রায়বাহাদুর।

গণপতি ॥ করুণা প্রার্থনার কী অভিনব পন্থা! ভিথিরিকে ভিথিরির মতই চাইতে হবে। চোখ রাঙিয়ে দয়া আদায় করা যায় না।

বাহিরের কোলাহলে মাঝে মাঝে কথোপকথন ডুবিয়া যাইতেছিল

অশোক ॥ ওরা ভিক্ষে চাইতে আসেনি। ওরা চায় সুবিচার, ন্যায় বিচার।

হীরালাল ॥ ওরা ন্যায় বিচার দাবী করবার কে? কী অধিকারে ওরা আমাদের বাড়ী চড়াও করেছে ?

অশোক ॥ ক্ষুধা — ক্ষুধাই তাদের একমাত্র যুক্তি। ক্ষুধার অধিকারেই তারা চাল দাবী করতে এসেছে। লুট করতে নয়, স্ত্রী বা মূল্য দিয়ে কিনে নিতে এসেছে(রায়বাহাদুরকে) আমি এসেছি হিন্দু-মহাসভার নেতার কাছে, আমি দাবী নিয়ে এসেছি শহরের বিখ্যাত চাল ফার্মের মালিকের কাছে। সারাদেশের উপবাস-ক্লিষ্ট নর-নারীর পক্ষ থেকে আমি জিজ্ঞেস করছি জন-প্রতিনিধি রায়বাহাদুরকে। গুদামভরা চাল রেখেও কি তারা শহরের লোক উপবাস করে মরবে ?

বন্দুক হাতে নিয়া হিংস্র উত্তেজনায় সদর্পে সিঁড়ি দিয়া
নামিয়া আসিল মুরারী

মুরারী ॥ আমি বলছি, আমি জবাব দিচ্ছি।

গণপতি ॥ আহা, তুমি আবার নেমে এলে কেন, আমি দেখছি মুরারী।

মুরারী ॥ আঁকারা পেয়ে পেয়ে ইতরগুলো মাথাঘ উঠে বসেছে বাবা।

অশোক ॥ আপনি বডেড়া বাড়াবাড়ি করছেন মুরারীবাবু।

মুরারী ॥ চূপ রও বজ্জাত। আগে পালের গোদাকে আমি চিট করবো — তারপর ঐ ছিঁচকে চোরগুলোকে আমি একটি একটি করে কুকুরের মত গুলি করে মারব।

জনতা ক্রমশঃ নিয়ন্ত্রণের বাইরে চলিয়া যাইতেছে।

উত্তেজনা বাড়িতেছে। মুরারী বন্দুক উঁচাইয়া ধরিল

অশোক ॥ বন্দুক নামিয়ে রাখুন মুরারীবাবু। আপনি হেরে যাবেন, আপনার বাকুদের গুলি এ ক্ষুধার আগুণ দাবিয়ে রাখতে পারবে না। হয় চালের গুদাম খুলে দেবেন আর না হয় জনতার রক্তে ডুবে যাবে 'চৌধুরী ভিলা।' আর সঙ্গে সঙ্গে আপনারাও...

হে বীর পূর্ণ কর

হঠাৎ বাহির হইতে অনবরত টিল আসিয়া পড়িতে লাগিল। কাঁচের জানালা ভাঙ্গিয়া গেল। ফুলদানি চুরমার হইয়া গেল। খোলা জানালা লক্ষ্য করিয়া মুরারী গুলি ছুড়িল। বন্দুক কাড়িয়া নিবার জঙ্ঘ অশোক ছুটিয়া গেল। কিন্তু দুর্ভাগ্যক্রমে গুলিটা তাহার কপালের পাশ ভেদ করিয়া চলিয়া গেল। এই দুর্ঘটনার জঙ্ঘ কেহই প্রস্তুত ছিলেন না। সকলেই হতভম্ব হইয়া গেলেন। কুন্তলা 'এ কী করলে, এ কী সর্বনাশ করলে' বলিয়া অশোকে রক্তাক্ত মাথাটা আঁচু পাতিয়া তুলিয়া নিল। দ্রুত যবনিকা নামিয়া আসিল।

চতুর্থ অঙ্ক

প্রথম দৃশ্য

এক মাস পরে

অশোকের কক্ষ । একটি বেতের হেলান দেয়া চেয়ারে
অশোক শুইয়া আছে । আকাশে তৃতীয়ার চাঁদ । একটু
পরেই প্রবেশ করিল কুন্তলা ।

কুন্তলা ॥ আজ কেমন আছ অশোক দা ?

অশোক ॥ ভালো ।

কুন্তলা ॥ ব্যাণ্ডেজটা তা হলে খুলি ?

জবাবের অপেক্ষা না করিয়া কুন্তলা ব্যাণ্ডেজ খুলিল ।
ক্ষতস্থান সম্পূর্ণ সুস্থ । কুন্তলার চোখ উজ্জ্বল হইয়া উঠিল ।
সে মৃদু পরশে অশোকের কপালে হাত ব্লাইয়া দিল ।

এত শিপগীর যে সেরে উঠবে তা আমিও ভাবিনি ।

অশোক ॥ এমন শুক্রাষা পেলে মরা মানুষও বেঁচে উঠতে পারে ।

কুন্তলা লজ্জায় রক্তিম হইল

কুন্তলা ॥ এমন করে বললে আমি আব আসব না ।

অশোক স্নান হইল । দীর্ঘনিশ্বাস পতনের শব্দ স্পষ্ট
শোনা গেলো ।

অশোক ॥ তোমাকে ধরে রাখব—এমন সম্বল আনার আর কিছুই অবশিষ্ট
নেই কুন্তলা ।

কুন্তলার মর্মস্পর্শ করিল । হঠাৎ সে জবাব দিতে
পারিলনা । আপনা হইতেই তাহার মাথা মুইয়া আসিল

ওমন সেবা! ওমন শুশ্রূষা ॥ আমি ভাবছি এ ঋণ জীবনেও
শোধ করতে পারব কি ?

কুম্ভলা ॥ তোমার কী-ই বা আমি করেছি ? আর একে কেন তুমি ঋণ বলে
ভাবছ বলো ত ? তোমার জন্ম এইটুকু করবাবও কি আমার
অধিকার নেই ?

অশোক ॥ কিন্তু নেবার অধিকারও তো থাকা চাই ?

কুম্ভলা ॥ থাক্ ওসব কথা ।

অশোক ॥ আমিও ভাবতে চাই না—ভেবে শুধু শুধু হুঃখ পাওয়া । তার
চেয়ে তুমি একটা গান গাও ।

কুম্ভলা ॥ আমি গাইব ?

অশোক ॥ তুমি গাইবে, আমি শুনব । পুরণো দিনের একখানা গান—আগে
যেমনটি গাইতে ।

কুম্ভলা ॥ গান আমি ভুলে গেছি ।

অশোক ॥ আমি মনে করিয়ে দিচ্ছি ।

কুম্ভলা ॥ কিন্তু তুমি মনে করিয়ে দেবে ত শুধু কথা, সুরটা পর্য্যন্ত আমি
ভুলে গেছি ।

অশোক অভিমানে নীরব রহিল

রাগ করলে তো ?

অশোক ॥ আমিও চুপ্ করে থাকব ।

কুম্ভলা ॥ বেশ, আমাদের কথা এখানেই ফুরিয়ে গেলো ।

অশোক ॥ অভিমান ?

কুম্ভলা ॥ যদি তাই হয় ।

অশোক ॥ আমি মান ভাঙাতে যাব না ।

কুম্ভলার ঠোঁটে স্নিগ্ধ সোনালি হাসি । সে অশোকের
সন্নিহিত হইয়া গান গাইতেছে

এ ময়া রজনী শুধু মোদের থাক ঘিরে
জোৎস্না নিরিবিলি বরুক বাতায়নে ।
কোথাও কেহ নাই, স্বপ্ন নির্জন,
মিলনে মধুময় হোক এ জীবন—
শিষ্য বেদনা সব পিছনে থাক পড়ে ।

দুইজনেই অতীত স্মৃতির স্বপ্নে বিহ্বল হইল ।

অশোক ॥ তোমাব আমার জীবনে যদি এ গানই সত্য হয়ে উঠত কুন্তলা ।

কুন্তলা ॥ সে সত্য নিদ্রাপে হয়ে উঠত আমাদের জীবনে । (সুর বদলাইয়া)

তোমার পথের সঙ্গে আমার মত মিলত কি ?

অশোক ॥ মিলতো—কোনদিনই অমিল ছিল না । শুধু ক্ষণিকের উত্তে-
জনায় দু'জনেই আমরা ভুল পথে ছিটকে পড়েছিলুম মাত্র ।
পুরুষকে শক্তি দেবে নারী—অনুপ্রেরণা দেবে নারী । এই
আমাদের ভারতবর্ষের শিক্ষা । আমরা ভুলে গিয়েছিলুম ।

কুন্তলা ॥ এ জেনেও এখন কার কী লাভ ?

অশোক ॥ উত্তেজনা আর শখ মূলধন করে দেশসেবা হয় না, এ সত্য আমাদের
জীবনে উজ্জল হয়ে উঠুক ।

কুন্তলা ॥ সে পথে যে অনেক বাধা ।

অশোক ॥ আমরা মানব না । আমাদের বাত্মা সুরু হবে নতুন আদর্শ
সামনে রেখে—জীবনকে আমরা নতুন করে চাইব, নতুন করে
লাভ করব । আমরা ভুলে গিয়েছিলুম সত্যকে, আর মুহূর্তের
ভুলই আমাদের জীবনে সত্য হয়ে উঠেছিল, তাইত এই ভুলের
বোঝা । আজ সত্যকে আমরা সাহস করে মেনে নেব । (কুন্তলাকে)
কিন্তু তুমি থামলে কেন ?

কুন্তলার গান :

একটি বার ভুলে ডাকিও নাম ধ'রে
বিকশি উঠুক আজ সুরভি সব আশা—
এরপর ভুলে যেও এ ক্ষণ-ভালবাসা
দিনের দীপ জ্বালি প্রভাত এলে পরে ।

গভীর অনুরাগে কুন্তলা অশোকের বৃকে মাথা রাখিল ।

ধীরে ধীরে যবনিকা নামিতেছে ।

শেষ দৃশ্য

শিবধন রায়ের বহির্কক্ষ। শিবধন রায় নেশায় বৃন্দ হইয়াছেন। হিরণগড়ের নাট-মন্দিরে সে রাত্রে “মীরকাশিম” অভিনীত হইবে। শিবধন রায় নাটকের নেশায় মতিয়া উঠিয়াছেন। ‘মীরকাশিমের’ পার্ট আবৃত্তি করিতে করিতে শিবধন রায়ের প্রবেশ।

শিবধন ॥ “হ্যাঁ, হ্যাঁ, ঠিক বলেছ পাগল। নইলে কী শুনতে পাই সিরাজের আর্ন্তনাদ, লুৎফার ক্রন্দন, বাংলার হাহাকার। তোমরা কি তা শুনতে পাও? তোমরা দেখতে পাও এক ফোঁটা রক্ত বড় হয়ে সারা দেশ লাল করে দিচ্ছে?”

সুকুমারীর প্রবেশ

সুকুমারী ॥ তবু তুমি মদ ছাড়লে না! মণিকে আশীর্বাদ করতে আসছে বরপক্ষ। কী ভাবে বলত?

শিবধন ॥ মণিকে আশীর্বাদ করতে আসবে বরপক্ষ? মণির বিয়ে?

দরাজ হাসিতে বিস্তারিত হইলেন

চমৎকার মিলছে তো। এই ক’নে দেখার দিনে হিরণগড়ের নাট-মন্দিরে আবার বেজে উঠবে নর্তকীর নুপুর-নিকণ, মরচে-ধরা ঝাড়ে ঝাড়ে জলে উঠবে লাল, নীল, সবুজ আলো। আজ ‘মীরকাশিমের’ অভিনয়—বাংলার শেষ স্বাধীন নবাব মীরকাশিমের ভূমিকায় হিরণগড়ের শেষ জমিদার—দেউলে জমিদার, স্বয়ং শিবধন রায়।

অটহাসি

অদ্ভুত যোগাযোগ—অভিনব যোগাযোগ। তবে আব দুঃখ কীসের
বড়বৌ, আনন্দ কর শুধু, আনন্দ কর

সম্মিৎ হারাইলেন

“আবাব সুর হোক গানের উৎসব, নাচের উৎসব। আপনারা মিছে
চঞ্চল হবেন না। শুধু উৎসব—উৎসব—জীবনের পরম উৎসব—চরম
উৎসব।”

উদ্ভাস্তভাবে শিবধন রাযের প্রশ্নান। সঙ্গে সঙ্গে
সুকুমারীও অনুসরণ করিলেন।

দৃশ্যান্তর। মণিকার শয়নকক্ষ। হীরালাল ও মণিকা।

হীরালাল ॥ সেদিনের আচরণের জন্ত আমি অত্যন্ত দুঃখিত মণি।

মণিকা ॥ আপনার মহত্ব। আমরা মেয়ে, ধরিত্রীর মত সহিষ্ণু, সাত চড়েও
শব্দ করা আমাদের মানা।

হীরালাল ॥ দেখতেই ত পেয়েছিলে আমি ‘মুড়ে’ ছিলাম না—সেজন্তু ক্ষমা
চাইছি।

মণিকা ॥ লক্ষ টাকার মালিক আপনি। আমাদের মত গরীবদের ওমন কড়া
কথা কইবার অধিকার আপনার আছে বৈ কি।

হীরালাল ॥ না, না, শুধু টাকা দেখিয়ে তোমাকে পেল, জীবনেও সে দুঃখ
আমার ঘুচবে না। আমি তোমাকে...

অনুরাগে

আমি তোমাকে ভালোবাসি।

মণিকা ॥ ভালবাসার প্রশ্নই উঠছে না। হিন্দুর মেয়েরা বিয়ের পর বরকে
ভালোবাসে, না বাসলেও ক্ষতি নেই! সংসার গড়াটা তাদের
ঠিক-ই থাকে।

হীরালাল ॥ কিন্তু আমি শুধু সংসারই গড়তে চাই না, আমি তোমাকে পেতে
চাই। ভালোবেসে পেতে চাই। তোমার মত থাকলে এ বিষে
আমি একুনি ভেঙে দোব।

মণিকা ॥ আমার মত ? বাঙালীর মেয়ের কোন স্বতন্ত্র মত থাকতে নেই ।
মা বাবা যাকে স্বামী ঠিক করেছেন, তা'কে পছন্দ না করলে নরকেও
আমার স্থান হবে না । কিন্তু আপনি মিছে ভাবছেন, বিয়ে
আমাদের ঠিকই হবে ।

হীরালাল ॥ (খুসীর উজ্জ্বলো) এই সামান্য উপহার, মঙ্গলাচরণের স্বরণ-চিহ্ন ।

হীরালাল নেক্লেস্ মণিকার হাতে দিল ।

মণিকা ॥ কেন এত খরচ করছেন । দেবার সবে ত এই শুরু ।

হীরালাল হাসিল ।

হীরালাল ॥ এন্থেজমেন্টের দিনে দিতে হয় । আর একটা নেক্লেসে আমি
ফকির হয়ে যাবনা — আচ্ছা এখন আমি আসি তবে ।.....

প্রস্থান । মণিকা স্থির দৃষ্টিতে খানিকক্ষণ নেক্লেসের
দিকে তাকাইয়া রহিল । তারপর মেটি ছুড়িয়া ফেলিয়া
বিছানায় মাথা গুঁজিয়া রহিল । একটু পরেই প্রবেশ
করিল শঙ্কর

শঙ্কর ॥ এই অসময়ে শুয়ে আছ যে ?

মণিকা ত্রস্তভাবে উঠিয়া বসিল

এ কী ? তোমার অসুখ করেনি ত ?

মণিকা তাড়াতাড়ি চোখ মুছিল

মণিকা ॥ কই, না-ত ?

শঙ্কর ॥ এবার ধরা পড়ে গেছ । আমি জানি কেন তোমার মন
খারাপ ।

মণিকা ॥ আমার সর্বজ্ঞ ঠাকুরটির ! মুখ দেখেই মনের কথাটি বলে দিতে
পারেন !

শঙ্কর ॥ তুমি মুখ ভার করে আছ আমার শরীরের কথা ভেবে ।

মণিকা ॥ আমার বয়ে গেছে । মন খারাপ করবার আর কারণ খুঁজে
পাচ্ছি না কিনা ।

মণিকার হৃদয়ে কান্না ও দৃঢ়তার মিশ্রণ

- শঙ্কর ॥ তবে কেন তুমি ওমন মন ভারী করে বসেছিলে ?
- মণিকা ॥ কেন রসব না। মা বাবাকে ছেড়ে যেতে কোন মেয়ের মন খারাপ না হয় শুনি ?
- শঙ্কর ॥ কালই ত আর বাড়ী ছেড়ে যাচ্ছনা।
- মণিকা ॥ যাচ্ছিনা মানে ? আজই যে পাকা দেখা। বিয়ের খবর শোন নি বুঝি !
- শঙ্কর ॥ এই প্রথম শুনাছি—আর শুনে শুনে অবাক হচ্ছি।
- মণিকা ॥ বিয়ের খবরটা এমন কিছু অষ্টম আশ্চর্য্য নয়। সময়ে ছাপানো চিঠি পাবে। নেমন্তন্নটা বাদ দিও না কিন্তু।
- শঙ্কর ॥ পাত্রটি কে ?
- মণিকা ॥ মেয়েদের স্বামীর নাম বলতে নেই।
- শঙ্কর ॥ হেঁয়ালি ছেড়ে সোজা জবাব দাও মণিকা। ঠাট্টা হচ্ছে না কি ?
বিছানা হইতে নেক্লেস্ কুড়াইয়া আনিম
- মণিকা ॥ ভাবী স্বামীর প্রথম অলুরাগ। এর পরেও ঠাট্টা বলবে ?
- শঙ্কর ॥ উপহার ত অনেকেই দিতে পারে..
- মণিকা ॥ না, সবাই পারে না। লাখো লাখো টাকা যাদের রোজগার... তারাই ক'নে দেখতে এসে এমন দামী নেক্লেস দিতে পারে।
- শঙ্কর ॥ ও, হীরালাল। তোমার মা বাবা মত দিয়েছেন ?
- মণিকা ॥ বাঙালীর মেয়ে আমি। কোর্টশিপ করে আমাদের বিয়ে হয় না। মা বাবাই আমাদের জন্তে পাত্র ঠিক করে দেন, আর সে রেডিমেড স্বামী নিয়ে আমরা পরম সুখে ঘরকন্না করি।
- শঙ্কর ॥ আমি এ বিয়ে হতে দেব না মণিকা।
- মণিকা ॥ তার চেয়ে আমার মেয়ে ফেলা ঢের সহজ। এক মরণ ছাড়া হিন্দু বিয়ের বজ্র বাঁধন টুঁটে কখনও ?
- শঙ্কর ॥ বিয়ে তোমার এখনও হয়নি। তোমার জীবনটাকে আমি এমনভাবে নষ্ট হতে দোবনা। পল্টুর সঙ্গে বিয়ে তোমার হবেনা।

মণিকা ॥ তবে কি সারা জীবন আইবুড়ো থাকবো ?

শঙ্কর ॥ কেন ? দুনিয়ায় পল্টু ছাড়া আর পাত্র খেই নাকি ? সে কী এমন দুর্লভ রত্ন শুনি ।

মণিকা ॥ দুর্লভ রত্নই বটে ? একেবারে ডুমুরের ফুল, সহজে দেখা পাওয়া যায় না ।

শঙ্কর ॥ তোমার স্বামী হবে জ্ঞানী, গুণী, বিচক্ষণ, বিদ্বান্ ।

মণিকা ॥ নাইবা হলো বিত্তের জাহাজ । পেটভরা ওর ব্যবসা-বুন্দি, বড় বড় বুলি আওড়ায় না কিন্তু ব্যাঙ্ক ব্যালেন্স বোজই বেড়ে চলেছে । এমন স্বামী ক'জনের ভাগ্যে জোটে ?

শঙ্কর ॥ তাই তোমার ভারী পছন্দ—না ?

মণিকা ॥ মধাবিত্ত ঘরের মেয়ে আমরা—আদর্শ নিয়ে মাথা ঘামাইনে । শাড়ী, বাড়ী আর অলঙ্কার পেলেই আমরা আহ্লাদে আটখানা হয়ে উঠি । তারপর স্বামীর সোহাগ—সেত আমাদের উপরি পাওনা ।

শঙ্কর ॥ হাসির ছল করে এই কান্না—আমার ভালো লাগেছে না মণিকা । এসো আমার সঙ্গে...

শঙ্কর মণিকার কাঁধে হাত রাখিল

মণিকা ॥ ছিঃ লোকে দেখলে কী বলবে বলতো ? কাল বাদে পরশু বিয়ে...,

শঙ্কর ॥ পরশু তো বিয়ে হোক ।

মণিকা ॥ শঙ্করদা, আমরা কী আর আগের মত আছি । এ নিয়ে কথা উঠতে পারে ।

শঙ্কর ॥ বাজে কথায় কাণ না দিলেই হলো ।

মণিকা ॥ তুমি কাণ না দিলেও সমাজ শোনাতে বাধ্য করবে ।

শঙ্কর ॥ তবে আমরা শুনবো—আমার পাশে দাঁড়িয়ে তুমি মুখের মত জবাব দেবে সমাজকে ।

মণিকা ॥ (বিস্মিত কণ্ঠে) তোমার পাশে ?

শঙ্কর ॥ হ্যাঁ আমার পাশে । এই ছন্নছাড়া ভাইটির পাশে । তোমার মত বোন যদি না থাকে, তবে কে তা'র দেখা শোনা করবে নলো । সুজাতা, কুস্তলা, কিন্তু তোমার মত সেবা...তারা কেউ জানে না । এই এক বিষয়ে তুমি তাদের সকলের চেয়ে বড় ।

মণিকা এই অপ্রত্যাশিত মহিমা ও মাধু্যে বিমুচ হইয়া
গেল । সে নিজকে আর চাপিয়া রাখিতে পারিল না

মণিকা (অশ্রু উচ্ছ্বাসিতস্বরে) তুমি আমায় অশীর্বাদ কর শঙ্করদা, আমি যেন মেয়ে হয়ে না জন্মাই । আব এক জীবনে বাঙালির ঘবে মেয়ে হয়ে না জন্মাই !

সে দুই হাতে মাথা গুজিয়া অবনত হইল এবং শঙ্কর
স্নেহে মাথায় হাত বুলাইয়া দিতেছে ।

শঙ্কর ॥ ছিঃ ওমন ভেঙ্গে পড়তে নেই ।

মণিকা ॥ শঙ্করদা ।

শঙ্কর ॥ ছোট বোনের উপর লক্ষ্মীছাড়া ভাইদের এমনি ছরন্ত আবদার ।

মণিকা ॥ তুমি আমায় এমনি করে শাস্তি দিতে চাও শঙ্করদা !

শঙ্কর ॥ জানি, তুমি দুঃখ পাবে । আর এও জানি এ আঘাত বুক পেতে নিতে পার শুধু তুমি ।...গারা দেশটাই যদি শুধু ভালোবাসতে চায়, স্বপ্ন দেখতে চায়, তবে এ অভিশপ্ত জাতের ঘুম আর কোন দিনই ভাঙবে না মণিকা ।

অশোক ও কুস্তলার প্রবেশ

অশোক ॥ জ্যোঠামশাই আমাদের বিয়েতে মত দিয়েছেন শঙ্করদা ।

শঙ্কর ॥ তা'হলে তো আর কথাই রইলো না । তা কাছে নামবার আগে কিছু দিন বিশ্রাম কর ।

কুস্তলা ॥ মধুচন্দ্রিমা ?

শঙ্কর ॥ যে নামই দাও (সর্কোতুকে) মধুযামিনীর জন্তে কলের পাখায়
ভর করে আবার জাপানে চলে যেওনা কিন্তু ।

শঙ্কর জয়ানক কাশিতেছে

কুম্ভলা ॥ তুমি যদি রাশিয়ার না গিয়ে দেশে থেকে আমাদের কাজে ডাকো,
তা'হলে আমরা কি তা না শুনে পারি ।

অশোক ॥ তুমি যদি ভারতবর্ষের কথা দেশের ভাষায় দেশের লোককে বুঝিয়ে
দাও, তবে কী তারা সে ডাকে সাড়া না দিয়ে পারে ?

শঙ্করের মুখ হইতে এক বলক রক্ত বাহির হইয়া
আসিল

মণিকা ॥ ওকে আর কথা বাড়াতে দিওনা ছোড়দা । ও শরীর খুব খারাপ ।
উত্তেজনা পেলেই রক্ত উঠতে থাকে ।

শঙ্কর ॥ (আর্তকণ্ঠে) এ রক্ত আমার বুক থেকে উঠছেনা, এ রক্ত উঠছে
দেশের বুক থেকে, জাতির হৃৎপিণ্ড ছিঁড়ে (কাশিতে ভাঙা সুর)
আমি যে বাণী পৌঁছে দিতে পারলাম না, যে কাজ শেষ করতে
পারলাম না—তোমরা তাই করো, তোমরা সে অসমাপ্ত বাণীকে
পৌঁছে দিও—গ্রাম থেকে গ্রামে, সারা বাঙলায়, সারা দেশে...

মঞ্জের অলো নিভিয়া গেলো । দৃশ্যাস্তর । শিবধন রায়ে
বর্হিকক্ষ । আচম্বিতে শিবধন রায়ে প্রবেশ । 'মীর-
কাশিমের' ভূমিকাভিনয় করিতেছেন, এই বিশ্বাসটুকু
তাঁহার মনে বদ্ধমূল হইয়াছে । এটা যে মঞ্চ নয়—
তাহার বাড়ী—সে খেয়ালটুকুও নাই ।

শিবধন ॥ "পালাও, পালাও ! বাংলা থেকে পাটনা, পাটনা থেকে মুঙ্গের,
মুঙ্গের থেকে অযোধ্যায়... অযোধ্যা থেকে দিল্লীতে পালিয়ে এলাম ।
আসতে আসতে দেখলাম—যে পারছে—সেই পালাচ্ছে । মাটিতে
বুক ফুলিয়ে কেউ কুখে দাঁড়াচ্ছে না—কেউ না । সারা দেশে
কেউ না—সারা দেশে কেউ না ।"

সুকুমারীর উৎকর্ষিতভাবে প্রবেশ

সুকুমারী ॥ শুভদিনে এমন করতে নেই। চলো—ভেতরে চলো।

শিবধন রায়ের ধারণা 'মীরকাশিমের' অভিনয় শুরু
হইয়াছে এবং মীরকাশিমের স্ত্রী 'ফাতেমা' নঞ্চে প্রবেশ
করিয়াছেন

শিবধন ॥ “কে! মীরজাফরের কন্যা? এখানেও এম্বেছ পিতার আদেশে
ধরিয়ে দিতে?”

সুকুমারী ॥ মীরজাফরের কন্যা আমি নই।

শিবধন রায়ের এই উন্নত অবস্থা দেখিয়া সুকুমারী
লজ্জায়, কুণায় স্ত্রিয়মান।

তুমি চেয়ে দেখো—আমি বড়বোঁ।

শিবধন ॥ ‘কাশিম আলীর বাদী!’

সুকুমারী ॥ মণিকে আশীর্বাদ করতে আসবে। তোমাকে এ অবস্থায় দেখে
যদি ওরা আশীর্বাদ না করেই ফিরে যায়—বিয়ে ভেঙে যায়, সবাই
মুখ টিপে হাসবে। চার দিকে আমাদের স্মৃতিশক্ররা...

শিবধন ॥ “তাই মীরজাফরের কন্যা দিল্লী পর্যন্ত ছুটে এসেছো লাখো টাকার
লোভে? আসবে না। তার বাপ একদিন টাকার লোভে বাংলাকে
বিক্রী করেছিল।”

সুকুমারী ॥ তুমি আমার মাথা খাও। আজকের মত তুমি শুধু আমার মূখ
রক্ষা করো।

শিবধন ॥ (নিম্নস্বরে) কই, বইতে তো এসব নেই। পাট ভুলে কী সব
বা খুসী বলছ।

সুকুমারী । আমি চিরটা কালই চূপ করে তোমার খেয়াল সহ করেছি ।
আমার উপর যত খুসী আবদার করো, আমাকে শাস্তি দাও,
পীড়ণ করো; কিন্তু এভাবে মেয়ের ভবিষ্যত, পরিবারের ভবিষ্যত—
নিজের হাতে তুমি নষ্ট করো না ।

শিবধন ॥ (নীচুগলায়) তা মন্দ বলোনি, এক রকম মানিয়ে যাচ্ছে ।
(উচ্চকণ্ঠে) “তবে তাই হোক—মৃত্যুই হোক মীরজাফরের কন্যার
স্বামীভক্তির পুরস্কার ।”

‘মীরকাশিম’ নাটকের লিখিত নির্দেশ মত শিবধন গলা
টিপিয়া ধরিলেন সুকুমারীর । সুকুমারী প্রতিবাদ
করলেন না, বাধা দিলেন না । তার চোখে শুধু
নীরব অশ্রু ।

শিবধন ॥ “চোখের জলে আমি ভুলছি না । লুৎফাও কেঁদেছিল, সিরাজ
কেঁদেছিল, গোটা বাংলা আজ ডুकरে কাঁদছে । কে তার মূল্য
দিল ? কে তার মূল্য দেবে ? সিরাজ নিয়ত আমার কানে কানে
বলছে—পলাশীর প্রায়শ্চিত্ত করো...পলাশীর প্রায়শ্চিত্ত করো...”

অশোক, কুস্তলা ও বিজনের প্রবেশ

কুস্তলা ॥ আপনি শোবেন চলুন জ্যেষ্ঠামশায়, আপনি অসুস্থ ।

শিবধন ॥ “এই যে উজীর ! দয়া কর ভাই, দয়া কর, আমায় একটিবার
বাদশার সন্মুখে হাজির কর ।”

বিজন ॥ (নাক সিটকাইয়া) একেবারে বন্ধপাগল ।

শিবধন ॥ “কি আমি আগল ! বাংলা, বিহার, উড়িষ্যার অধিপতি নবাব
মীরকাশিম পাগল ! আর সে কথা বলছে কিনা বেতনভোগী
এক ভৃত্য” !

অশোক ॥ বাবা, আমি আপনাকে নিয়ে যাচ্ছি, নাটমন্দিরে নিয়ে যাচ্ছি
চলুন আমার সঙ্গে ।

শিবধন ॥ (থমকিয়া দাঁড়াইলেন) “তুমিও নজাফ গাঁ, শেষে তুমিও, তুমি আমায় পালাতে বলছ ?”

বিজন ॥ (সবোধে) দাঁড়িয়ে দাঁড়িয়ে কা সড় দেপছ অশোক ? জোর কবে ঘরে নিয়ে বাও । এক্ষুণি মারামারি শুরু করবেন । যত সব আপদ এসে জুটে আমাদের জন্তে ।

শিবধন ॥ “কাব সাধ্য আমায় বন্দী করে । বাংলা, বিহার, উড়িষ্যাব অধিপতিকে বন্দী করবে কে ? কাব আদেশে ?”

অশোক ॥ আপনি ঘরে চলুন বাবা ।

শিবধন ॥ “ছাড়, আমায় ছাড় । বিশ্বাস কর আমি পাগল নই, আমি পাগল নই । সুদূর বাংলা থেকে আমি পদ বহন করে এনেছি । আলিবর্দির পত্র, সিবাজের পত্র, গোপনীয় পত্র—বক্তের হরফে লেখা পত্র... আমি বাদশাহ কাছ—খোদাতালাব কাছে পেশ করব ।”

চেয়ারে ধাক্কা লাগিয়া ভূমিডি খাটিয়া পড়লেন । কপাল
ফাটিয় রক্ত বাতির টুক

সুকুমারী ॥ ভগবান..

সুকুমারী স্বামাকে ধরিতে গেলেন । অশোক ও কুম্বল্য
তাহাকে সাহায্য করিল, কিন্তু শিবধন উঠিলেন না ।
তাহার ধারণা তখনও তিনি ‘মারকাশিমের’ অভিনয়
করিতেছেন । নাটকের লিপিত নিবেশ মত কপালে
হাত দিলেন, কিন্তু সত্যই ভগন রক্ত ধরিতেছে ।

শিবধন ॥ “রক্তে লাল হয়ে গেছে, রক্তে লাল হয়ে গেছে । পলাশীর
প্রাক্ষণ যে রক্তে রাঙা হয়েছে, সে রক্তে সারা বাংলা লাল হয়ে
গেলো । সেই রক্তের বন্না খেয়ে আছে, সারা ভারতও লাল
হয়ে যাবে । সারা ভারত লালে লাল হয়ে গেলো, লালে লাল
হয়ে গেলো, লালে লাল হয়ে গেল.....”

হে বীর পূর্ণ কর

মঞ্চের আলো গ্লান হইয়া আসিল। 'মীরকাশিম'
নাটকের সমাপ্তি অনুযায়ী মৃত্যুর দৃশ্যাভিনয়ের জন্ত
শিবধন গুইয়া পড়িলেন। কিন্তু হতভাগ্য জমিদারের
নেশা চরমে উঠিয়াছিল। দুর্বল হৃদয় সে উত্তেজনা সহিতে
পারিল না। তিনি সত্যই হার্ট-ফেল করিলেন।

অশোক ॥ হার্টফেল, হার্টফেল

সুকুমারী মৃতের মাথা জড়াইয়া ধরিলেন। কুস্তলা ও
অশোক তাঁহার দেহ বৃকে তুলিয়া নিল। কুস্তলা
বিষয়টার আকস্মিক মর্মান্তিকতায় বিমূঢ়। যবনিকা
মস্তুর ছন্দে নামিতেছে। কোমর আলো কেল্লীভূত
হইয়াছে শোকতপ্ত পরিজনদের মুখের উপর।

সুকুমারী

B1215

